



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



QA
469
R36

Myra.

Nov 1823.

Index.

Cap. I. Introductionis	p. 1
II. Fontes hyloniae problematis	12
III. Prima problematis origo	17
IV. Hippocrates Chius	22
V. Oraculum Apollinis	27
VI. Incrementa geometriae	35
VII. Plato	43
VIII. Archydes	49
IX. Eudoxus Cnidius	53
X. Menaechnus	57
XI. Aristoteles	72
XII. Euclides. Archimedes	79
XIII. Scythia mechanica	87
XIV. Hero Alexandrinus	95
XV. Philo Byzantinus	107
XVI. Apollonius Pergaeus	124
XVII. Eratosthenes	131
XVIII. Nicomedes	160
XIX. Diocles	174
XX. Pappus	186
XXI. Sporus	199
XXII. Recensionum conatus	202.

Hooster W. Bernau,
1874.

HISTORIA
PROBLEMATIS
DE
CVBI DVPLICATIONE

SIVE DE
INVENIENDIS DVABVS MEDIIS
CONTINVE PROPORTIONALIBVS
INTER DVAS DATAS

AVCTORE
NICOLAO THEODORO REIMER
PHILOS. DOCT. ET AA. LL. MAG.

ACCEDVNT TABVLAE AENEAE.

GOTTINGAE
APVD JOANN. CHRISTIAN. DIETERICH.
MDCCXCVIII.

ENTRANCE

ENTRANCE

ENTRANCE

W. W. Beman

2000 ft. 2000

5-29-1923

ENTRANCE

ENTRANCE

ENTRANCE

ENTRANCE

SERENISSIMO
PRINCIPI AC DOMINO
DOMINO
FRIDERICO CHRISTIANO

D V C I
SCHLESVICO-HOLSATO-SONDERBVIRGO-
AVGVSTENBVIRGI

REGNANTI

INTER REGII DANICI SENATVS SANCTIORIS
PROCERES ADSCRIPTO

ORDINIS ELEPHANTINI EQVITI AVRATO

ACADEMIAE HAENIENSIS CONSERVATORI SVMMO
ET PATRONO

DYNASTAE IN GRAVENSTEIN

REL. REL. REL.

426234

Questions • **A**nswers

1940

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 84

• **Control** – the ability to influence the behavior of others

Journal of Management Studies, 19(1), 67-80.

Abstract

ALL INFORMATION CONTAINED HEREIN IS UNCLASSIFIED
DATE 08-10-2001 BY 60322 UCBAW

1944-1945

...the ...

[illegible]

2000

*Etsi bene intelligo, quam confidenter
id a me factum sit, quod NOMINI
TVO,*

*PRINCEPS
SERENISSIME!*

*bunc libellum inscribere ausus sum:
veniam tamen temerarii huius ausus
facile me consequuturum esse cum alia
sunt, quae mihi spem faciunt iucun-
dissimam, tum summa laus, qua cele-
bratur lenitas et indulgentia TVA,
quae adducit TE, ut in mitius inter-*

preteris, si iuuenem, in academiis
cum patria tum extera studiorum
curriculo exacto, iam doctrinae suae
specimen propositurum, in votis id
habere videas, ut ille, cum summa
TVARVM virtutum admiratione
percussus sit, deuotissimi animi sensus,
cum summa pietatis testificatione, pa-
lam TIBI,

*PRINCEPS
SERENISSIME!*

*declarare possit, quem ut de litteris
elegantioribus, ita etiam sublimiori-
bus mentis humanae disciplinis acutis-
simum iudicem et arbitrum se habere
Dania erudita gloriatur. Accipe ita-
que placido vultu qualescunque has
lucubrationes, NOMINI TVO de-*

votissime inscriptas, quae in grauissimis et praestantissimis nonnullorum antiquitatis summa ingenii vi et acumine insignium hominum in Geometriae aliquod problema olim maxime perplexum disquisitionibus enarrandis et diiudicandis versantur. Equidem pro TVA salute vitaeque diuturnitate, cum ipsa patriae salute con-

*iunctissima, ad Deum T. O. M. nun-
quam non preces mittam ardentissi-
mas,*

*SERENISSIMI
NOMINIS TVI*

Gottingae,
die XXIII. Julii, MDCCXCVII.

cultor deuotissimus
Nicolaus Theodorus Reimer.

LECTVRIS

S.

Est hic, qui Vobis traditur, liber quasi pars operis maioris, iam dudum a me inchoati, quo eorum trium nobilissimorum problematum, quæ de circuli quadratura, de mediarum continue proportionalium inuentione, et de anguli trisectione vulgo appellantur, historiam simul complecti meditabar; hoc quidem inprimis respectu habito, vt, quantopere profuerit ipsorum disquirendorum studium

ad

ad excolendam augendamque vniuersam mathematicam cognitionem, inprimis autem Geometriam, narratione a primis horum problematum originibus, ab antiquissima ferme Geometriae tractatione iam repetendis, ad summam vsque recentiorum temporum huius disciplinae perfectionem deducta, omnino docere eniterer. Sed quamuis ipsa huius incepti moles et non exigua difficultas studium meum et industriam minime reprimerent: adfuere tamen mox aliae caussae, quas hic commemorare nihil attinet, quae, ut quod huic operi absoluendo requireretur tempus longius iam impenderem, admodum dissuaderent.

Prodit igitur hocce libro sola problematis de mediarum continue proportionalium inuentione, siue, quo nomine illud
magis

magis celebratum fuit, de cubi duplicatione historia: in qua conscribenda easdem, quas in opere illo maiori mihi propositas fuisse iam monui, rationes sequutus sum; atque eo quidem magis, cum prae ceteris huius maxime problematis tractationem cum primis illis Geometriae sublimioris originibus et incrementis ita coniunctam fuisse perspicerem, ut ad disciplinae illius historiam rectius cognoscendam diiudicandamque, etiam nostri problematis historiae paulo accuratorem tenere cognitionem, necesse esse apparet. Quare etiam factum est, praesertim cum singularis huius problematis usus in multis vitae communis veterum rebus ex antiquis scriptoribus insuper vberius esset illustrandus, ut in prolixiores de singulis veterum auctorum locis disquisitiones digrediendi

grediendi saepius mihi esset occasio: quae tamen semper ita usus esse mihi videor, ut nunquam ea, quae ab ipsa re proposita iam nimis aliena haberipossent, longius prosequerer; multa etiam, quamvis cum ipsa hac historia satis cohaerere viderentur, (ne libri moles nimis accresceret) breuiter tantum notarem, cum uberiori ipsorum illustrationem in aliud tempus seruare apud me decreuissim. In exponendis, quae in hoc libro leguntur, singulis veterum Geometrarum nostri problematis soluendi rationibus ita sum versatus, ut vnusquisque auctoris graecae summa cum fide latine exprimerem, nec quidquam in ipsis temere mutarem; quam pro his, quae in demonstrationibus graecis ipsis verbis nimis prolixè enuntiata sunt, notiora illa Matheoseos recentioris

tioris signa breuitatis studio adhibere non dubitavi. Quae praeterea hisce demonstrationibus ad maiorem ipsarum illustrationem nonnunquam interponenda duxi, ubi ad Euclidis elementa, in ipsis etiam Geometrarum Euclide antiquiorum solutionibus, prouocaui: cum vncis inclusa exhibeantur, non erunt impedimento, si qui forte ad hunc libellum euoluendum accesserint Geometrae, in Geometria autem minus versatis lectoribus fore ut grata sint et exoptata, speravi.

Ceterum, quod sub huius praefationiculae finem praetermittere non possum, si hunc meum qualemcunque antiquitati mathematicae illustrandae impensum laborem non prorsus irritum esse iudicaturi sint lectores aequi reiue intelligentes: hoc inprimis in acceptis referendum ha-

bebo

bebo Duumuiris summis, praeceptoribusque meis omni laude maioribus, *Kaestnero* et *Heynio*, quorum quidem consiliis monitisque ad ipsa haec studia, quibus nunc fere vnice delector, animum meum conformatum esse cum gratissimi animi significatione profiteor. Scripsi in Academia Georgia Augusta, mense Julio, MDCCXCVII.

CAP. I.

INTRODVCTIO.

Inter grauiffimas et celeberrimas Geometriae a Graecis cultae quaestiones, quae, quamuis ab Mathematicorum sollertissimis sagacissimisque diu et multum tractatae, tamen ipsorum indaginem semper quodam modo subterfugisse perhibentur; videmus plane nullam, quae a tam antiquis inde temporibus iam in medium prolata, tam insigni studio et assiduitate per omne tempus fere aequabili versata, tot ac tantorum virorum exercuerit ingenia, hisque altius inquirendi et ad sublimiora cognitionis mathematicae progrediendi incitamenta suppeditando et quasi calcaria, tantopere profuerit ad augendam et amplificandam vniuersam Mathesin, quam

A

proble-

problema illud, quod *de cubi duplicatione*, sive *de inveniendis duabus mediis continue proportionabilibus* vulgo appellant.

Definitur autem *cubus* esse figura solida sex quadratis aequalibus comprehensa, ipsamque *duplicare* nihil aliud significat, quam extrahere ex ipso alium cubum, qui sit duplum ipsius dati. Quod cum perfici ostensum sit, si inter latus cubi dati et lateris duplum duae mediae continue proportionales inveniuntur, quarum mediarum prior sit latus cubi duplicati *): factum est, ut illud *de cubi duplicatione* problema in hoc, quo *duae mediae continue proportionales inter duas datas inveniendas* proponuntur, abiret, saepiusque hoc nomine postea insigniretur. Quarum mediarum proportionalium inuentio si demonstrata sit, cum inde facile eliciatur et triplicandi aut secundum quamvis aliam datam proportionem augendi vel minuendi cubi ratio: etiam

*) Adsumatur enim inter duas datas g et $2g$, quarum altera sit latus cubi dati, altera hocce latus duplicatum, quae inveniendae sint duae mediae continue proportionales, harum prior esse z . Erit igitur

$$g : z = z : \frac{z^2}{g} = \frac{z^2}{g} : \frac{z^3}{g^2}. \text{ Est autem } \frac{z^3}{g^2} = 2g. \text{ Unde fiet } z^3 = 2g^3; \text{ et } z = \sqrt[3]{2g^3}.$$

etiam hanc simul respexisse Geometras, quoties ad soluendum problema de cubo duplicando animos adplicarent, moneri vix opus est.

Iam cum omnis Geometria, quemadmodum et Plato ipsius naturam nomenque constituisse fertur, propriè ad metiendum sit comparata; et quidem a lineis exorsa ad tractandas superficies pergat, quibus absolutis denique ad solida seu corpora accedat, Longimetriae Planimetriam, vtrique harum vero Stereometriam superstruens; ita ut haec posterior pars quasi summus finis extremaque totius scientiae meta, quo omnia praemissa tendant, vergantque, et quae cetera quasi potestate complectatur, summorum Geometrarum consensu habenda sit: quanta sit huius de cubo duplicando problematis vis et dignitas, quemque insignem locum in vniuersa Geometria occupet, iam satis superque elucere videtur. Praesertim cum haec figura inter omnes solidas sit maxime simplex et regularis, ad quam omnes reliquae servata ipsarum magnitudine facillime possint reduci et transformari, ideoque pro communi mensura in Stereometria (quemadmodum quadratum in Planimetria) merito sit constituta et recepta: vnde facile intelligitur, quae in Stereometria de reliquis figuris solidis quavis data ratione

augendis minuendisve, vel de ipfarum singulis in alias alterius formae externae v. c. cono vel cylindro in sphaeram, seruata tamen ipfarum magnitudine, mutandis et transformandis proponantur problemata, omnia cum hoc, quod dicitur de cubi duplicatione seu de inueniendis duabus mediis continue proportionalibus, artissime cohaerere atque ab ipso fere penitus pendere et includi.

Accedit quae inde oritur ad varios vsus vitae communis summa huius problematis soluti necessitas, apud veteres satis cognita et celebrata, nec a nostrarum rerum conditione prorsus aliena. Vt enim quas habuit antiquitas siccorum liquorumque mensuras, v. c. medimnos, metretas, aliaque cuiusuis generis vasa atque instrumenta praetermittamus, quorum quidem omnium dimensio, quantum vnumquodque contineat, constituendis ipsis in cubum, nostro problemati penitus innititur: etiam in re architectonica et mechanica, quin et in re militari veterum nostri problematis solutio nullo modo ignorari potuit. In dimetiendis enim et exstruendis aris, templis, aliisque aedificiis, quemadmodum ibi fere omnia ad mediarum proportionalium inuentionem redeunt, sic et ad recte constituendum machinarum bellicarum, veluti catapultarum, balistarumque effectum, secundum

cundum certam proportionem in ipsis adornandas esse crassitudines, magnitudines, foramina, choenices, quique iis inferantur nervi, Eratosthenes, et qui de telorum fabrica scripsere, Hero Alexandrinus atque Philo Byzantius testantur; ita ut qui in recentiorum arte tormentoria sit usus instrumenti illius, quod vulgo Calibrae Regulam vocant, eundem fere apud veteres praestitisse cubi duplicationem appareat. Vidd. Eutocius ad Archimedem, edit. Oxon. 1792. pag. 144 sq.; Hero atque Philo in Mathematicorum veterum collectione Theueneri, Paris. 1693. pag. 51 sq. et pag. 141 sqq.; nec non Pappus in praef. lib. VIII. coll. math. edit. Bonon. 1660. pag. 449.

Non mirari igitur debemus, unde fuerit in hac re tentanda tantus ardor, tantaque fere aemulatio, quae tamdiu obsedit veterum Mathematicorum animos, adeo ut fere quaevis antiquitatis aetas satis magnam huius problematis solutionum proferri viderit farraginem. Quamvis autem ex numero horum, qui huic rei perficiendae incumberent, fuerint et tales multi, qui, quum et insigni mentis acumine sagacitateque et promouenda Mathefi ipsa meritis longe grauissimis summam nominis celebritatem sint nacti, principes veterum Mathematicorum iure dicantur: tamen ipsorum co-

namina adfirmare licet fuisse sic quidem irrita, ut simplicem et Geometriae elementari consentaneam, eamque tamen absolutam, neque quidquam contra geometricam seueritatem delinquentem huius problematis praestare non possent solutionem.

Ut enim praetereamus, quas sagaciorum nonnulli per lineas curvas circulo altiores proposuere solutiones, satis accuratas quidem, sed ad praxin difficiliore, atque a Geometriae elementari institutione prorsus alienas: quae ceteroquin fuere prolatae solutiones, eas, maxime ad vsus vitae communis excogitatas, omnes esse ita comparatas, ut meris tentaminibus et repetitis experimentis, de quibus tantum oculorum iudicium haberi possit, consistant, vel praeter rectam et circulum adhuc certum quoddam instrumentum mechanicum in constructione requirant, ideoque solitam in demonstrando geometricam seueritatem plane respuant, non sine quodam animi dolore et afflictione perspexere eorum plerique, qui in hisce soluendi rationibus ad iustas Geometriae leges exhibendis diu frustra desudauerant. Quamobrem et Euclides, cum ad opus suum elementorum geometricorum conscribendum accederet, et desideriiis suis nequaquam satisfacere ullam ex ista nostri problematis solutionum frequentia probe perspiceret, omnem doctrinam de quantitibus com-

mensu-

mensurabilibus et incommensurabilibus (lib. X.) ita tractasse, imprimisque in Stereometria de quinque corporibus regularibus ita egisse habendus est, ut a problemate de cubo duplicando prorsus se abstinuerit.

Quae autem veterum fuit de hac re tam insignis contentio et sollicitudo, eam in nostra seipora non amplius cadere, solutionemque ipsam problematis non ita inuisis difficultatibus obstrictam esse, quo minus ope Arithmetices nostrae facile perficiatur, in promptu est. Quis enim vel leuiter Mathemata attigerit, mox cognitum habebit, si ex numero, qui designet cubum datum, dupliciter sumto extrahatur radix cubica, tum inueniri latus istius cubi, qui sit duplum dati. Cui notissimae et simplicissimae soluendi rationi adfuit ea, quae in Geometria sublimiori ope Analyseos tradi solet, immititurque nimirum aequationum cubicarum constructioni, quam primus docuit et ad duarum mediarum continue proportionalium inuentionem idonea perfectione applicauit, qui et omnino transferendo Arithmetices calculo in Geometriam de huius disciplinae problematibus faciliiori magisque vniuersali ratione soluendis insigniter meruit apud recentiores laudatissimus ille Cartesius (in Geo-

metriae lib. III); quem subsequenti sunt plures
vberioribus et accuratioribus disquisitionibus hanc
rem perstringentes. Videatur hac de re inprimis
Francisci Renati Slusii Mesolabium s. duae mediae
proportionales inter extremas datas per circulum
et per infinitas hyperbolas et ellipses et per quam-
libet exhibitae, Leodii Eburonum, 1668.

Quid? quod est et huic recentiori Analyfi,
quam Cartesius primum est auspicatus, soli in ac-
ceptis referendum, quod veram et singularem
problematis de inueniendis mediis proportionali-
bus naturam penitus iam perspiciamus, ipsumque
nimirum ita esse comparatum, vt ad ipsius solu-
tionem lineae curuae circulo altiores necessario
requirantur, adeoque qui sola Geometria plana s.
recta et circulo tantum vtentes illud perficere
velint, eorum labores plane irritos et inanes esse
habendos, firmissima demonstratione euincere pos-
simus. Redit autem huius rei demonstratio ma-
xime ad illam Analyseos finitorum propositionem,
qua aequatio tantum iis duabus lineis geometricae
construi posse perhibetur, quae se inuicem in
tot punctis secare possint, quot vnitates contineat
gradus aequationis. Iam cum aequatio, quae
conueniat problemati de duarum mediarum pro-
portionalium inuentione, necessario sit cubica, at-
que

que quidem haec: $x^3 - 2g^3 = 0$; nullas alias apparet ad ipsius constructionem adhibendas esse lineas, quam, quae in vniuersum consideratae, tribus ad minimum vicibus secare se possint, etsi pro illarum mutuo situ et variis conditionibus trium intersectionum duae fiant impossibiles, aut quatuor, sex, - - - si in vniuersum consideratis plures tribus intersectiones contingere possint; quod tantum in conicis sectionibus et lineis sublimioris ordinis accidere, notissimum est. Ceterum conf. quae monet Kaestnerus V. S. in Analysis finitor. §. 508.

Sed vt ad veterum hac in re labores potius reuertantur, cum quae perfectior Arithmetice nobis suppeditat varia in computando artificia et commoda, eorum cognitionem tenerent fere nullam; certe ne modum quidem extrahendorum numerorum radicalium, nedum operationes illas per aequationes algebraicas callerent: non potuere aliam inire rationem in soluendo hoc problemate, quam prorsus geometricam. Huc accedit quae fuit veterum in seruandis vniuscuiusque scientiae finibus, remouendoque omnis μεταβάσις εἰς ἄλλο γένος (vt vocatur ab Aristotele, Analyt. post. lib. I, cap. 7.) crimine summa seueritas et diligentia, qua iustam hominum acutiorum reprehensionem et ca-

stigationem non effugere possent, si qui forte paulo audentiores in Geometria, idoneis propriae perfectionis innixa fundamentis, ad quaesitorum inuentionem pro constructione per lineas calculum ab Arithmetice mutuare, nostrique problematis inuestigationem per numeros inire adspirassent. Ad sola igitur Geometriae auxilia redacti, posteaquam forsam circa illas mechanicas, ut vocantur, solutiones iam plura sed frustra tentassent, neque tamen nihilominus huius rei perficiendae studio indefesso animique ardore satis laudabili inflammati tenerentur: factum est, ut hoc perplexum problema sublimioris esse naturae, atque ad ipsius solutionem solas rectae et circuli operationes nequaquam sufficere augurati, ad lineas curuas circulo altiores inueniendas et rectius constituendas animo delaberentur, atque ita simul aditum panderent ad eam, quam vocant sublimiorem Geometriae partem. Certe quamuis et alias adfuisse causas, quae ad haec Geometriae sublimiora tentanda hominum animos inuitare possent, non penitus infitiamur: nostrum problema prae aliis plurimum contulisse, atque eius quidem perficiendi studio ductos esse eos, qui primi in noua ista Matheseos parte aliquid inuenirent et adornarent, satis multis et idoneis antiquitatis mathematicae testimoniis confirmatum est.

Quae

Quae cum ita sint, quanti momenti sit tum ad vniversam antiquam Matheseos historiam, tum et inprimis ad eam partem, quae de linearum curuarum simulque totius sublimioris Geometriae prima origine incrementisque vberiora exponit, rectius cognoscendam perspiciendamque, vt et de nostri problematis historia aliquam teneas cognitionem, satis superque elucebit. Videmur igitur non esse facturi rem penitus ingratham et iniucundam iis omnibus, qui historiae mathematicae aliquid tribuunt, si in *peculiarem huius problematis de cubi duplicatione historiam* disquisitiones instituere conemur paulo accuratiores vberioresque. A *prima* autem et *fabulosa* huius problematis *origine* inde exorſi, quae circa illud *ab antiquioribus Mathematicis iam ante Platonem* fuerint tentata, videbimus; tum quam insignem in *schola Platonica* nactum sit celebritatem et famam, inprimisque quam arcte coniuncta fuerit felicior ipsius tractatio cum primis, quae tum proferrentur in Geometria sublimiori inuentiones, prolixius recensebimus; vnde vltèrius progressi, expſitis *scholae Alexandrinae* et de cubo duplicando meritis eximiis, quae adhuc *seriori aeuo* conata sit hanc in rem nonnullorum Geometrarum solertia, narratione deinceps persequemur.

CAP. II.

FONTES HISTORIAE PROBLEMATIS DE CVBI DVPLICATIONE.

Sed priusquam ad ipsam iam accedamus huius problematis expositionem historicam, vt de fontibus, vnde haec maxime sit petenda, quaedam antea moneamus, necesse erit. Habemus autem auctores hac in re primarios, duumuiros illos, PAPPVM et EVTOCIVM: quorum quidem prior exeunte seculo quarto Alexandriae floruit, atque in libris suis *collectionum mathematicarum* multas Geometrarum celebriorum inuentiones nimis dispersas nec satis notas colligendo, ipsorumque scriptorum singula loca supplendo et dilucidius explanando de vniuersa Matheſi eiusque inprimis historia admodum bene meruit; alter vero Ascalone, Palaestinae ciuitate, oriundus seculo sexto Iustiniano imperante in *Archimedem* et *Apollosium* nobilissimos illos *commentarios* scripsit, qui sane multa continent ad antiquam Matheſeos historiam illustrandam subsidia adhuc fere neglecta. Apud *Pappum* autem statim in fronte *collectionum* mathe-

mathematicarum libri tertii (qui liber fere integer res nostro problemati maxime adfines et coniunctas tractat) initio sumto inde a quadam nostri problematis constructione, quam tum temporis proposuerat aliquis, qui sibi magnus Geometra videbatur, posteaquam ipsius examen institutum est et seuerum et iustum, de singulari nostri problematis natura variisque modis, quibus illud tentauerint summi Geometrae, quaedam monentur, simulque tres ipsius soluendi rationes ab ERATOSTHENE, NICOMEDE et HERONE excogitatae integre enarrantur, quibus demum illa ipsius PAPPI adiungitur. (Vid. *Pappi editio latina*, per Federicum Commandinum, Bononiae, 1650, pag. 8 sqq.) Alter PAPPI hac de re locus est in *libro octauo*, ubi in praefatione huius libri de nostri problematis usu in rebus mechanicis loquutus, prop. XI. solutionem a se inuentam repetitam exhibet. (Vid. pag. 449 et 453. eiusd. edit.) Eutocius autem ad *prop. 2. li. II. Archimedis de sphaera et cylindro*, ubi tota compositio problematis de inuenienda sphaera, quae sit dato cono vel cylindro aequalis nostro problemati, ut tali, cuius solutio iam aliunde satis cognita sit, superstruitur; quae fuit huius commentatoris in illustrando auctore suo insignis prolixitas eruditionisque ostentatio, non negligit inde occasio-

nem

nem fumere, ad omnem quotquot ipsi innotuerint huius problematis solutionum farraginem exponendam, reiecta tantum illa EVDOKI CNIDII. (Vid. *Archimedis editio Oxoniensis*, 1792. p. 133 sqq.) Huic viro Afcalonitae igitur inprimis in acceptis referendum est, quod praeter quatuor illorum apud Pappum solutiones adhuc septem eorumque nobilissimorum Geometrarum, videlicet, ARCHYTAE, PLATONIS, MENAECHMI, APOLLONII PERGAEI, PHILONIS BYZANTINI, DIOCLIS et SPORITENEAMUS varias cubi duplicandi rationes, quas omnes vel ex ipsis horum virorum scriptis, vel ex antiquorum historiae mathematicae auctorum libris, veluti ex Eudemoq, omni qua par est fide et solertia transcripsisse videtur. Sic Eratosthenis rationem nostri problematis soluendi expositurus non adspersus est eiusdem epistolam super hac re ad Polemaeum regem scriptam integre transcribere; ita ut, cum in ipsa praeter ipsam solutionis expositionem nonnulla de nostri problematis historia et indole adspargat auctor ille Cyrenaicus, si quaedam inde sumpta in sequenti nostra tractatione adhibuerimus, in iis nos non *Eutocii*, sed potius *Eratosthenis* auctoritatem sequuti esse videri debeamus. HERONI autem quam ibi tribuit Eutocius solutionem, quamque in huius Geometriae *mechanicis institutionibus* (ἐν μηχανικῇ

νικαῖς εισαγωγαῖς) et in libello de telis fabricandis (ἐν τοῖς βιλοποιητικοῖς) ita exstare adfirmat; legitur illa adhuc sub finem seruati libelli istius de telis fabricandis, qui seorsum editus est *Bernardino Baldo illustratore et interprete, Aug. Vind. 1616;* (vbi vid. pag. 42.) atque postea repetitus in *collectione veterum Mathematicorum Theuenoti, Paris. 1693.* (pag. 143 sq.)

Post Pappum et Eutocium restat adhuc solus IOANNES PHILOPONVS, Aristotelis commentator ineunte seculo septimo clarus, apud quem, in ipsius quidem commentario ad Aristot. *Analyt. post. lib. I, cap. 7,* (vid. IO. PHILOPONI *commentarius in Aristot. Analyt. post. Venet. ap. Aldum. 1534,* graece editus, folia 24) etiam aliquam problematis nostri solutionem, tanquam Apollonii Pergaei expositam videre licet, eandem; quam Eutocius potius Philoni Byzantino tribuit. Sed de hac, quae ex Philopono forte oriri possit difficultas, vt et de singulari, quae ibi occurrit lectionis varietas (vid. folia 117, b, sq. eiusd. edit. Aldinae) vberius differendi erit infra locus opportunior.

Ceterum quae adhuc adferri possent ex multis auctoribus, veluti ex *Platone, Aristotele, Blutarcho,*

tarcho, Diogene Laertio, Proclo, Valerio Maximo
aliisque singula testimonia, quae vel aliqua ex parte
nostri problematis historiae lucem adfundunt, vel
ipsius tantum obiter mentionem faciunt, eorum
quoduis suo loco indicare et examinare satius erit.

CAP. III.

PRIMA ET FABVLOSA
PROBLEMATIS ORIGO.

Si de natura et indole problème de cubo duplicando paulo accuratius inquirimus, imprimisque locum insignem, quem in Geometria tuetur, satis attente perpendimus: quae forte fuerint huius problème origines verique natales, et unde potissimum factum sit, ut homines ad istam quaestionem agitandam animos applicarent, iam satis superque intelligi posse opinamur. Posteaquam enim homines in Geometria excolenda iamdiu acriter versati, maxime immortalis beneficio *Pythagorae*, nobilissimum illud suum theorema de quadratis trianguli rectanguli demonstrantis, eo peruenissent, ut figuras planas similes duplicandi, vel secundum quamvis datam rationem augendi et minuendi nulla iam amplius esset difficultas: ad summum huius artis fastigium et perfectionem adspirantes non potuere non eandem quaestionem transferre ad figuras solidas, atque etiam has data quavis ratione augen-

B

augendas vel minuendas experiri. Cum autem iam facile cognitum haberent, solida similia eam inter se habere rationem, qualem habeant cubi ex ipsorum lateribus similiter positis (homologis): totam rem ad cubum traducendam esse viderunt, qui si data quavis ratione constitui posset, inde cuiusvis figurae solidae quavis ratione constituendae modum facile repertum iri rati. Quae nostri problematis origo, quantopere ipsius indoli et dignitati, ordinique, quo disciplinae Geometricae partes sese excipiunt, fuerit consentanea, non est, quod prolixius doceamus.

Attamen non tum demum, posteaquam Geometria ipsa maiori ex parte iam esset excolta atque constituta, ad illud problema agitandum primum delata esse hominum ingenia sagaciora, sed potius quam longissime ab ipsis inde Geometriae ferme incunabulis, certe ab illis temporibus, quibus adhuc nulla Mathematicum accuratius tractatorum atque in aliquam scientiae formam redactorum apparerent vestigia, iam repetendam esse huius problematis originem, ex testimonio *Eratosthenis* quidem videtur apparere. Tradit enim hic auctor in epistola illa ad Ptolemaeum regem (Vid. Archimedis edit. Oxon. pag. 144), pro insigni qua floruit doctrinae copia.

lectio-

lectionisque varietate, quae de prima origine nostri problematis habuerit comperta, expositurus: a veterum Tragicorum quodam introductum esse *Minoa*, antiquum illum Cretenſium regem, filio ſua *Glauco* ſepulchrum extruenteſ. Qui cum percontando audiviſſet illud, quod forma cubi erat extructum, lateribus centorum eſſe pedum, pro regali magnificentia nimis exiguum ratus, ut duplo grandius extrueretur, voluiſſe, ſervata tamen cubi forma. Quod ut perficerent, cum Architecti vnumquodque ſepulchri latus longitudine duplicandum ſtatuiffent, opere peracto eos vehementer erraſſe palam factum eſſe. Si enim fuerint duplicata alicuius ſolidi latera, ſuperficiem quidem quadruplam fieri, ſolidum vero ipſum octuplum; ita ut tota ſepulchri moles, quae fuiſſet antea pedum cubicorum millies millium (1,000000), ex mente quidem regis bis millenos mille (2,000000) aequare deberet pedes, Architectorum vero ignorantia fieret octies millenorum millium (8,000000). Sic igitur factum eſſe, pergit Eratosthenes, ut Geometrae primum quaestionem inſtituerent, quomodo datum ſolidum, eadem ſervata figura poſſit duplicari, cumque cubum ſibi potiſſimum proponerent, hocce problema *de cubi duplicatione* (τὸν κύβου διπλασιασμόν) eſſe appellatum.

Accidit igitur (si huic narrationi fides est habenda) et in nostro problemate, quod in multis aliis grauissimis nobilissimisque inuentis saepius accidisse notum est, ut in primam ipsius tractationem non secundum ordinem, quo disciplinae mathematicae partes inter se connexae et copulae grauiiores sublimioresque leuioribus elementariisque inuituntur atque ex hisce cognoscuntur, progrediendo deducerentur hominum mentes; sed interueniente casu, rebus externis vitae communis, monumento videlicet regis Cretensis filio exaedificando, ansam praebentibus; antequam Mathesis ipsa ad eum perfectionis gradum esset exulta, ut nostri problematis soluendi ratio iam desideraretur.

Ceterum adhuc adnotasse iuuabit, sub illo vetere Tragico, cuius nomen non adfert Eratosthenes, nullum alium intelligendum esse, quam *Euripidem*, tragoediae alicuius fabulam de Glauco exponentis auctorem, cuius duos integros versus ita restituit *Valkenarii* sollertia in Diatribe de fragm. Euripid. pag. 203.

Μικρὸν γ' ἔλιξας βασιλικοῦ σπικὸν τάφου.
Διπλάσιος ἴστω, τοῦ κύβου δὲ μὴ σφαλῆς.

Ex qua igitur summi huius Bataurorum critici
coniectura plane refingenda esse videtur lectio et
interpunctio, quam exhibet editio Archimedis
nouissima Oxoniensis: — διπλάσιος ἔστω. Τοῦ
δὲ τοῦ κύβου μὴ σφαλεῖς, διπλασιάζων cet.
quamuis codd. manuscripti Parisienses et Mediceus
cum hac editione consentiant.

CAP. IV.

HIPPOCRATES CHIVS REDVCIT
PROBLEMA DE CVBI DVPLICATIONE
IN ILLVD DE INVENTIONE PVARVM
MEDIARVM PROPORTIONALIVM.

Sed de hoc monumento Cretensi, num inde reuera repetenda sit prima occasio in cubi duplicationem indagandi, iam dimissa omni vberiori disquisitione, tanquam vana et ob temporum longinquitatem nimis lubrica et incerta; conuertamur potius ad ea secula, vbi maior lux Geometriae adfulsit, ingentique studio, quo Pythagoras eiusque sectatores hanc disciplinam amplecterentur, non potuit non mox aditus aperiri ad nostri problematis tractationem magis idoneam. Nominatur autem inter eos, qui ad cubi duplicationem animos adplicasse et quaedam circa ipsam tentasse certo perhibentur, primus omnium HIPPOCRATES CHIVS. (Vidd. Eratosthenes in epist. ad Ptolem. Proclus in commentar. in Euclid. elementor. lib. I. pag. 59. edit. Basil. ap. Heruag. 1533). Qui cum esset

merca-

mercator, negotiando forte Athenas delatus, et ibi cum Geometris nonnullis Pythagoreis congressus, tanto Matheseos amore fuit inflammatus, ut se totum ei dare constitueret (Vid. Ioh. Philoponus in Aristot. Phys. lib. I. pag. 13 edit. Aldi. Venet. 1535); homo, ut Aristoteles (in Ethic. ad Eudemum, VII, 14) refert, alioquin in rebus quidem vitae communis insigni imperitia et stoliditate praeditus, unde et fraude publicanorum (*πεντηχοστολόγων*) Byzantinorum plurimum pecuniae amiserit; in Mathesi vero (quamvis, quod ex Geometria quaestum facitare conatus esset, accusatus e schola Pythagorica insigni ignominia fuerit eiectus; (conf. Iamblichus in lib. III. philos. Pythag. ex vers. Nic. Scutellii, ad calcem libri de mysteriis Aegyptior. pag. 64) tantopere meritis excellens, ut praestantissimis illius aeni Geometris iure possit equiparari, ipsiusque inuenta, imprimis autem quam constituit lunularum quadraturam longe pulcherrimam, inveniendae circuli quadraturae spe, quae quidem ipsum frustrata est, susceptam, adhuc nostra aetate memoria recolantur grata. (Vidd. Proclus in Euclid. pag. 19 edit. laud. et Simplicius ad Aristot. Phys. I, folia 13 edit. Aldi. Venet. 1526.) Hic, cum in conscribendis Geometriae elementis, quae primum omnium edidisse commemoratur (vid. Procl.

ibid.), verfaretur; fortasse ea re adhuc magis adductus est; vt de cubi duplicatione singulaeque huius problematis natura maiori inquireret studio. Cumque in figuris planis videret peragi duplicationem inuenienda vna media continue proportionali; in quadratis videlicet lineam diametrum (diagonalem), quae sit latus quadrati duplicati, esse mediam continue proportionalem inter latus quadrati dati latusque huius quadrati quadruplicati: figuras solidas vno gradu figurarum planarum dimensione altiores suspicatus, mox vterius indagando intellexit, solidorum duplicationem inueniendis duabus mediis continue proportionalibus inniti, quae si inter latus cubi dati ipsiusque octuplicati latus fumerentur, earum minorem fore latus, ad quod constructus cubus sit duplum dati.

Non fieri autem potuit, quin simul de ratione, quam nanciscuntur cubi aliaque solidae similia, si ad datae rationis latera homologa constituuntur, altius inquireret; atque in vniuersum de rationum compositione et diuisione iam multarecte perspiceret. Sic igitur habuit sane satis cognitum, duplicatis lateribus solida fieri octupla, triplicatis vigintupla septupla, omninoque solida similia habere rationem triplicatam laterum homologorum.

logorum; cumque in proportione continua quatuor magnitudinum ratio primae ad quartam sit ratio triplicata primae ad secundam: rationem triplicari, quando duabus datis magnitudinibus adiciantur duae in proportione continua. Vicissim autem solidorum similium latera homologa habere rationem subtriplicatam ipsorum solidorum; cumque in proportione continua quatuor magnitudinum ratio primae ad secundam sit ratio subtriplicata primae ad quartam: subtriplicari rationem, sumendis duabus mediis continue proportionalibus inter duas datas. Conf. quae postea hac de re docuit *Euclides* element. lib. V, def. 10 et 11; lib. XI, prop. 33. cum coroll.

Quae omnia cum idoneis inuictisque veritatibus innitantur momentis, quae nemo possit infitias ire: iure ab Hippocrate translatum esse videmus problema *de cubi duplicatione* in illud *de inveniendis duabus mediis continue proportionalibus*.

Quae vero sit huius translationis (*ἀπαγωγή*), in qua substituisse videtur Hippocratis industria (non enim aliquam soluendi problematis rationem ab ipso prolatam esse legimus) singularis vis atque virtus, mox elucebit. Quamvis enim illud novum problema et ipsum ex sola Geome-

tria elementari nequaquam perfici posset, vel, ut more antiquiorum Geometrarum loquamur, non ad problemata plana posset referri: tamen cum multo magis appareret idoneum aptumque, quo minus per tentamina rationesque quas vocant mechanicas fatis facile perficeretur; cumque praeterea, esse ipsum viam propriam et singularem, qua ad cubi duplicationem perueniri posset, intelligeretur: adeo placuit omnibus, qui postea ad hanc quaestionem accesserunt Geometrae, ut quam Hippocrates reducendo hoc problemate monstraverit eximiam sollertiam mentisque sagacitatem. debita utilitatis laude semper sint venerati, utque problema ipsum nouo nomine de *inueniendis mediis continue proportionalibus* a plerisque fuerit celebratum.

Ceterum eiusmodi *abductionis* (ἀπαγωγῆς), quae est transitus a proposito theoremate vel problemate ad aliud, quo cognito aut comparato propositum quoque perspicuum est, *inuentorem* habitum esse hunc *Hippocratem Chium*, qui quidem illam ad expediendas difficiliore paulo et impeditiore propositiones primus adhibuerit, ex loco Procli pag. 59. ed. Bas. patet. (πρῶτον δὲ φασὶ τῶν ἀπορουμένων διαγραμμάτων τὴν ἀπαγωγὴν ποιῆσθαι Ἰπποκράτην τὸν Χιῶν.)

CAP. V.

ORACVLVM APOLLINIS CVBI
 DVPLICATIONEM PROPONIT.
 PLATONIS IN IPSAM STVDIA.

Tempore non multo post, cum in Graecia literae Mathematicae in dies maiora caperent incrementa, atque post immortalia *Pythagorae* de iis merita maxime PLATONIS eiusque amicorum et discipulorum studiis mirum in modum colerentur perficerenturque: accidit, ut nostrum problema in PLATONICORVM ut vocatur SCHOLA per satis longum tempus magnam acquireret celebritatem, et exercitando Geometrarum ingenia ad praeclarissima et celeberrima inuenta deduceret et quasi aditum panderet. Cuius rei occasionem maxime praebuisse dicitur, quod numinis Delii oraculo huius problematis accuratior tractatio Geometris fuerit proposita et maiorem in modum commendata. Cum enim, ut eam, quae singularis de hac re narratio exstat apud *Plutarchum* in libro de Genio Socratis, pag. 579. tom. 2. ed. Francof. sequamur, apud Delios,

ut

vt in tota Graecia, lues pestifera diu grassaretur: his Apollinem consulentibus, quomodo congium sopiri posset, hocce insolens oraculum deus edidit: si aram dei, quae in Delo erat cubica, duplicassent, Delliis et aliis Graecis finem fore calamitatum praesentium. Cuius oraculi cum sententiam assequi non possent, et in altaris structura ridicule iis hoc euenisset, vt pro dupla ara ignorance proportionis quadruplam excitarent, vel cum, vt *Philoponus* ad *Aristot.* anal. post. fol. 24. ed. Venet. 1534 refert, arae alia ara aequali super imposita ipsam quidem duplicassent, sed pro cubo, qualis eius erat forma, prisma oblongum constituissent; ideoque cum morbo interim nihilo secius instante Apollinem denuo sciscitanti, vt in ara duplicanda eius forma cubica esset seruanda, edocerentur: de hac difficultate expedienda solliciti et consilii inopes legatis missis Platonis, ista aetate inter omnes Geometras ita vt Philosophos vere principis, opem implorauerunt. Quibus ille: "Deum hanc arae duplicationem nullo modo requirere aut desiderare; sed ludi ab ipso Graecos, qui Geometriam negligentiùs haberent, iisque praecipi, vt bella aduersati litteris serio se dedant." Ceterum de conficienda cubi duplicatione ipsa, quam sola inuentione duarum continue proportionalium inter duas

duas datas niti adfirmabat, eos Eudoxum Cnidium aut Heliconem Cyzicenum, qui erant ipsius discipuli et familiares, adire voluit. Sic igitur factum esse narratur, ut isto tempore gravissimo Platonis admonitu et hortatu impulsus plures ex ipsius discipulis et familiaribus ad tentandam nostri problematis solutionem strenue accederent, simul et religione quadam in illud conversi, problemaque ipsum, quod Apollinis ipsius auctoritate propositum esse crederetur, postea nomen insigne DELIACI nancisceretur.

Non prorsus silentio praetereunda hic esse videtur mira quaedam *Valerii Maximi*, lib. VIII. c. 12. ad eandem hanc rem respicientis, a nostris auctoribus discrepantia, qui exemplis virorum praeclarissimorum probaturus, *optimis artium magistris concedendum esse; hanc cogitationem attigisse* adfirmat *et Platonis eruditissimum pectus, qui consultores arae Deliacae de modo et forma eius secum sermonem conferre conatos, ad EVCLIDEM Geometram ire iusserit, scientiae eius cedens, immo professioni.*

Sed cum Euclides, summus ille Geometra et elementorum scriptor clarissimus, Platone sit multo junior, Euclides vero Megarensis Philosophus, qui Platoni aetate fuit aequalis, ex Mathesi

thesi penitus nullam nactus sit gloriam, in textu tamen Valerii Maximi nomen Euclidis (licet pro hoc illud Eudoxii nonnulli legere voluerint) videatur esse genuinum: Valerium forsan rem istam, ut saepius ex sola memoria recitantem de vero nomine huius Geometrae incertum, neglecta temporum ratione celeberrimi illius Geometrae nomen parum circumspecte arripuisse, iam a Torrenio aliisque viris doctis ad h. l. recte observatum est. Quod vero multo gravius in ipsum Valerium adhuc moneri possit, est sane hoc, quod ipsum Platonis exemplum ad probandam hanc sententiam, optimis artium magistris esse concedendum, cuius causa proprie adlatum sit, vim plane nullam habere videtur. Quemadmodum enim Plato, qui fuit Mathematicorum suae aetatis facile princeps, alteri in Geometriae cognitione cedere nequaquam dici potest: sic ipsum, non quasi primas concederet Eudoxi et Heliconis scientiae, sed potius, ut, quae erat singularis huius summi viri, erga discipulos et familiares suos benevolentia et humanitas, horum ingenia hac re, cuius expediendae rationem aliquam per iumenta ad usum vitae communis satis idoneam et ipse ignorare nullo modo potuit, ipsique tibi mox videbimus, exerceret atque instigaret, usque simul inter Graecos ex profundiori

diori Geometriae cognitione famam aliquam et laudem parandi daret occasionem, ad eos ablegasse legatos Delios; ex prolixiori et accuratiori Plutarchi narratione satis superque apparet; ita ut Valerius, quam in colligenda et vndique confarcinanda ista ingenti dictorum factorumque memorabilium copia nonnunquam admiserit negligentiam et leuitatem, ipsius documentum prae aliis insigne in isto loco edidisse habendus sit.

Sed dimissa hac a proposito nostro fere aliena de loco Valerii Maximi crisi, reuertamur iam ad narrationem ipsam, quae de Apollinis oraculo ad diligentiores nostri problematis tractationem Graecis Geometris commendandam edito exposita est; de qua, num ad veritatem sit composita, an proflus efficta, omne iudicium vnicuique liberum est relinquendum. Certe, si ad Platonem ipsum respicimus, quod fuerit eius Mathematicum colendorum augendorumque studium indefessum et paese increditum, simulque, qui fuerit istis temporibus singularis Geometriae status et conditio, perpendimus: non fuisse quidquam, quod ad tentandam nostri problematis solutionem non inuitaret nec grauissime admoneret, facile apparebit. Cum enim Geometria, cuius theoremata et problemata, quemadmodum singula diuer-

diuersis temporibus erant inuenta et demonstrata, singulatim quoque tradita, initio fere omnem respuerant coniunctionem inter se arctiorem et disciplinae copulam, tandem coepisset maxime inde ab Hippocrate Chio iustam disciplinae formam habitumque induere, pluresque iam in ea supplenda consummandaque sedulo nec sine infelici successu fuissent versati: Plato praeter innumera ipsius de tota Mathefi merita et hoc sibi vindicasse dicendus est, vt, dum corporum quinque regularium, quae a Pythagora inuenta esse traduntur, constitutionem perficeret, ipsorumque mutuam relationem accurate doceret, totius Geometriae ambitum penitus absoluisse, ipsique supremam quasi coronidem (quae vt omnis elementaris institutionis finis extremus postea fuit constituta) superimposuisse videatur. (Conf. Proclus, pag. 19 sq.) Huic igitur studio deditus cum in pertractanda solidorum doctrina versaretur, non potuit non fere vbique offensum se videre et circumscriptum grauissimis difficultatibus ex non inuenta cubi duplicatione oriundis; ita vt de Geometrarum Graecorum in hac re negligentia et ignorantia ipsis non condonanda grauissime acerbissimeque conquestus, ad hoc problema soluendum et ipse animum adplicaret, et familiares discipulos suos omni qua valuit apud ipsos auctoritate excitaret

et

et prouocaret. Hac de re prae aliis inspicere iuvat locum *Platonis in lib. VII. de republica* (pag. 701. ed. Francof. 1602), ubi ex disciplinis liberalibus, quibus ciuium animos matura imbuendos esse vult, post Geometriam, quam secundo loco discendam proponit, Astronomiam commendare exorsus, mox retrogreditur, atque Geometriae aliam aliquam scientiam (videlicet Stereometriam) statim adijciendam docet, quam demum quarto loco excipiat Astronomia. Illam autem tertio loco discendam (quam circa cuborum augmentum, atque id, quod profunditatis particeps est, versari dicit; *περί τὴν τῶν κύβων αὐξὴν καὶ τὸ βάθος μετέχον*) nondum repertam videri monet, nec, cum a nullâ ciuitate in honore habeatur, ipsique Geometrae in tentanda hac re ob insignem ipsius difficultatem non ardentem versentur, admodum sperandum esse, fore ut mox reperitur. Indigere praeterea eos, qui ipsam perquirere velint, duce quodam et praefide (*ἐπιστάτου*), qui tamen et aegre possit inueniri, cuique, si adsit, reliqui fastu elati nequaquam sint obtemperaturi. Sin autem aliquando futurum sit, ut tota ciuitas istas disquisitiones non amplius contemnat et improbet, sed potius commendet et tueatur: tum demum, non deficientibus Geometrarum vulgi gratiam sectantium studiis, ut ista

C

adlidue

adſidue et ſumma contentione diſcuſſa clariora
fiant, exſpectari poſſe.

Non igitur opus fuiſſe videmus, ſolemni
Apollinis ipſius interuentu, vt de diligentiori no-
ſtri problematis tractatione admoneretur Platō;
qui tamen, ſimulac ipſi innotuit hocce dei oracu-
lum, et hac opportunitate, quam ipſi ſuppeditabat religio, uſus eſt ad eo magis aliis commen-
dandam de noſtro problemate ſoluendo diſquiſi-
tionem; niſi forte et ipſius commento ſollerti
hocce oraculum, quo nihil magis commouere
potuit hominum animos, quoque numen ipſum
Delium hiſce Geometrarum ſtudiis quaſi praefi-
dere (ἐπιſτατῆν) et adeſſe, nec leuem ipſorum
utilitatem ſpondere declararetur, procuratum fuiſſe
coniicere velis.

CAP. VI.

INDE MAXIMA INCREMENTA
CAPIT GEOMETRIA.

Accedit quod, posteaquam ipse ad nostrum problema studio delatus esset, atque in explorandis discutiendisq̃ue, quibus obsepta videretur illius inuestigatio difficultatibus, sedulo versaretur: ingenio ipsius perspicacissimo sagacissimoque subito patuit prospectus longe splendidissimus, spesque obuersata est longe suauissima maximeq̃ue exoptata de amplificanda nouisque accessionibus et incrementis augenda Geometria. Quantum enim retrospicere licet in antiquiora Matheseos tempora, quae a Geometris adhuc tractata erant problemata vel theoremata, fuere illa quidem maxime eius naturae indolisque, vt ad ipforum compositionem aut demonstrationem vsus rectae lineae et circuli sufficeret; et si interdum quoque quaedam iam agitentur, quae iustis hisce instrumentis Geometricis, cum praeter circulum adhuc aliarum curuarum operationes supponerent, frustra perficienda tentarentur: videtur tamen hasce dif-

ficultates non satis perspexisse, et de efficiendis
 istarum curuarum constructionibus parum solli-
 cita solo circulo tractando adhuc substituisse anti-
 quiorum Mathematicorum sollertia. Recte igitur
 traditur Plato fuisse primus, qui hac de re re-
 ctiora intelligeret, atque ad amouendas difficul-
 tates, quibus non minus in nostri problematis,
 quam in aliorum, veluti illius de anguli trise-
 ctione, solutionibus acerbissime laedi perspiceret
 Geometricarum legum seueritatem, nouam istam
 et sublimiorem partem Geometriae adiungendam
 ipse paulo intentius moliretur. Quamuis autem
 haec ipsius studia non id adsequerentur, vt hu-
 ius nouae disciplinae rudimenta ipse constitueret
 et absolueret: tamen huic viro sagacissimo in vni-
 uersum de finibus, quibus Geometria, quae ad-
 huc tantum exculpta erat *elementaris* ab illa *sub-*
limiori, vt postea appellata est, esset discernenda;
 ita quidem, vt prior illa tractandis solis figuris
 rectilineis circuloque circumscriberetur, posterior
 vero ad ceteras lineas curuas adhuc inueniendas
 esset comparanda, iam satis cognitum et consti-
 tutum fuisse, aegre dubitari potest. Vfus est au-
 tem ad excolendam et perficiendam istam nouam
 Geometriae partem maxime amicorum discipulo-
 rumque suorum industria, quibus, quae erat erga
 eos summa huius Academiae parentis humanitas

et beneuolentia, saepius videtur auctor fuisse, vt istud negotium extremo fusciperent conatu, cumque problema de *cubo duplicando* inprimis eo deducere probe intelligeret, exponendis ipsius solvendi difficultatibus studia ipsorum acuere atque maiorem in modum instigare nunquam desit. Pertinet huc locus inprimis praeclarus *Plutarchi in Sympos.* (pag. 718, tom. 2, ed. Francof. 1620), vbi Plato narratur reprehendisse Archytam, Eudoxum et Menaechmum, qui cubi duplicationem aggredierentur in instrumenta et mechanica opera conuertere, tentarentque hoc modo duas medias datis duabus proportionales inuenire; perdi hoc pacto, adfirmans, et corumpi Geometriae bonum, rursus ad sensilia refugientis, neque sursum se efferentis et apprehendentis aeternas et corporis expertes imagines.

Cum denique ad auspicandam primam huius nouae geometricae disciplinae tractationem maximi esse momenti, omniaque primum eo redire cognosceret, vt certa ederetur ratio, qua ortus et constructio istarum linearum curuarum constitueretur et determinaretur: ipse et ita adiuuiffe habendus est discipulorum suorum mentes sollertes, vt figuras solidas quadam ratione secandas ad harum linearum curuarum originem et con-

structionem certam efficiendam ipsis commendar-
ret. Haec igitur est illa nobilissima et in histo-
ria Matheseos huius aevi tam saepe celebrata
SOLIDORVM SECTIO, quae Platone auctore et mo-
deratore nostro autem problemate ansam prae-
bente hanc cepit originem, fuitque quasi portus
et limen, quo in sublimioris Matheseos augustum
et sacratum penetrale mox descenderetur.

Videtur autem fere eo restringenda esse quae
hac ex re ad Platonem ipsum redundet laus at-
que gloria, prorsusque nihil amplius elici posse
ex verbis illis *Procli* pag. 19. τὰ περὶ τὴν τομὴν
ἀρχὴν λαβόντα παρὰ Πλάτωνος. quibus quidem
verbis seducti nonnulli viri docti Platonem de
istis altioribus Geometriae quaestionibus inda-
gando adeo processisse voluerunt, ut ipse *ad se-*
ctiones quas proprie dicunt *conicas excogitandas* et
constituendas sit delatus; opinio prorsus vana, nul-
lis quidem idoneis antiquitatis testimoniis, sed
foli minus accuratae istius loci interpretationi
innitens, ut unicuique paulo accuratius inquirenti
mox elucebit. Quisque enim facile concedet,
verbis illis τὰ περὶ τὴν τομὴν proprie nihil aliud
significari, quam solidi sectionem in vniuersum.
Atque isto tempore a Platoniceis in figuris solidis
omnis generis secandis periculum esse factum, ad
varia

varias inde efficiendas linearum curuarum species, non autem conos solos hunc in finem adhibitos esse, satis superque verosimile est, confirmaturque ex eodem *Proclo* pag. 29, vbi ad Euclid. def. 4. linearum secundum Platonem diuisio exponitur, ex qua plures linearum curuarum, quae solidorum sectionibus oriuntur, species huic viro summo iam cognitae fuisse apparet *). Ex hac autem notitia, quam Plato habuisse ibi perhibetur de pluribus, quae solidorum sectione efficiantur, curuarum generibus, si quis forte iam argumentari velit, ab ipso igitur constitutas esse et istas lineas curuas, quae proprie sectiones conicae vocantur, quam praepropera sit talis coniectura, quisque videt. Vt denique totam hanc controuersiam semel dirimamus, aduersatur isti opinioni penitus alter locus eiusdem *Procli* pag. 31, vel potius *Gemini* (hunc enim ibi exscribit Proclus), scriptoris historiae mathematicae summae auctoritatis, qui vero ibi sectionum conicarum inuentionem *Menachmo* verbis vindicat satis claris et perspicuis. Sed cum iste locus adhuc non sufficienter sit illustratus, variasque videri possit admittere dubitationes, in ipsius crisin accuratiorem paululum digredi non erit alienum.

C 4

Exscrip-

*) Conf. etiam Eutocius ad Apollonii conicor. lib. I. prooem. pag. 12, edit. Halleyi, Oxon. 1710.

Exscripsit autem Proclus in illa tractatione de linearum generibus ad Euclid. def. 4. sententiam. Gemini hac de re expositurus, hanc integram ipsius $\epsilon\tilde{\nu}\sigma\eta$, quae variis laudatis linearum generibus, posteaquam deuentum est in illud curvarum, quae solidorum sectione gignantur et in conicas et spiricas disspescantur, ita fere desinit: $\epsilon\tilde{\nu}\pi\alpha\rho\epsilon\tilde{\iota}\sigma\theta\alpha\iota$ δὲ (subint. $\phi\eta\sigma\iota$ Γεμῖνος; oratione obliqua enim inferuntur a Proclo verba Gemini) ταύτας τὰς τομὰς, τὰς μὲν, ὑπὸ Μεναιχμοῦ τὰς κωνικάς — τὰς δὲ ὑπὸ Πέρσιως — excogitatas autem esse istas sectiones, illas quidem, conicas scilicet a Menaechmo — has vero a Persico.

Ad infringendum autem hocce satis planum et perspicuum Gemini testimonium, quae forte proferri posse videntur, redeunt potissimum eo, vt supponatur, Geminum nulla alia auctoritate historica, quam sola illa versus istius Eratosthenis: $\mu\eta\delta\epsilon$ Μεναιχμίους κωνοτομεῖν τριάδας, commotum esse, vt sectionum conicarum inuentionem Menaechmo tribueret, ideoque istum versum probandae huius sententiae causa ab ipso esse adiunctum; ex versu autem illo, cum Μεναιχμίας dici possint sectiones conicae non solum; quatenus a Menaechmo sint excogitatae, sed et quate-

quatenus tantum insignem in ipsis excolendis Menaechmus posuerit operam, vel quatenus ipsas potissimum adhibuerit ad perficiendam cubi duplicationem, nihil iuste peti posse, ideoque totam illam quaestionem de tribuenda Menaechmo conicarum sectionum inuentione relinqui penitus incertam. Sed sunt plura et satis idonea, quae contra moneri debent. Vt enim adhuc silentio praetereamus, illud sagacitati et perspicaciae Gemini sane videri tribuendum esse, ut ipsum sola interpretatione tam ambigua versus istius ad tanti momenti inuentionem Menaechmo simpliciter vindicandam nequaquam induci potuisse iudicemus; ideoque fieri multo verosimilius, laudatum esse a Gemino istum versum, non quidem ut inde confirmaret sententiam suam, sed potius ut secundum illam sententiam suam verba illa Eratosthenis notissima, nonnullis vero iam tum obscura intelligenda esse doceret: omnes prorsus tolluntur, illae objectiones, si perpendimus, totam *ρῆσιν: ὁ καὶ Ἐρατοσθένης* — — — — *τριάδας*, quemadmodum et hanc: *ὁς καὶ τὸ ἐπίγραμμα* — — — — *ἰλάσατο*, non esse Gemini ipsius, sed potius a Proclo verbis Gemini intermixtam; quod et fatebitur, qui paulo accuratius totum illum locum inspicere non neglexerit, moremque, quo Proclus citare

et flosculis doctrinae suae saepe fatis alienae interpolare solet auctores suos, bene norit.

Quae cum a nobis ita sint disputata, facile elucebit, ne in suspensionem iniustitiae incurrere palmamque, quae fere vnica Menaechmi adhuc est seruata, ipsi detrahere, et in Platonis tot laudum frondibus cumulatam caput conferre videamur, hocce discrimen statuamus, necesse esse: *Platoni* quidem, quatenus primum excitauerit discipulorum et amicorum suorum industriam, ipsorumque conamina consiliis suis sit moderatus, sublimioris Geometriae originem et prima incrementa omnino in acceptis esse referenda; Menaechmo vero earum, quae proprie vocantur sectiones conicae, inuentionem et constitutionem accuratorem nequaquam esse denegandam. De quibus autem Menaechmeis coni sectionibus vberius differendi, cum nobis mox alia magis idonea obuentura sit occasio, eas iam missas faciamus, reuertamurque illuc, vnde egressi sumus, cum nempe Platonem, de nostro problemate indagantem, primum aditum ad sublimiorem, mathematicam cognitionem pandisse doceremus.

CAP. VII.

PLATONIS RATIO
INVENIENDARVM MEDIARVM
PROPORTIONALIVM.

Quamuis autem PLATO tam vehementi excolendae huius sublimioris Geometriae teneretur studio et ardore, inprimisque si quas forte Geometricas leges a discipulis suis videret violatas, harum existeret tam feuerus et acer vindex: ipsum ad perficiendum nostrum problema tamen eam iniisse rationem, quae, cum sit prorsus *mechanica*, geometricae perfectioni nequaquam convenire possit, est sane, quod mireris. Videtur igitur Plato vel iuueniles suas operas huic rei impendens ipsam constituisse, vel (quod est verosimilius) multo ferius, posteaquam iam Archytas rationem edidisset suam adeo difficilem (vid. Diog. Laert. lib. VIII. segm. 83; pag. 542. edit. Meibomii, Amst. 1692), hominum nonnullorum desiderii tandem cedens, hoc vnice sibi habuisse propositum, vt paulo simpliciolem facilioremque promulgaret soluendi huius problematis rationem, quae
manua-

manualibus operationibus inprimis accommodata
 vsui hominum in rebus vitae communis inferuaret;
 qua vero inuentione literas geometricas ipsas ali-
 quantum a se promotas esse vt opinaretur, ita longe
 abfuit, vt potius hisce suis vestigiis insistere fami-
 liares suos hac de re inquirentes nequaquam
 pateretur. Conf. 1. 1. Plutarchi in Sympof. Vnde
 forsam et factum est, vt ista Platonica solutio
 non magnam adquireret celebritatem, atque mox
 iam a multis ignoraretur vel silentio praetermit-
 teretur: quod sane vrgeri non omittet, si quis
 forte voluerit genuitatem istius Platonicae solu-
 tionis in dubium vocare. Praeter Eutocium
 enim, apud quem ipsam expofitam legimus,
 nemo inuenitur, qui singularis alicuius rationis,
 qua Plato ipse cubi duplicationem perficiendam
 tradiderit, aliquam faciat mentionem. Certe
 Eratosthenes ipsam plane ignorasse videtur. In
 epiftola enim illa ad Ptolemaeum, vbi anti-
 quorum hac in re recenset conamina, inprimis
 respectu habito singularis ipforum manibus effi-
 ciendorum facilitatis, inter Archytam, Eudoxum,
 et Menaechmum, quos omnes rem sane demon-
 strando aperire potuiffe adfirmat, solum ait esse
 Menaechmum, cuius ratio quodam modo quam-
 vis et ipsa fatis operose vsui possit accommodari;
 Platonis autem inuentionem, quae ob instru-
 mentum

cf. Eratosthe-
 nis ed.
 Proclari
 p. 170.

mentum peculiare adhibitum inprimis sustinuiſſet
 comparationem cum illa ipſius Eratoſthenis, ibi
 prorsus ſilentio praeterit. Similiter et Pappus
 pag. 71 ex iis, qui hanc rem in instrumenta
 transferre ſint conati, laudat tantum Eratoſt-
 henem, Heronem, et Philonem Byzantinum.
 Accedit quod ipſe Eutocius, quod alias facere
 plerumque non negligit, vnde hanc Platonis ra-
 tionem deſumptam teneat, nequaquam indicat.
 Quae omnia ſi ſimul colligimus, non alienos
 nos eſſe fatemur, quin illam, quae Platonis
 nomine circumfertur problematis noſtri ſolutio,
 huic ſummo viro etſi non penitus abiudicemus,
 certe illius genuinitatem vocemus in dubium.
 Sed ne tali diſputatione forſan non omnibus
 aequae opportuna diutius immoremur, ad ipſam,
 qualem aequid Eutocium legimus ſolutionis ra-
 tionem, exponendam iam conuertamur.

* * *

Problem.

*Datis duabus rectis, duas medias proportionales
 inuenire in proportione continua.*

Solutio.

Sint datae ad angulos inter ſe inuicem Fig. 1
et 2.
 rectos duae rectae AB, BF, inter quas
 duae

duae proportionales mediae sint inueniendae.
 Producantur in directum versus puncta Δ , E ;
 et construatur angulus rectus $ZH\Theta$, in
 cuius vno crure ZH per aliquem canalem,
 qui sit in ipso, regula KA ita moueatur,
 vt cruri alteri $H\Theta$ parallela maneat. Hoc
 vero efficietur, si et alia regula intelliga-
 tur ipsi ΘH inserta esse cruri ZH parallela,
 qualis est ΘM . Cum enim canale dis-
 sectae sint desuper superficies ZH , ΘM
 canalibus securiculatis [i. e. forma securi-
 culae edolatis] compactis vtique in regu-
 lam KA ligneis clauis, iisdemque in illos
 canales immixtis: KA ipsi $H\Theta$ parallela con-
 tinuo mouebitur. His igitur confectis pona-
 tur anguli $ZH\Theta$ crus vtrumbilet $H\Theta$ ita,
 vt contingat punctum Γ ; et transferantur
 angulus et regula KA vsque eo, donec,
 transeunte crure $H\Theta$ per punctum Γ , pun-
 ctum H quidem super rectam BE cadat; re-
 gula vero KA , ab vna parte, puncto ipsius
 K , rectam $B\Delta$, ab altera vero parte pun-
 ctum A contingat: Ita vt, quemadmodum
 est in figura, angulus quidem rectus eun-
 dem habeat situm, quem $\Gamma E\Delta$; regula vero
 KA eundem, quem recta ΔA . Quae si ita
 fiant, quod propositum est conficietur.

Demon-

Demonstratio.

Est enim Ang. $A\Delta E =$ Ang. $\Delta E\Gamma =$
 Recto; [recta autem $B\Delta$ ipsi AE , et BE ipsi
 $\Gamma\Delta$ ad angulos rectos]. Vnde erit $\Gamma B:$
 $BE = EB: B\Delta = \Delta B: BA$. [Vid. coroll.
 prop. 8. lib. VI. elementor. Euclidis].

CAP. VIII.

ARCHYTAS.

Illis igitur grauiſſimis et vehementiſſimis Platonis ſui deſideriis ſatiſfacturus, omnium primus, qui aliquam noſtri problematis ſolutionem perfe- cerit, fuiſſe perhibetur ARCHYTAS; clariſſimus ille Pythagoreorum philoſophus, Tarentinoꝝ- que per multum temporis ſummus imperator (στρατηγός), qui quam cum Platone contraxerat amicitiam intimam ſuauiſſimo eodemque eruditif- ſimo epistoliarum commercio admodum ſouebat. Nobilitata eſt autem haec ipſius ſolutio maxime eo, quod in ipſa motum quendam, quo in ſuper- ficie ſemicylindri curua deſcriberetur, quae inter- ſecta motu lateris hypotenuseos trianguli rectan- guli conum efficientis conſtitueret mediarum pro- portionalium vnam, concipiens, quemadmodum primus methodum a Mathematicum principiis mu- tuatus Mechanica perficere docuiſſet, ſic rursus motum, quem dicunt *organicum*, a Mechanicis mutuatus in Geometriam introducere primus au- ſus ſit, teſte *Diogene Laertio*, lib. VIII, ſegm. 83
(vbi

(vbi cum Kuehnio *μαθηματικαῖς* pro *μηχανικαῖς* legendum est). Conf. etiam *Plutarch. in Marcello*, pag. 305, tom. I. edit. Francos. Quamuis autem consilium, quod hac re nouata maxime spectasse videtur Archytas, vt videlicet mediarum proportionum inuentio manualibus operationibus magis accommodaretur, minime est assequutus hac sua ratione (*Ἀρχύτειω δυσμήχανα ἔργα πολὺνδρῶν*, dicit Eratosthenes): elucet tamen ex ipsa sublime et excelsum ingenium illius, quem celebrat poeta maris et terrae numeroque carentis arenae mentorem, Aërias tentasse domos animoque rotundum percurrisse polum. Vid. Horat. lib. I, od. 28. Nactum esse etiam ipsum, quemadmodum ob ceteras inuentiones ad vitae communis vsum imprimis comparatas magna apud homines floruerit gratia, ex huius rei inuentione maximam laudem atque admirationem, monet *Vitruuius* lib. IX, c. 3.

Ratio autem *Archytæ*, qualis apud Eutocium ex Eudæmo descripta legitur est fere haec:

* * *

Sint datae duae rectae $A\Delta$, Γ , inter quas oporteat duas medias proportionales inuenire. Circa maiorem $A\Delta$ describatur circulus $AB\Delta Z$; eique inscribatur AB ipsi Γ aequalis; quae quidem producta concurrat in puncto Π cum recta contingente circulum

D

in

in puncto Δ iungaturque BEZ parallela ipsi $\Pi\Delta$. Iam intelligatur semicylindrus rectus esse semicirculo $AB\Delta$ superimpositus; rectae $A\Delta$ vero semicirculus rectus in semicylindri parallelogrammo positus. Hic igitur semicirculus, si, manente diametri termino A , circumagatur a puncto Δ versus B , cylindricam superficiem secabit, et lineam quandam in ipsa describet. Rursus vero si, manente $A\Delta$, triangulum $A\Delta\Pi$ circumagatur motu, qui sit illi semicirculo circumactio contrarius, conicam superficiem efficiet recta $A\Pi$, quae videlicet circumacta in puncto aliquo cum linea cylindrica [h. e. cum linea, quae in superficie cylindrica motu illius semicirculi descripta est] concurreret; simul vero et punctum B [quod est in recta $A\Pi$] semicirculum in superficie conica describet. Habeat autem, ubi primum hae lineae concurrunt, promotus quidem semicirculus eundem situm, qualem ΔKA ; triangulum vero ex aduerso circumactum eundem, qualem ΔAA ; punctum denique, in quo concurrunt, sit K . Semicirculus vero, qui a puncto B descriptus est, BMZ ; ipsiusque et circuli $B\Delta ZA$ communis sectio, BZ : et a puncto K ad planum semicirculi $B\Delta A$ ducatur normalis; quae uti-

que

que, cum cylindrus rectus sit, in circuli circumferentiam cadet. Cadat, et sit KI: et quae a puncto I ad A iungitur recta cum ipsa BZ concurrat in puncto Θ ; recta AA vero cum semicirculo BMZ in puncto M: iunganturque rectae K Δ , MI, M Θ .

Quoniam igitur vterque semicirculus Δ KA, BMZ est rectus ad subiectum planum, communis quoque ipsorum sectio M Θ ad angulos rectos est ipsi plano circuli; unde M Θ recta est et ad BZ. [ex prop. 19. lib. XI. elem. Euclid.] Est igitur Rectang. Θ B, Θ Z = Rectang. Θ A, Θ I = Quadr. M Θ . [Est enim ex prop. 35. lib. III. Euclid. Rectang. Θ B, Θ Z = Rectang. Θ A, Θ I; et B Θ : Θ M = M Θ : Θ Z, ex p. 13. l. VI. Eucl. ideoque per p. 17. l. eiusd. Rectang. Θ B, Θ Z = Quadr. M Θ]. Hinc Triang. Δ MI \sim Triang. MI Θ \sim Triang. MA Θ , et Ang. IMA = R. Est autem et Ang. Δ KA = R. [ex p. 31. l. III. Eucl.] Parallelae igitur sunt K Δ , MI; [ex p. 28. l. I. Eucl.] et erit $\Delta\Delta$: AK = KA: AI = IA: AM, propter triangulorum similitudinem. [Est enim $\Delta\Delta$: AK = AI: AM, ex p. 2. l. VI. Eucl.; et $\Delta\Delta$: KA = KA: AI, ex coroll. p. 8. l. VI. Eucl.] Itaque cum sit AM = AB = Γ ; datis duabus $\Delta\Delta$, Γ , duae mediae proportionales inuentae sunt.

CAP. IX.

EVDoxVS CNIDIVS.

Eidem praeceptoris et amici auctoritati, cui Archytas, obtemperaturus in augenda et perficienda tota ista solidorum doctrina, et inprimis in inveniendi cubi duplicatione multum operae posuisse, huiusque efficiendae peculiarem rationem a se inuentam promulgasse narratur EVDoxVS CNIDIVS, Aeschinis F. celeberrimus ille Octaëteridis auctor, qui et elementorum geometricorum libros scripsit, doctrinamque de proportionibus insigni tractauit sollertia, inuentisque admodum auxit. Conf. Diog. Laert. lib. VIII, segm. 86 sqq; Proclus, pag. 19; et maxime Archimedes, qui in praefatione libri I. de sphaera et cylindro ad Dositheum (pag. 64. ed. Oxon.) grauissima Eudoxi merita de promouenda solidorum doctrina praeclarissimo exornat testimonio. Indicat enim ibi, se in hosce libros de sphaera et cylindro plura recepisse, quae Eudoxus circa solida iam sit contemplatus; veluti illud, *quamlibet pyramidem partem esse tertiam prismatis, quod eandem ac pyramis basin*

basin habeat, eandemque altitudinem; itemque illud, quemlibet conum partem esse tertiam cylindri, qui eandem ac conus basin habeat, et altitudinem eandem: quorum theorematum inuentionem Eudoxo in acceptis referendam esse, verbis perspicuis adhuc declarat.

Ad nostrum problema autem soluendum vsus est Eudoxus quibusdam lineis curuis, ab ipso maxime eum in finem excogitatis, et singulari libello explicatis; quarum vero qui fuerit ortus, quae peculiaris natura et indoles, prorsus ignoratur; nisi quod ipsas et solidorum sectione effectas fuisse, recte conicere possis ex Proclo, pag. 19, ubi quae circa solidorum sectionem (ad lineas curuas circulo altiores efficiendas institutam) inde a Platone originem cepissent, ab Eudoxo aucta et promota esse leguntur. Ceterum quod Eratosthenes in epigrammate illo harum linearum curuarum auctorem vocat *Θεοιδῆν*, quam in ipsis inueniendis et constituendis monstrauerit Eudoxus sagacitatem et sollertiam maximopere commendare videtur.

In adhibendis autem istis lineis curuis ad nostri problematis solutionem admodum male euenisse Eudoxo, docemur ab Eutocio, qui (ad Archimed. de sph. et cyl. lib II, prop. 2. pag. 135.

ed. Oxon.), cum in multorum illustrium viro-
rum scripta incidisset, quibus plures huius proble-
matis conficiendi rationes traderentur, solam il-
lam Eudoxi Cnidii reiiciendam putavit. Adfir-
mat enim ibi, cum per lineas curuas cubi dupli-
cationem se inuenisse in proemiis contendisset Eu-
doxus, in demonstratione tamen nullas lineas
curuas adhibitas esse, satis perspicuum fieri; in-
superque hoc insigne ab ipso commissum esse, vt
discreta proportionem tanquam continua vsus sit.
Quas sane grauissimas reprehensiones, quomodo
subire potuerit diuinum Eudoxi ingenium, cum
iure mirum videatur: condonari profecto debet,
si forte mens paulo pronior sit ad confugiendum
ad quandam hypothesin, cui tamen quaedam
Plutarchi loca iam supra laudata nonnullam sane
verosimilitudinem adfundunt: duas scilicet ab Eu-
doxo propositas esse nostri problematis solutiones;
alteram ad leges Geometriae accuratius exactam,
in qua istas lineas curuas adhibere conatus sit,
ab Eutocio autem ignoratam; alteram vero vt di-
cunt mechanicam, legatorum Deliacorum causa
forsan proprie excogitatam (vid. Plutarch. in lib.
de Genio Socr. l. 1.), qualem et reuera agitasse
Eudoxum ex Plutarcho in Marcello pag. 305.
tom. I. et in Sympof. pag. 718. tom. II. edit. Fran-
cof. 1620. apparet, quae denique posterior, cum
in

in ipsam incideret Eutocius et linearum curvarum desideraret usum, non potuit non incurrere in eius reprehensionem. Certe, quo demum cunque modo res se habeat, indigna animi vehementia et acerbitate grassari hunc Commentatorem Ascalonitam in nostrum Eudoxum, verba, quae ibi mox adiungit, (τὶ λέγω περὶ Εὐδόξου, ἀλλὰ περὶ τῶν καὶ μισθίως περὶ γεωμετρίαν ἀνιστραμμένων;) satis superque produnt, ideoque contra ipsius de solutione Eudoxiana sententiae veritatem suspicionem mouent non prorsus vanam.

CAP. X.

M E N A E C H M V S.

Succellit summis illis viris MENAECHEMVS, qui ex Eudoxi disciplina in institutionem et familiari-
tatem ipsius Platonis transgressus nostro pro-
blemati inprimis ope linearum curuarum per-
ficiendo eadem, qua illi, incubuit industria et
assiduitate, sed feliciori successu. His enim,
post varia forsan in secandis solidis formae di-
versae conamina, conum ad efficiendas ipsius
sectione certas lineas curvas maxime idoneum
aptumque. ratus, si ille quidem plano per ver-
ticem vsque ad basin secundum axem tran-
seunte secetur, effici triangulum, si vero planum
basi coni parallelum traducatur, oriri circulum,
cum iamdiu animaduertisset, mox planum secans
versus basin inclinare tentando ad excogitandas
accurateque constituendas celeberrimas illas tres
lineas curvas (*τετράδας*, ap. Eratost.), *ellipsin*,
parabolam et *hyperbolam*, quas proprie *coni*
sectiones appellari placuit Mathematicorum coetui,
primus fuit delatus, ipsasque mirum in modum
excul-

excultas ad nostrum problema omni, qua gaudet Geometria, feueritate et perfectione soluendum insigni mentis sagacitate et dexteritate iam adhibuit.

Harum autem coni sectionum inuentarum laudem Menaechmo esse propriam, cum iam supra (Cap. VI.) ex Gemini auctoritate probare conati simus: restat, ut hic, quae fuerit peculiaris harum Menaechmaearum coni sectionum ratio et indoles (quippe quam in ipsarum quasi incunabulis ab aetatis Apollonianae perfectione et quasi virilitate paulo remotiorem et magis alienam fuisse, facile colligatur;) inprimis autem, quaenam de ipsis theoremata Menaechmo iam cognita fuerint et demonstrata, breui digressionem facta ostendamus: quod et quae adhuc usque huic rei defuit scriptorum historiae mathematicae diligentior tractatio et examen magnopere suadet, et ipsius huius scriptionis consilium, inprimisque quae inde oriri debet de istis solutionibus Menaechmaeis infra exponendis accuratior cognitio rectiusque iudicium maiorem, in modum requirere videtur et flagitare. Accidit praeterea hac in re viro celeberrimo *Montucla*, cuius auctoritatem in rebus historiae mathematicae inprimis consulere et amplecti amant, ut discriminis in-

ter tempora Platonica et Alexandrina statuendi parum memor, in exponenda sectionum conicarum a Platonice inuentarum natura et constitutione Apollonianam perfectionem et vniuersalitatem primis nec ita absolutis istius antiquioris aetatis conaminibus vindicare plane non dubitaret (vid. Histoire des Mathematiques, tom. I. pag. 178 sqq.); quod ipsi aegre condonari posse videtur. Fugit sane ipsum, qui plurimum lucis huic rei adfundit locus maxime memorabilis Gemini, ab Eutocio in limine commentariorum in Apollonii conica integre exscriptus et vberius illustratus (vid. Apollonii conicor. edit. Halleji, Oxon. 1710, pag. 9.) quem, praeter ea, quae Pappus monet in praefatione libri VII. collect. math. (pag. 249 sqq. edit. Bonon. 1660) in explicanda harum Menaechmaearum conic sectionum constitutione maxime sumus sequuti. Ceterum ab illis scriptoribus antiquos appellari Geometras maxime eos, qui Platonis aetate nec multo post vixerint, satis constat; quare eo magis, quae ibi de antiqua sectionum conicarum constitutione monentur, ad Menaechmum transferre non dubitauimus.

Definiebant autem ista aetate conum ita, vt ipsum describi dicerent ex circumuolutione trianguli

guli rectanguli, manente vno eorum, quae circa rectum angulum sunt, latere immoto. Quod manens trianguli latus, si fuerit aequale alteri lateri, quod ad angulum rectum circumvoluitur, conum *rectangulum*; si vero fuerit minus altero isto latere, *obtusiangulum*; si denique maius, *acutiangulum* oriri dicebant conum. Hae igitur fuere tres coni eiusdemque recti species, in quibus tractandis substituit ipsorum studium; certe de conis scalenis eadem sollicitudinem iam tum inquisitum esse, non constat. Cui rei et conspirat quam iniit Euclides in elementis suis ratio, qua adhuc in considerandis conis rectis tantum versatus est, scalenos vero non attigit. Vid. elementor. lib. XI, def. 18. Sic igitur Menaechmus omnes conos habens rectos, posteaquam sectione plani transeuntis per axem coni triangulum effici constituisset, alterum planum ad angulos rectos vni laterum huius trianguli conum secans posuit, atque circa differentes conos propriam in vnoquoque consideravit sectionem. Quam vero ad hunc modum in cono rectangulo constituit, vocata est *coni rectanguli sectio* (*Parabola*); in obtusiangulo, *coni obtusianguli sectio* (*Hyperbola*); in acutiangulo autem, *coni acutianguli sectio* (*Ellipsis*). Atque in hoc igitur inprimis cerni perspicitur, quae fuerit

fuerit harum coni sectionum a Menaechmo constitutarum ab inferioribus et perfectioribus Apollonianis quoad ipsarum quidem constructionem diuersitas, quod ille solis conis rectis usus, in omnibus similiter ducens plana ad vnum conilatus recta, in singulis conis vnā tantum demonstraret coni sectionem, videlicet in cono rectangulo tantum Parabolam, in obtusiangulo tantum Hyperbolam, in acutiangulo tantum Ellipsin: Apollonius vero postea vniuersae omni cono tam recto, quam scaleno, omnes istas sectiones inesse doceret iuxta plani ad conum diuersam inclinationem. Hanc Gemini sententiam in commentario ad Apollonium pag. 9 expositam, cum qua conspirat Pappus pag. 250, conatus est ibi Eutocius subiectis figuris paulo planiorem reddere; cuius vero illustrationem hic praetermittere satius erit. Maxime enim id agit auctor Ascalonita, vt, vnde desumpta sint illa sectionum conicarum nomina, Parabola, Hyperbola et Ellipsis, falsa Gemini interpretatione seductus dilucidius et vberius explicet.

Quod vero ad harum coni sectionum attinet proprietates, quot quantaque ipsarum iam a Menaechmo fuerint detectae et demonstratae, si quaeratur: hoc quidem deficientibus hac de re testi-

testimoniis antiquitatis luculentis non satis accurate et prolixè declarari potest: tamen, quantum ex Menaechmi rationibus mox tradendis conicere licet, ipsum admodum alte et profunde indagasse de iis, quae in istis lineis curuis maxime accidunt iisque sunt propria; atque sic iam multa constituta esse et ostensa de ipsis theoremata, quamuis non ea vbertate, vniuersalitate et perfectione, quam post Aristaei, Euclidis, nec non Archimedis praeclara de hac re merita in sua conicorum expositione tam insigni laude et gloria monstrauit Apollonius, omnino adfirmare velimus. Ceterum, quae, cum necessario praemitti debeant et quasi fundamentum suppeditent huiusce nostri problematis solutionibus a Menaechmo propositis, iam ab ipso excogitata et demonstrata fuisse satis superque intelliguntur, redeunt fere ad haec duo theoremata, quorum alterum de parabola, alterum de hyperbola ostenditur.

Sit in cono rectangulo $AB\Gamma$ sectio KEA , Fig. 4. quae vocatur *Parabola*, cuius axis (diameter) sit EZ . Erigatur transuersum inde a vertice sectionis E linea recta $E\Theta$ ad angulum rectum ipsi EZ ; fiatque $B\Gamma^2 : BA^2 = E\Theta : EA$. Vocatur haec $E\Theta$ a Menaechmo $\pi\lambda\upsilon\rho\acute{\alpha}$ τοῦ ἰδίου ὀρθία, *latus figurae rectum* s. potius *erectum* (q. e. *para-*

parameter apud recentiores); atque inde grauissimum hoc *theorem*a, quo diuersa et peculiaris parabolae constituitur natura, propositum fuit: *Si a quolibet puncto huius sectionis conicae KEA dimittatur recta, qualis MN, ad angulos rectos ipsi axi EZ: erit Quadratum ex hac MN aequale Rectangulo, quod fit ex latere recto EΘ et ea recta, quae ex axe EZ versus punctum E linea recta MN dimissa abscinditur, qualis est EN:* ("Ἦτις ἐστὶ καταγομένη ἐν παραβολῇ ἐπὶ τὴν ἄξονα EZ ἐν ὀρθῇ γωνίᾳ MN, δύναται τὸ παρὰ τὴν ὀρθίαν τοῦ εἶδους πλευρὰν EΘ παρακείμενον χωρίον, πλάτη ἔχον τὴν ἀπολαμβανομένην ὑπ' αὐτῆς πρὸς τῇ κορυφῇ τῆς τομῆς E; vt ex priore Menaechmi solutione graece refingi potest.) Quod recentiores ita enunciant: *In Parabola est Quadratum Semiordinatae aequale Rectangulo ex ipsius Abscissa et Parametro.*

Quod autem ad *Hyperbolam* attinet, de sectionibus oppositis iam rectiora vidit Menaechmus, asymptotorumque constitutionem et naturam satis inuestigauit, ita vt et inter datas duas rectas angulum continentes per punctum intra hunc angulum datum describere doceret hyperbolam, cuius asymptoti essent datae duae rectae; et inprimis

mis nobilissimum hocce theorema, quo omnia intra hyperbolam et asymptotos quae constituuntur parallelogramma ductis ex quolibet hyperbolae puncto rectis utrique asymptotorum parallelis, quaeque angulum intra asymptotos communem habent, aequalia esse declarantur, (quod demonstratur apud Apollonium, prop. 12^a lib. II,) satis superque euictum reddidit.

Quod reliquum est, quibus nobilissimorum horum theorematum demonstrationibus verosimiliter usus sit Menaechmus, quae ab Apolloniana ratione sane paululum abhorruisse videntur, accuratiori disquisitione eruere; quemadmodum et, quantum quidem ex paucis quae apud scriptores antiquos offenduntur vestigiis et indiciis colligi et coniectari licuit, vberiore et pleniore totius de coni sectionibus doctrinae, qualis tum temporis forte fuerit constituta, exhibere descriptionem, hic praetergressi ali libello, mox et ipso in lucem edendo, qui ipsarum coni sectionum antiquam historiam tractabit, reseruandum duximus; quo et locus erit opportunior, de vocum Ellipseos, Parabolae et Hyperbolae, quibus singulas tres coni sectiones insigniri consuevit, antiquitate, prima origine, propriaque significatione contro-

controuerſiam non penitus leuem, quoad quidem fieri poterit, dirimendi *).

Sed antequam quas ipſe Menaechmus excogitauit noſtri problematis ſoluendi rationes deſcribendas iam aggredimur, non poſſumus prorſus ſilentio praetermittere aliam non minus nobilem, nec minus decoris et ſplendoris adfundentem huic aetati Platonicae inuentionem, quae etiam noſtri problematis perficiendi ſtudio non parum videtur fuiſſe promota, de qua certe Menaechmus paulo altius iam indagauit ex ipſius ſolutionibus noſtri problematis ſatis ſuperque cognoscitur. Intelligimus hic doctrinam illam *de locis geometricis*, quae, poſteaquam praetiſſimam Analyſeos geometricae methodum diſcipulis ſuis impertiſſet Plato, non potuit non mox excogitari atque excoli, et ipſa diſquiſitionibus illis de conſectionibus admodum coniuncta.

- *) Illud tantum hic monere liceat, iſta conſectionum nomina ſerius eſſe introducta, certe Archimedeſi iis non uti, immo poſt Apollonium ea non omnino omnibus Geometris placuiſſe. Quare, ſi in Menaechmi noſtri problematis ſolutionibus infra exponendis, iſta nomina iam reperiantur, ea vel ab Eutocio, vel ab alio quodam, quem ſequutus ſit Eutocius, pro antiquioribus nominibus poſita eſſe, potius habendum eſt.

iuncta, Definiunt autem in Geometria *locum geometricum* ita, vt sit linea, per quam construatur problema, quod vocant *indeterminatum*, i. e. quod natura sua infinitas admittit solutiones. Conf. Pappus in praefatione lib. VII; et passim post lib. III. prop. 4 (pag. 7), et post lib. IV. prop. 30 (pag. 95), vnde nostri problematis et illius de anguli trisectione soluendorum difficultates ad excolendam locorum geometricorum doctrinam non parum contulisse perspiciuntur. Vid. et Montucla V. C. (hist. des Math. tom. I. pag. 183 seqq.), qui ibi subtilissimae huius inuentionis indolem exemplis vsus iustis et satis facilibus admodum bene ostendit et explicat.

Constitutum fuit autem locorum geometricorum inprimis hocce discrimen, vt *loci plani* dicerentur linea recta et circulus, cum in plano ortum haberent; *solidi* vero, sectiones conicae, parabola, ellipsis, et hyperbola, quippe solidi sectionibus oriri conciperentur; *lineares* denique, quaecunque lineae essent neque rectae, neque circuli, neque aliqua illarum coni sectionum. Quo igitur relatae sunt helices, quadrantes, conchoïdes, cissoïdes, omnesque varium et difficilem ortum habentes, ex inordinatis superficiebus et motibus implicatis factae. Haec iam locorum geo-

metricorum diuifio translata eft et ad quae ipfis perficiuntur *problemata*, quorum alia *plana*, alia *folida*, alia autem *linearia*, quatenus quidem in ipforum folutionibus vel loci plani, vel folidi, vel lineares requirerentur, funt appellata: ad quam problematum diuifionem refpiciendo intelligenda eft, quae apud Geometras Platonicae vel paulo ferioris aetatis (hos enim intelligit Pappus, cum antiquos laudat, pag. 7.) de noftro problemate enunciata eft quaefitio, num ad plana, an ad folida, an denique ad linearia problemata fit referendum? qua igitur nihil aliud fignificari cognofcitur, quam, num ad illud foluendum recta cum circulo fufficiat, an aliis lineis curuis adhuc corpus fit?

Quod autem ad Menaechmum attinet, quem nonnulli et huius de *locis geometricis* doctrinae inuentorem fuiſſe funt augurati, ipſum huius cognitionem tenuiſſe ſatis profundam et accuratam, in comperto eſt, et vtraque ipſius ſolutio noſtri problematis de inſigni iſtius doctrinae, quemadmodum et praefantiffimae illius *methodi analyticae Platonis* uſu, monumentum exhibet antiquiſſimum et longe pulcherrimum.

* * *

Solu-

Solutiones Menaechni
apud Eutocium fere ita se habent:

Inter datas duas rectas Δ , E , supponan- Fig. 5.
tur iam esse inuentae mediae continue pro-
portionales B , Γ . Derur positione recta
 AH terminata ad punctum A , sumaturque
inde ab eo puncto AZ aequalis ipsi Γ , et
ducatur ad angulos rectus $Z\Theta$ ipsi B aequa-
lis. Quoniam autem est $\Delta : B = B : \Gamma$; erit
Rect. Δ , $\Gamma = \text{Quadr. } B$, [p. prop. 17. lib.
VI. Euclid.] ideoque Rect. Δ , $AZ = \text{Quadr. } B$ [quoniam $\Gamma = AZ$, et $B = Z\Theta$]. Erit
igitur punctum Θ in parabola per punctum
 A descripta. [Vid. theorema de parabola
f. 1.] Ducantur parallelae ΘK [quidem ipsi
 AZ], AK [vero ipsi $Z\Theta$]. Quoniam autem
Rect. B , Γ , cum sit aequale dato Rectan-
gulo Δ , E , et ipsum datum est: datum est
quoque Rectangulum $K\Theta Z$. Itaque pun-
ctum Θ est in hyperbola, quae inter asymp-
totos KA , AZ descripta est. [Vid. theorema
de hyperbola f. 1.].

Componetur iam problema hoc pacto. Sint
quidem datae duae rectae Δ , E ; positione
autem data sit AH terminata ad punctum A .
Describatur per punctum A parabola, cuius

E 2

quidem

quidem axis sit AH, rectum vero figurae
 latus Δ . Quaecumque autem recta ad an-
 gulos rectos ad AH ducitur, ipsius quadra-
 tum aequale sit rectangulo ex ipsa Δ , et ea
 recta, quae [ex AH] versus punctum A per
 illam rectam abscinditur (Δ i δὲ καταγόμε-
 ναι — σημείο.) Describatur [parabola], et
 ea sit AΘ; et recta [ducatur, eaque] sit AK.
 Describatur porro inter asymptotos KA, AZ
 hyperbola, a qua si rectae ducantur ipsis
 KA, AZ parallelae rectangulum conficiet
 ei aequale, quod sub Δ , E continetur: at-
 que haec quidem hyperbola parabolam se-
 cuerit. Secet in puncto Θ; et ducantur
 normales ΘK, ΘZ.

Quoniam igitur Quadr. ZΘ = Rect. Δ , Γ,
 [et $\Gamma = AZ$]; erit $\Delta : Z\Theta = Z\Theta : AZ$. Et
 quoniam Rect. Δ , E = Rect. ΘZ, ZA; erit
 $\Delta : Z\Theta = ZA : E$. At erat $\Delta : Z\Theta = Z\Theta :$
 AZ . Igitur etiam $\Delta : Z\Theta = Z\Theta : ZA =$
 $ZA : E$. Ponatur $Z\Theta = B$, et $ZA = \Gamma$. Vnde
 erit $\Delta : B = B : \Gamma = \Gamma : E$.

Q. E. I.

Aliter.

Fig. 6.

Sint datae duae rectae ad angulos rectos
 AB, BΓ, inter quas mediae fiant ΔB, BE,
 ita

ita ut sit $\Gamma B : B\Delta = B\Delta : BE = BE : BA$; et ducantur normales ΔZ , EZ . Quoniam igitur $\Gamma B : B\Delta = B\Delta : BE$; erit Rectang. $\Gamma BE =$ Quadr. $B\Delta =$ Quadr. EZ . Contingit igitur punctum Z parabolam descriptam circa axem BE . Rursus quoniam $AB : BE = BE : B\Delta$; erit Rect. $AB\Delta =$ Quadr. $BE =$ Quadr. ΔZ . Ideoque punctum Z contingit parabolam descriptam circa axem $B\Delta$. Contigerat autem et alteram descriptam circa axem BE . Datum est igitur punctum Z ; et cum ex Z normales sint $Z\Delta$, ZE , data sunt quoque puncta Δ , E .

Componetur autem problema hoc pacto. Sint datae duae rectae AB , $B\Gamma$ ad angulos rectos. Producantur a puncto B indefinite $B\Delta$, BE ; et describatur circa axem BE parabola, ita ut quaecunque recta $[EZ]$ ad angulos rectos ad BE ducatur, ipsius quadratum sit aequale rectangulo ex $B\Gamma$ et ea recta, quae ex BE versus punctum B per rectam illam $[EZ]$ abscinditur. Rursus describatur circa axem ΔB parabola, ita ut quaecunque recta $[Z\Delta]$ normalis ad ΔB ducatur, ipsius quadratum aequale sit rectangulo ex AB et ea recta, quae ex $B\Delta$ versus punctum

ctum B per rectam illam $[Z\Delta]$ abscinditur. Secant utique hae parabolae se inuicem. Secent se in puncto Z; et ducantur a puncto Z normales $Z\Delta$, ZE.

Quoniam igitur ducta est in parabola ZE, h. e. ΔB , erit Rectang. $\Gamma BE = [\text{Quadr. ZE} =] \text{Quadr. B}\Delta$. Vnde $\Gamma B : B\Delta = \Delta B : BE$. Rursus quoniam ducta est in parabola $Z\Delta$, h. e. EB; erit Rect. $\Delta BA = [\text{Quadr. } Z\Delta =] \text{Quadr. BE}$. Vnde $\Delta B : BE = EB : BA$. Erat autem $\Gamma B : B\Delta = \Delta B : BE$. Vnde etiam $\Gamma B : B\Delta = \Delta B : BE = EB : BA$.

Q. E. I.

* * *

Hae igitur sunt illae duae Menaechmi solutiones, in quibus sectionum conicarum a se inventarum praeclarum usum ad perficienda difficiliora Geometriae diagrammata tam sagaciter ostendit; et quae sane, quamvis pro duabus, quibus usus est coni sectionibus (in altera quidem solutione parabola et hyperbola, in altera vero duabus parabolis) vnam illarum cum circulo coniunctam adhibere, simplicior fuisset ratio, summae legum geometricarum severitati et perfectioni tandem satisfacere merito habentur.

Quod

Quod vero ad praxin vsusque vitae vulgares attinet, cum omnis harum solutionum commoditas ab idonea sectionum conicarum *in plano descriptione* prorsus pendeat, et hanc laudem sibi Menaechmus non alienam duxit, cum talem sectionum conicarum delineationem methodo aliqua mechanica conficiendam agigaret; quod ex Eratosthene, qui ipsam in epistola illa ad Ptolemaeum *) tanquam nimis operosam reprehendit, luculenter patet. Ceterum Eutocius, cui illa mechanica Menaechmi ratio non nota fuisse videtur, ad parabolae descriptionem mentionem facit circini (*διαβήτου*), ab Isidoro Milesio, praeceptore suo, inuenti; de cuius autem structura, et vnde sua ipsi constiterit commoditas, nihil nobis iam pro comperto est.

- *) Vid. Archimedis edit. Oxon. pag. 144. Συμβέβηκε δὲ πᾶσιν αὐτοῖς ἀποδεικτικῶς γεγραφεῖναι, χειρουργῆσαι δὲ, καὶ εἰς χρεῖαν ποιεῖν μὴ δύνασθαι· πλὴν ἐπιβραχύ τι τοῦ Μεναιχμοῦ, καὶ ταῦτα δυσχερῶς. Praeterea etiam in excogitanda aliqua solutione prorsus mechanica, priusquam quidem in vtramque illam per conicas sectiones effet delatus, per aliquantum temporis occupatum fuisse Menaechmum, ex Plutarchi Sympos. pag. 718. tomi 2. edit. Francof. 1620 apparere videtur.

CAP. XI.

DE ARISTAEO. EXPLICATUR
ARISTOTELIS ANALYTIC. POST. LIB. I.

CAP. 7, ὅτι οἱ δύο κύβοι κύβος.

Exposita igitur a nobis iam sunt, quae ex
 scholae Platonicae temporibus non erant praeter-
 mittenda, quam insigni quidem studio et ad-
 fiduitate agitatum sit ibi post Platonis ipsius ad-
 monitiones problema de duarum mediarum pro-
 portionalium inuentione, quae singulorum hac
 in re conamina fuerint prolata, quantus denique
 fuerit fructus, qui inde redundaret ad vniuersam
 Geometriam perficiendam altiusque promouen-
 dam. Fuit hac ex parte sine dubio summa laus
 Menaechmi, illius sectionum conicarum con-
 ditoris sagacissimi et in nostro problemate ad
 omnem Geometriae seueritatem et perfectionem
 demonstrando primi auctoris luculenti, cuius
 vestigia contigit, ut iam exprimeret vir non
 minori mentis acumine et sollertia, ingeniique
 fertilitate ad Mathematicas disciplinas excolendas
 et augendas instructus. ARISTAEVS quidem ex
 inu-

iniustae obliuionis tenebris, quibus fere penitus obrutus iacuit, in gratam posteritatis memoriam prae aliis vindicandus, quae tam bene a Menaechmo inchoata erant circa conicorum et locorum solidorum doctrinam, adhuc magis perfecisse et in seueriorem disciplinae formam redacta tradidisse habendus est. Laudantur apud Pappum in praefatione libri VII. ipsius libri quinque *conicorum* (quos postea inprimis secutus fuisse perhibetur Euclides in sua conicorum tractatione), quibus cohaerentes totidem *locorum solidorum* libros conscripsit. Aristaei loca solida ad nostri problematis solutionem a nonnullis adhibita fuisse, monet Pappus pag. 7; num autem Aristaeus ipse hac in re aliquid tentauerit, non constat. Certe igitur non defuisse videmus et post Menaechmum, qui de singulari vsu illarum recens inuentarum coni sectionum ad cubi duplicationem infinitis modis efficiendam inquirerent; pluresque igitur editas esse soluendi huius problematis rationes, quarum quidem memoria mox euanuisse videtur, ferè dubium non est.

Ceterum cum ex tam frequenti tractatione maiorem semper obtineret problema nostrum famam et celebritatem, num quoque qui haec tempora condedorauit, ille philosophorum totius

antiquitatis princeps, acutissimusque in omni disciplinarum genere iudex et arbiter, ARISTOTELIS, etsi non peculiari studio de quadam cubi duplicandi ratione ipse quaestiones instituerit, certe tamen pro more suo, quo in scriptis suis exempla a rebus mathematicis mutare et examinare amat, etiam de nostri problematis natura et indole, et in quam Matheseos partem proprie cadat ipsius inuestigatio, sententiam suam vllibi palam fecerit, inquirere non alienum erit. Habemus qui huc referri solet ipsius locum insignem in *Analyticor. post.* lib. I. cap. 7. vbi posteaquam exposuit, non licere ex alio genere scientiae in aliud descendendo demonstrare, ita pergit: “Quare Geometriae non conuenit demonstrare, quod contrariorum vna sit scientia, nec quod duo cubi faciant cubum, omninoque alicui scientiae non conuenit demonstrare, quod est alterius:” Δια τοῦτο τῇ γεωμετρίας οὐκ ἐστὶ δεῖξαι, ὅτι τῶν ἐναντίων μία ἐπιστήμη, ἀλλ’ οὐδ’, ὅτι οἱ δύο κύβοι κύβος οὐδ’ ἄλλη ἐπιστήμη τὸ ἐτέρως. Quae apud Philoponum (fol. 24, edit. Ald. 1534) ita explicata leguntur: τὸ μὲν γὰρ δεικνύναι, ὅτι τῶν ἐναντίων μία ἐπιστήμη, οὐκ ἔστιν ἴδιον γεωμετρίας — μᾶλλον δὲ, διαλεκτικῆς — ὁμοίως ὅτι οὐδὲ οἱ δύο κύβοι κύβος, γεωμετρίας ἐστὶ δηλονότι ἀπο-

ἀποδειῖξαι, στερεομετρίας δὲ μᾶλλον. γεωμετρία
 μὲν γὰρ περὶ τὰ ἐπίπεδα ἔχει τὴν σκέψιν· στερεο-
 μετρία δὲ, περὶ τὰ στερεά. κύβος δὲ ὑποκείμενον
 τῇ στερεομετρίας. Verba autem ὅτι οἱ δύο κύβοι
 κύβος ita intelligenda esse dicit Philoponus, vt
 exprimant quaestionem, quomodo fieri possit, vt
 cubus duplicetur et tamen cubicam seruet for-
 mam; viderique allusum esse ad famigeratam
 (πολυθρύλλητον) illam de ara Apollinis Delii
 duplicanda narrationem, quam ibi paucis ex-
 ponere, inde sumit occasionem. Obiiciuntur
 quidem contra hanc Philoponi interpretationem,
 totam rem de illo μεταβάσεως εἰς ἄλλο γένος
 crimine ab Aristotele eo restringi, vt quae sint ad se
 inuicem ita adfecta, vt illorum alterius genus sit
 alterius generi subiectum, quemadmodum Optica
 ad Geometriam et Harmonica ad Arithmeticam
 adfecta sit, in his demonstrationes inuicem
 mutuari concedatur; Stereometriam autem ad
 Geometriam hoc modo se habere, vt ipsius
 pars sit: quare de cubi duplicatione quaestionem
 ad Geometriam pertinere, quomodo negari possit,
 non bene perspicuum fieri. Quae vero dubi-
 tatio penitus tolli potest, si in animum nobis
 reuocamus, apud Aristotelem Stereometriam Geo-
 metriae non subiectam, sed potius ipsi in diui-
 sione oppositam fuisse; quod confirmatur ex

Pro-

Proclo, qui ad definitionem Euclidis de Plano (pag. 32 ed. Bas.) monet, antiquis philosophis non placuisse Planum Superficieī ponere speciem, verum ut idem utrumque ab ipsis adsumtum esse ad magnitudinem duplici intervallo distantem representandam. "Ita enim, pergit, quoque „diuinus Plato Geometriam dixit esse Planorum „contemplatricem, Stereometriam ipsi in diuisione „opponens, perinde ac si esset idem Planum et „Superficies. Similiter etiam incomparabilis Aristoteles." (Οὕτω γὰρ καὶ ὁ Θεὸς Πλάτων τὴν γεωμετρίαν τῶν ἐπίπεδων ἔφατο θεωρητικὴν εἶναι, πρὸς τὴν στερεομετρίαν αὐτὴν ἀντιδιαίρων — καὶ ὁ δαιμόνιος Ἀριστοτέλης ὡσαύτως.) Tenendum est praeterea, quod isto tempore Stereometriam ita accipiebant, ut ad ipsam et omnia, quae de linearum curuarum (quippe solidorum sectionibus constitutarum) natura et affectionibus iam inuenta tradebantur, referrent; quemadmodum ex multis Platonis locis abunde perspicitur. Quare, si quidem secundum Philoponum cubi duplicationem in loco Analyticor. laudato exprimere concipiendus est Aristoteles, nulla sane alia ipsius sententia constitui potest, quam ut doceat, illud problema ad Stereometriam referendum esse, atque ad ipsius solutionem, quae solidorum sectionibus oriuntur, lineas curuas (loca solida) decessario esse

esse adhibendas; qui vero sola ope Geometriae, Planorum contemplatricis, (per loca plana) illud perficere agitent, eos crimine μεταβάσεως ἐς ἄλλο γένος τῆς ἐπιστήμης nullo modo liberandos esse.

Sed non negligenda est, quae contra a Blanco (vid. Iosephi Blancani Loca Mathematica Aristotelis, ex vniuersis ipsius operibus collecta atque explicata, Bonon. 1615, pag. 52) proponitur huius loci interpretatio, qua per cubos intelligit numeros sic dictos, atque Aristotelis sententiam ita constituit: non pertinere ad Geometriam ostendere de numerorum affectionibus propositiones, veluti hanc: si cubus numerus cubum numerum multiplicauerit, productus numerus erit pariter cubus. Quod demonstratum est in Euclidis elementor lib. IX, prop. 4. Pro-
 vocat inprimis ad cap. 10 eiusdem libri Analyticor. post. vbi legitur: οἷον, ἢ μὲν Ἀριθμητικῇ, τί περιττὸν, ἢ ἄρτιον, ἢ τετράγωνον, ἢ κύβου, vnde et in illo loco cubos arithmeticos intelligendos esse admodum verosimile fieri ingenue fatemur. Quae igitur Blancani interpretatio, si forte praeferenda videatur illi, quae modo secundum Philoporum exposita est (quam tamen non
 ita

ita incommodam nec ineptam esse, vt Blancanus suspicatur, luculenter ostensum est) nihil amplius ex hoc loco peti posse ad Aristotelis sententiam de nostri problematis solutione declarandam, non est quod moneamus.

CAP. XII.

AETAS PTOLEMAEORVM.
QVAENAN EVCLIDIS ET ARCHIMEDIS DE
NOSTRO PROBLEMA TE SINT MERITA.

Venimus iam ad ea tempora, quae ob singulares et maxime admirandos progressus, quibus ad summum fere perfectionis fastigium accrenere litterae mathematicae, ipsarum *aurea aetas* non sine iure quodam appellari possunt. Loqui nos de *aetate* PTOLEMAEORVM, seu *Alexandrina*, quisque antiquarum litterarum non plane rudis facile perspiciet; in qua autem et nostrum problema tantum abfuit ut neglectum iaceret, ut potius fere maiori adhuc studio et concertatione quam unquam coleretur. De duumviris quidem illis Mathematicorum et istius temporis et totius antiquitatis principibus, EVCLIDE et ARCHIMEDE, num etiam inveniendis duabus mediis proportionalibus aliquam singularem nauauerint operam, non constat. Certe *Euclidem* in conscribendis Mathematicum elementis videre licet non ultra processisse, nisi quod in tractandis planis

planis ex tribus datis continue proportionalibus primam habere se ad tertiam quemadmodum Quadratum ex prima ad Quadratum ex secunda, simulque vnam mediam continue proportionalem inter duas datas inueniendam doceret (vidd. elementor. lib. VI. propp. 13, 19 sqq.); in tradendis solidis vero ita versaretur, vt, quamuis quidem illud (lib. XI. prop. 33 coroll.), si quatuor rectae in continua sint proportione, primam se habere ad quartam, quemadmodum Parallelepipedum ex prima ad Parallelepipedum simile et similiter possum ex secunda, non inostensum relinqueret, et sic viam monstraret, qua ad cubum duplicandum vnice potest perueniri, tamen nec de cubo ipso duplicando nec de inueniendis duabus mediis continue proportionalibus quaedam accuratius attingeret, sed potius vniuersam Stereometriam ita absolueret, vt hocce problema tanquam cui reliqua superstruenda esset, neutiquam desideraretur. Conf. Philoponus in Aristot. analyt. post. fol. 24 ed. Ald. 1534. In libris vero, quibus sublimiora Matheseos tractauit, (scripsisse enim ipsum nominatim de conicis sectionibus et de locis ad superficiem, ex Apollonio et Pappo satis notum est. Vidd. Apollonius in prooemio ad conica, pag. 8, Eutocique comment. pag. 12, edit. Halleyi Oxon. 1710; et Pappus

Pappus in praefat. libri VII collect. math. pag. 241 et 249 sqq.) vel alioquin singulari tractatione, tum quaedam noua ad nostrum problema perscrutandum sit conatus, videtur non satis explorari posse. Possint quidem forte huc referri, quae Apollonius in prodromio illo conicorum suorum contra Euclidem monet, multa et omnigena theoremata, vtilia ad compositiones locorum solidorum et ad determinationes, eaque pleraque perpulchra et noua in libro tertio a se demonstrata esse laudaturus. "Hisce autem perpensis »(pergit) animaduerti, non compositum esse ab »Euclide locum ad tres vel quatuor lineas, sed »particulam tantum eius, atque hanc non satis »feliciter: impossibile enim erat, absque praedictis »propositionibus perfectam eius compositionem exhibere" (α καὶ κατανοήσαντις εὐρομιν μὴ συντιθέμενον ὑπ' Εὐκλείδου τὸν ἐπὶ γ' καὶ δ' γραμματῶν τόποι, ἀλλὰ μέρειον τι αὐτοῦ, καὶ τοῦτο οὐκ εὐτυχῶς· οὐ γάρ δυνατόν ἄντι τῶν προειρημένων τελειῶσθαι τὴν σύνθεσιν.) Descriptus legitur hic Apollonii locus quoque apud Pappum in, praefat. lib. VII. collect. math. (pag. 250 ed. Bonon. 1660; Vidd. et Apollonii Pergaei de sectione rationis libri duo ex Arab. MS^m latine versi etc. Praemittitur Pappi Alexandrini praefatio ad VII. coll. Math. nunc primum graece edita; opera et stu-

dio Edm. Halley, Oxonii 1706, pag. XIV.) qui ibi in ipso explanando versatur, non vero ita, ut arbitretur, Apollonium hisce verbis inuehi in Euclidem, quod duas medias proportionales non inuenerit; quam verborum Apollonii interpretationem Eutocius in adnotat. ad Apollonii praefat. (pag. 12. edit. Halleyi) Pappo, sed iniuste tribuit. Apollonium potius ob alium librum de locis conscriptum in Euclidem grassari, quod hic, cum in suis conicorum libris illas, quas ipse Apollonius in conicorum libro illo tertio demonstrauerit propositiones, non ostensas exhibuerit, loci ad tres vel quatuor lineas compositionem in illo libro de locis non potuerit non imperfectam et inchoatam relinquere, satis perspicuum est. De loco autem ad tres vel quatuor lineas componendo quaestio, qualis sit, ibidem apud Pappum prolixius illustrata legitur; ipsiusque perfectiori doctrinae quantopere coniuncta sit inueniendarum duarum mediarum proportionalium ratio. longe absolutior, facile intelligitur. (Conf. Cartesius in Geometriae libro I.) Attamen quamuis Euclides illam de locorum ad tres vel quatuor lineas compositione doctrinam attigisse ex hac Apollonii praefatione perspiciatur, ipsum etiam ad duas medias proportionales singulari ratione constituendas descendisse, nullo modo adfirmari potest.

Quod

Quod vero ad ARCHIMEDEM attinet, qui omnes mathematicas litteras ingenii sui luce illustravit praestantissimisque inuentis admodum auxit, tractavit hic quidem plures solidorum fabricas, et praeterquam quod figurarum conoidum et sphaeroidum vel integrarum vel sectarum exposuit naturam, ipsarumque cum cylindris conisque eandem basin et altitudinem habentibus instituit comparationes, maxime sphaerae et cylindri ratione tam perfecte eruta nominis immortalitatem et magnam posterorum gratiam iure sibi pollicitus fuit. Sed duplicandi cubi vel inveniendarum duarum mediarum proportionalium, tantum abfuit, ut ipse aliquam peculiarem et reliquis perfectiorem tentaret rationem, ut potius, in demonstrandis nonnullis grauissimis doctrinae solidorum propositionibus, huius problematis inuentionem tanquam iam aliunde satis notam praeterire non dubitaret; veluti in probl. 2. libri II, de sphaera et cylindro. Certe Eutocius ad h. l. adfirmat, quam inveniendarum duarum mediarum proportionalium rationem amplexus sit Archimedes, sibi plane non compertum esse. Similiter in tractandis rebus mechanicis, ex quibus summam quoque nactus est laudem et famam, inprimisque in fabricandis famosis illis belli machinis, quibus fortissimi et insigni bellicarum machinarum appa-

ratu instructi oppugnantis exercitus impetus semper superauit, clarissimique ducis virtutem et consilia tamdiu irrita fecit (Conff. quae de memorabili illa Syracusarum obsidione narrant Polybius, lib. VIII, Linius lib. XXIV, et Plutarchus in Marcello, cap. 14-20); num ad aliquam nostri problematis per instrumenta soluendi rationem excogitandam, qua inprimis vteretur in tormentorum magnitudine secundum proportionem constituenda, ipsorumque vi et effectū accurate augendo vel diminuendo, sit delatus, cum eiusmodi mechanica artificia ad vsum tantum comparata non magni faceret, ideoque scriptis seruanda non curaret, prorsus ignotum est.

Et si vero nec Euclidi nec Archimedi ita arripisse videtur de inueniendis duabus mediis proportionalibus problema, vt ipsius paulo accuratiori tractationi aliquantum temporis subsecuti impendissent: exstitit tamen mox satis magna et nobilis Geometrarum frequentia, qui maxime Mathematicos ad rerum humanarum vsus translatae studio, cum in ea nostri problematis solutione, quae, cum esset ad leges geometricas seuerè exacta, simul ad vitae humanae vsum commoda et facilis inueniretur, perficienda frustra ab antiquioribus labo-

laboratum esse cognoscerent, huius difficultatis sublatae gloriam adfectantes in hac palaestra sese exercere non sunt adspernati. Cum enim quae circa artem machinalem ipsiusque in efficiendis Geometriae propositionibus ab Archyta quidem et Eudoxo primum proposita, a Platone autem vehementer improbata, diu a philosophis despecta inter artes militares delituissent (vid. Plutarch. in Marcello, pag. 305 sq. tomi I, edit. Francof. 1620); ab Archimede (maxime desideriiis Hieronis regis satisfacturo) retractata et ad promouendas ut ceteras vitae humanae artes ita et bellicas, ipsarumque maxime eam partem, quae *βελοποικτικὴ* s. *ὀργανοποιικτικὴ* tractat, tam felici et mirabili successu essent collata: sequuti sunt mox plures, praecipue regum Ptolemaeorum *φιλοδόξων* et *φιλοτέχνων* fauore et liberalitate suffulti, qui Archimedis vestigia exprimentes, hasce artes mechanicas adhuc nouis inuentis locupletatas, accuratiori tractatione et in iustam disciplinae formam redactas scriptis mandarunt; quorumque in libris, qui de telis fabricandis agunt, huius problematis soluendi rationes nonnullae expositae leguntur. Pertinent huc, praeter *Apolonium* et *Eratosphenem*, qui, etsi proprie de machinis bellicis ipsos scripsisse non constat, vitae

tamen communis in vsum instrumentis accommodatas nostri problematis proposuerunt solutiones; maxime *Hero*, *Ctesibii* discipulus, et *Philo Byzantius*, de quorum soluendi rationibus deinceps singulatim videbimus.

CAP. XIII.

STVDIA HORVM TEMPORVM
MECHANICA.SVMMA CVBI DVPLICATIONIS IN
MACHINARVM BELLICARVM DOCTRINA
NECESSITAS.

Vt autem de Geometrarum et Mechanicorum huius aevi laboribus, quos cubo duplicando impenderunt, rectius paulo et accuratius iudicium haberi possit: et in animum reuocanda sunt, quae iam supra in Introductione de insigni problematis huius in rebus vitae communis vi et vsu omnino dicta sunt; et inprimis, quam singularem ipsius solutio in omni construendarum machinarum bellicarum doctrina vtilitatem et necessitatem habuerit, paulo prolixius declarandum; quemadmodum etiam de temporum istorum indole et conditione non nihil adhuc monendum superest.

Quod autem huic aetati maxime proprium et peculiare habendum est, cum, bellis ciuilibus

ab Alexandri Mæcedonis morte exortis, in communi illa terrarum vastatione et vexatione, litterae diu afflictæ, in Ptolemaeorum aula, vbitutum et augustum nactæ essent receptaculum, maiorem in modum reflorescerent, inprimisque Mathesis summo coleretur studio: nulla huius grauissimæ disciplinæ pars maiora tum habuisse incrementa, huiusque æui hominibus magis arrisisse videtur, quam, quæ fines, quibus Plato Mathemata circumscribi voluit, (vid. Plutarchi Sympos. lib. VIII, pag. 718. tomi 2 operum) transgressa, ad res naturales vitæque communis in usus conferri coepit atque adhiberi. Tractauit autem hæc, quæ vocata est *scientia machinalis* (τέχνη vel διαγία μηχανική ἢ ὀργανική) non solum vniuersales illas de motu doctrinas, quæ machinarum omnium constituunt principia et elementa; sed etiam omnem rem Aerariam, Aedificatoriam, Fabrillem, Pictoriam, omnesque et singulas, quæ manuum opera indigent, vitæ communis complexa est artes. Conf. Pappus in præfat. libri VIII, collect. math. Ad hanc igitur promouendam, perficiendamque cum plurima ex sola experientia essent constituenda, ideoque rerum multarum usus et experimenta non sine magnis sumptibus habenda requirerentur: liberalitate et munificentia ipsis adfuisse plane regia, peren-

perennis erit apud posteros Ptolemaeorum laus. Sic euenit, vt Alexandrina Mechanicorum schola reliquarum, quae tum adhuc in insula Rhodo, neonon Pergami in Attalorum aula flourerent, concertationibus facile euaserit princeps; quibus quidem concertationibus, cum ea Mechanices studia, quibus regnum et imperium essent adepti, prae ceteris adamasse et coluisse videantur reges, inprimis machinarum bellicarum doctrina, quae iam sub Alexandro Macedone et Demetrio Poliorcete tantis aucta erat incrementis, ad summam accreuit perfectionem. Quae autem ad hanc ipsius perfectionem adhuc vsque erant desiderata, spectarunt maxime ad machinarum exaedificandarum dimensiones, quod quidem ipsarum vim et effectum in proiiciendo telo certa et constante ratione constituere non possent. Illud quidem mox cognitum fuit, si machina esset exaedificanda, quae lapidem aut sagittam maiorem vel minorem, quam altera machina data, vsque ad eandem proiiceret metam: necesse esse, vt singulae ipsius partes secundum proportionem maiores vel minores constituerentur. Nec diu sagaciores Mechanicorum latuit, quod, cum causa telorum emittendorum proprie esset funis ille tortus (ὁ τὸνος), qui per rotundum in machinae capitulo foramen transiens totam ipsius capacitatem ex-

pleret, (ita vt et huius foraminis et illius funis fere eadem concipi posset diametrus *)) omnia essent reuocanda ad hocce in machinae capitulo foramen, ex quo, si fuerit constitutum, omnes reliquae machinae partes essent dimetiendae **).

Sed

*) Sic in receptiori arte tormentoria fere eadem constituitur globi calibra, quae est tormenti, quod globum eiacular.

**) Hocce granissimum construendarum machinarum praeceptum pulchre illustrat *Philo* (Veteres Mathematici edit. Theuenoti, pag. 50.) comparatione ipsius iussituta cum dicto, quod Polycletus statuarius de sua arte proferre solebat. Quemadmodum enim hic adfirmasset de statuis, quod in ipsis bene esset factum, paruo (i. e. parua aliqua re immutata) fieri omnibus numeris absolutum: similiter (sed potius contrarium) euenire monet *Philo* etiam in machinis bellicis, vt, cum iam essent fere omnibus numeris absolutae, paruo errore in aliqua machinae parte (veluti in foramine funis) commisso, magnum in consummatione existeret peccatum. ὥστε τὴν ὑπὸ πολυκλείτου τοῦ ἀνδριαντοπειοῦ ῥηθῆσκαν φωνὴν οἰκείαν εἶναι τῇ μέλλοντι λέγεσθαι· τὸ γὰρ εὖ παρὰ μικρὸν διὰ πολλῶν ἀριθμῶν εἴφῃ γίνεσθαι· τὸν αὐτὸν δὲ τρόπον καὶ ἐπὶ ταύτης τῆς τέχνης συμβαίνει, διὰ πολλῶν ἀριθμῶν συντελουμένων τῶν ἔργων, μικρὰν ἐν τοῖς κατὰ μέρος παράβασιν ποιησαμένους μεγάλας (subint.

Sed quam rationem habere deberet magnitudo foraminis ad pondus lapidis vel longitudinem sagittae emittendae, haec adhuc diu non potuit inueniri; quippe quae, ut res soli experientiae subiecta, posteaquam, quae antea admissa essent, inspicere, atque ex multis machinis augendo vel contrahendo foramine diuerfos ipsarum effectus experiri licuisset, certo demum et constante modo esset eruenda. Celebrantur autem Mechanici

int. παραβάσεως, vel legendum μέγα) συγκαταλειπόμεναι ἐπὶ πέρας αἰμάτημα. — Ceterum, ut huic de machinarum bellicarum dimensionibus doctrinae prolixius explicandae immoremur, quemadmodum etiam, ut ad vberius exponenda singularum machinarum (quarum infra mentio fiet) discrimina, quibus in Palintona, Euthytona cett. fuerint diuisa, digrediamur, a nobis hic nullo modo exigi potest. Conf. de tota hoc re prae aliis Silberschlagius V. Cel. in dissertatione de Vitruv. lib. X. cap. 15-18. in Annalibus Academiae Regiae Borussicae ad 1760, pag. 378 sqq. (Dissertation sur les trois principales Machines de guerre des Anciens etc.) quamvis capitibus illis Vitruvianis idonee explicandis, quemadmodum et omnino illi artis mechanicae veterum parti, quae de machinarum dimensionibus agit, prae ceteris imprimis neglectae et obscuratae, quatenus quidem fieri posset, illustrandas nequaquam satisfecisse habendus sit.

nici Alexandrini, qui primi, cum regum liberalitate maximum omnium rerum habuerint apparatus, hanc rem, cui tanquam principio et fundamento omnis machinarum bellicarum constructio prorsus inniteretur, ad certum elementum perduxerint; atque quidem apud ipsos ratio foraminis ita fuit constituta, ut in Balistis quidem ipsius diametrus tot fieret digitorum, quot elicerentur, si ex numero minarum lapidis mittendi centuplicato radix extraheretur cubica, addita insuper ipsius decima parte; in Catapultis autem et Scorpionibus, quantum habuerit longitudinis sagitta emittenda, ipsius nona pars diametro foraminis assignaretur. Necessesse igitur fuisse videmus, certe in Balistarum foramine constituyendo, ut numerorum radices extraherentur: unde vero difficultas sane non parua oriri debuit veteribus, qui, cum, quae in recentiori Arithmetice exhibentur varia computandi artificia, eorum prorsus rudes essent, vel leuissimas, ut hodie habentur, numerorum operationes non sine multo labore et per incertas ambages perficere aggressi sunt; quod mox pro comperto erit. Ni, qui celebratissimos Archimedis libros, Arithmeticon et Circuli Dimensionem obiter tantum perlustrauerit. Quod autem numeros radicales attinet, ad ipsos inueniendos nulla alia methodo
vete-

veteres vñ esse videntur, quam qua forte in meris tentaminibus et repetitis numerorum, quos ad radicales quam proxime accedere angurarentur, ad datum gradum euehendorum experimentis defudarent; vnde, quam parum accurate constitui potuerint, facile intelligitur, maxime cum, cuius eruenda esset radix, numerus incommensurabilis esset vel irrationalis. In numero, qui non sit quadratus, latus quadraticum plane non accurate inueniri posse, adfirmat Eutocius in comment. ad prop. 3 libri supradicti Archimedis de Circuli Dimensione; vbi etiam ab Herone in libro aliquo de Metricis (ἐν τοῖς Μετρικοῖς), quomodo oporteret latus inuenire, quod datum numerum quam proxime faceret, ostensum esse indicat *). Has igitur operosas et incertas numerorum operationes dum euitare cuperent, factum est, vt de illa foraminum per calculum inuentione in geometricam constructionem transferenda cogita-

*) Conf. quae de Arithmetice veterum monet Kaestnerus V. S. in libro, qui omni Mathematicorum choro gratissimus et exoptatissimus nouissime prodiit (*Geschichte der Künste und Wissenschaften seit Wiederherstellung derselben u. s. w. von einer Gesellschaft gelehrter Männer; siebente Abtheilung. Geschichte der Mathematik von Abrah. Gotth. Kästner, Göttingen, 1796.*) pag. 44 sq. et passim alibi.

cogitarent. Quod quidem ita perfecerunt, vt, posteaquam semel secundum methodum praedictam alicuius machinae foramen accurate fuisset inuentum, ex hoc cuiusuis alius machinae siue maioris siue minoris foramen geometricae, ope quidem nostri problematis soluti, constituendam proponerent. Contemplati enim sunt singularum machinarum foramina, tanquam cylindros similes, qui essent in ratione triplicata diametrorum basis suae (Euclid. elem. lib. XII, prop. 12); ita vt, quae inter diametrum foraminis machinae datae, et hanc diametrum toties auctam vel diminutam, quoties pondus teli ex machina exaedificanda emittendi superaret pondus teli, quod emitteret machina data, vel ab ipso superaretur, fuerit inuenta prior media continue proportionalis, hac constitueretur quaesita machinae exaedificandae diametrus.

Haec fere sunt, quae praemonenda habuimus. Clariora autem fient magisque perspicua ex iis, quae de Herone et Philone nobis iam sunt dicenda; vbi etiam, vt, quae exponendis suis mediarum proportionalium constructionibus de huius problematis vi et vsu praemunire inueniantur auctores isti mechanici, adhuc exhibeamus paucisque illustremus, necesse erit.

CAP. XIV.

HERO ALEXANDRINVS.

Videtur autem HERO ALEXANDRINVS non multo iunior Archimede, temporibus quidem Ptolemaei IV Philopatoris vixisse, e numero praestantissimorum Geometrarum et Mechanicorum, quibus cum Alexandria maxime inclaruit, praeter aliis insignis. Inuenitur autem plerumque cognominatus *Ctesibii*, subaudito videlicet, discipulus; quia nempe discipulus fuit Ctesibii Alexandrini, summi machinarum pneumaticarum et organorum hydraulicorum inuentoris, apud Vitruvium (lib. 7. praefat; lib. 9. cap. 9; lib. 10, cap. 12), Plinium (lib. 7. cap. 37) et Athenaeum Deipnosophistam (lib. 4 et lib. II) laudatissimi; a quo viro tanto cognomen ducere, non potuit non esse Heroni quam maxime gloriosum.

Huius praeceptoris excellentia propriique ingenii acumine et sollertia adiutus, cum mox magnos in sublimioribus illis doctrinis faceret progressus, maxime Archimedem, Geometrarum et Mecha-

Mechanicorum omnium principem, in cuius grauiſſimis et praeclariffimis inuentis mechanicis exponendis, illuſtrandis et adaugendis maxime verſarentur celebriorum Mathematicorum iſtius temporis plerique, ſequendum ſibi et imitandum propoſuit, ita vt illius veſtigia exprimendo inter eos, qui tum primi mechanicas inuentiones in ſeueriores diſciplinæ formam redactas tradere conati ſunt, primarium facile occupet locum. Praeter libros autem, quibus ad mathematicas diſciplinās ipſas harumque ſingulas partes perſiciendas, imprimis quoque ad Geometriae principia accuratius concinnanda, nouasque ſingulis propoſitionibus demonſtrationes inueniendas (qua ex parte apud Proclum ſaepius commemoratur; vid. Procl. in 1 Euclid. pag. 55, 85 et 111.) multum ſtudii et diligentiae contulit: praeſtantiffima ingenii ipſius monumenta habentur, quibus fere omnes et ſingulas artis machinalis diſciplinās illuſtrare aggreſſus eſt, quorum nonnulla adhuc ſeruata proſtant: τὰ πνευματικά (*Spirititalia*), τὰ αὐτόματοποιμητικά (*de automatorum fabrica*), τὰ βιλοποιμηκά ſive potius βιλοποιητικά (*de telorum fabrica*), atque denique τῆς χειροβαλλίſτρας κατασκευή καὶ ſυμμετρία (*de manubaliſtae conſtructione et meſura*), omnia in collectione vet. Mathematicorum Theuenoti, Pariſ. 1693 edita; plera-

pleraque vero temporis edacitate absumta apud scriptores antiquos passim tantum laudantur: veluti *περὶ τῶν ὑδρῶν αἰροσκοπειῶν* (*de aëuariis horologiis*; ap. Pappum in coll. math. lib. VIII, præf; ap. Proclum in Astronôm. Hypotypof. Bas. 1540, pag. 42; et ap. ipsam Heronem in Spirituâlim limine), *περὶ ζυγίων* (*de stateris*; ap. Pappum l. l.), *περὶ πορνικῶν* (*de fornicatis parietibus*; ap. Eutocium in com. in Arch. de sph. et cyl. lib. II prop. 2, pag. 143), *τὸ βαρευνλχόν* (scil. ὄργανον, *de trahendis oneribus*; ap. Pappum in coll. math. lib. VIII, prop. 10, et ap. Tzetzen, Chil. II, hist. 35), *περὶ τροχιωδῶν* (*de rotulis*; ap. Pappum l. modo l.); quibus denique ipsius *μετρικά*, ab Eutocio in com. in Arch. de circuli dimens. citata, cum etiam res ad Mechanicæ pertinentes tractasse videantur, adhuc adnumerari possunt. Absolutissimum autem et nobilissimum celebratur Heronis opus, (quod temporis iniuria et librariorum negligentia pessime mulctatum et deprauatum fuisse iam luget Pappus post prop. 24, lib. VIII, coll. math. pag. 482), quo vniuersalem Mechanicæ doctrinam Archimædea prorsus subtilitate et sollertia complexus esse perhibetur, inprimisque de quinque mechanicis facultatibus, quas machinarum fere omnium constituunt principia et elementa, videlicet de Axe, quem dicunt in Peritrochio, de Vecte,

de Polyſtaſto, de Cuneo, et de Cochlea, quae appellatur infinita, expoſitionem exhibuiſſe accuratorem. Inſcriptus fuit hic liber μηχανικαὶ ἐκ-
 σαγωγαὶ (*mechanicae inſtitutiones*) et in plura vo-
 lumina digeſtus, quod certe docet tertii apud
 Pappum (pag. 488) commemoratio; qui quidem
 ex ipſo fere omnia decerpſiſſe habendus eſt, quae
 ad hanc rem pertinentia octavo collectionum ma-
 thematicarum libro adiecit.

In hoc igitur opere etiam expoſita fuit dua-
 rum mediarum proportionalium organice inue-
 niendarum, quae ab Herone excogitata eſt, ratio;
 vnde ipſam maxime deſcripſiſſe videtur Eutocius
 ad Arch. de ſph. et cyl. l. I. (pag. 136), quamvis
 etiam Heronis βιλοπομπικὰ, quae ſit ſecutus,
 ibi laudet.

Quod vero ad hunc βιλοπομπικῶν librum
 attinet, cum ipſi adhuc ſervato illa Heronis in-
 veniendarum mediarum proportionalium ratio ad
 calcem adtexta legatur: reſtat, ut iam de hoc
 quaedam dicamus. Agit autem in ipſo Hero no-
 ſter omnino de telis, ipſorumque emittendorum
 machinis; quarum quodam diſcrimine antea con-
 ſtituto, quo in ἐνθύτονα, quae ſagittas tantum
 emittant, et παλίντονα, quae vel lapides, vel ſa-
 gitas ſimul et lapides eiaculentur, diſpeſcuntur:
 in

in harum machinarum, et quae in ipsis adhibentur, instrumentorum singulorum fabricatione et dispositione, non modo summatim, sed et per partes describenda versatur; atque sub finem libri, de vniuscuiusque usu et dimensionibus expositionem adhuc adiungit. De hac igitur dimensionum doctrina, cum, quae ad ipsam spectent, iam supra summatim sint explicata, non prolixo commentario indigebunt, quae profert ibi Hero, quaeque ad grauissimum, quem sectati sunt veteres Mechanici, nostri problematis soluti usum adhuc magis declarandum hic subicere non pigebit. Postquam autem omnem illam de machinarum dimensionibus praescriptionem prorsus ab experientia emanasse, atque quidem in ipsis omnia ad diametrum foraminis tonum suscipientis redire docuit, cuius quidem constituendae eas tradit methodos, quas iam supra exposuimus; ut quidem in Palintonis, si numerus minarum eius, qui mittendus sit, lapidis centuplicetur, resultantis numeri cubicum latus inueniatur, eique inuento decima pars addatur, totidem digitorum constituenda sit foraminis diameter; in Euthytonis vero, quantum habeat longitudinis telum emittendum, ipsius nona pars diametro foraminis adsignetur: de Palintonis, ut etiam de Euthytonis, exemplum adfert, quo, cum, qui centuplicando lapidis pon-

dere eliciatur, numerus sit cubus rationalem habens radicem, secundum illam methodum per calculum res sine difficultate perficitur. Quibus igitur explicatis, etiam fieri posse, monet, ut, data unius machinae foraminis diametro, etiam aliarum machinarum *) (quamlibet datam rationem ad illam habentium) diametri foraminum inveniuntur, idque *per cubi duplicationem*. "Possunt, pergit, data quavis machina concinne fabricata, secundum illam aliae confici, hoc quidem pacto:"

"Sit datae machinae diametrus AB; oporteat autem ex hac aliam machinam construere, quae telum v. c. triplo maius eiaculetur, quam machina praedicta. Quoniam igitur tonus causa est emittendi lapidis, oportebit [tonum] in ea, quae construenda est, machina triplicatam habere rationem ad illum, cuius diametrus est AB. Non igitur quolibet [temere facto] foramine [conficietur machina illa], sed eo, quod habeat altitudinem analogam foramini toni [machinae praedictae]; ita ut cylindri, qui ex tonis consti-

„tuantur,

*) τῶν λιθοβόλων ὀργάνων addit Hero. In Euthytonis enim, cum methodus constituendi foraminis non illas difficiles numerorum operationes supponeret, ut ad geometricam constructionem confugerent, forsam non necesse habuit.

„tuantur, similes sint *). Quoniam igitur simi-
 „les cylindre inter se comparati habent triplica-

G 3

„tam

- *) Totum hunc Heronis locum satis mutilatum ita fere refingendum esse censeo: ἐπει οὖν αἷτιος ἐστὶν ὁ τόνος τῆς τοῦ λίθου ἐξαποστολῆς, δεῖσαι ἄρα (scil. ὁ τόνος) (κατὰ) τὸ μέλλον συνίστασθαι ὄργανον τριπλασίονα λόγον ἔχειν (πρὸς τὸν τοῦ προειρημένου ὀργάνου τόνου), οὗ ἡ διάμετρος ἐστὶν AB· οὐκ ἐν τυχόντι δὲ τρήματι (subint. κατασκευάσται τὸ ὄργανον βέλλον τριπλάσιον βέλος τοῦ προειρημένου), ἀλλ' ἀνάλογον ἔχοντι τὸ ὕψος τοῦ τόνου τῷ τρήματι· ὥστε γίνεσθαι τοὺς κύλινδρους ὁμοίους τοὺς ἐκ τῶν τόνων γινομένους. ἐπει οὖν ὅμοιοι κύλινδροι πρὸς ἀλλήλους ἐν τριπλασίονι λόγῳ εἰσὶ τῶν ἐν ταῖς βύσσεσι διαμέτρων cett. Quorum quidem verborum sensus est constituendus fere hic: Si construenda est machina, quae eiaculetur telum triplo maius, quam machina data, cum proprie omnia ad tonum redeant, cuius vi tela emittantur: vt hic tonus quoque triplicatam habeat rationem ad tonum machinae datae, necesse est. Quoniam igitur, (cum tonorum et foraminum, quorum capacitas tonis tota expleatur, diametri fere prorsus aequales concipiantur; quemadmodum iam supra monitum est) etiam non quoduis foramen machinae illi construendae adaptandum est, sed tale, quod habeat altitudinem analogam foramini machinae datae: qui ita constituuntur ex foraminibus vel ex tonis cylindri secundum definit.

„tam rationem eius, quam habent diametri ba-
 „sium: intelligatur iam inuenta esse quæsitæ fo-
 „raminis diametrus $\Gamma\Delta$. Itaque qui ex $\Gamma\Delta$ fit
 „cylindrus ad cylindrum ex $A'B$ triplicatam ha-
 „bebit rationem eius, quam habet $\Gamma\Delta$ ad AB .
 „Fiat autem $AB : \Gamma\Delta = \Gamma\Delta : EZ = EZ : H\Theta$. Ha-
 „bebit igitur $H\Theta$ ad AB triplicatam rationem
 „eius, quam habet $\Gamma\Delta$ ad AB ; ideoque erit cy-
 „lindrus ex $\Gamma\Delta$: Cylindr. ex $AB = H\Theta : AB$.
 „Sed ponitur cylindrus ex AB esse tertia pars cy-
 „lindri ex $\Gamma\Delta$. Quare etiam AB tertia pars est
 „ipsius $H\Theta$. Data est autem AB ; ergo et ipsa
 „ $H\Theta$; et sunt duarum AB , $H\Theta$ duæ mediae pro-
 „portionales $\Gamma\Delta$, EZ . Data est igitur $\Gamma\Delta$. —
 „Oportebit igitur in organica constructione su-
 „mere $H\Theta$ triplam ipsius AB , eo quod telum
 „[machinae construendæ] sit triplum teli [machi-
 „nae datae], atque inter AB , $H\Theta$ duas medias
 „propor-

finit. 24 lib. XI. elem. Euclid. erunt similes. Vnde
 cum ex prop. 12 lib. XII. elem. Eucl. similes cylin-
 dri habeant triplicatam rationem eius, quam ha-
 beant diametri basium: diametrus machinae con-
 struendæ ita comparata esse debet, vt, quam ad
 diametrum machinae datae habeat rationem, eius
 triplicatam habeat, qui foraminemachinae constru-
 endæ constituatur cylindrus ad cylindrum foramine
 machinae datae constitutum.

„proportionales inuenire, ipsas quidem $\Gamma\Delta$, EZ ;
 „et erit $\Gamma\Delta$ quaesiti foraminis diametrus.”

Quibus ita declaratis, ad exponendam nostri
 problematis soluendi rationem deuenit, his quid-
 dem verbis:

“Quo pacto autem inter datas duas rectas
 „duae mediae proportionales inueniendae sint,
 „deinceps dicemus.”

* * *

Sint datae duae rectae AB , BF ad an- Fig. 7
 gulos rectos inter se constitutae, quarum
 oporteat duas medias proportionales inue-
 nire. Compleatur rectangulum $AB\Gamma\Delta$,
 producanturque $\Delta\Gamma$, ΔA . Tum applicetur
 ad punctum B regula secans illas rectas
 productas. Moueatur autem haec regula
 circa punctum B , donec, quae a puncto E
 [quod constituitur intersectione ductarum
 diametrorum $A\Gamma$, $B\Delta$] vsque ad ipsas se-
 ctiones iungantur rectae, sint aequales.
 [Quo facto] nacta iam sit regula situm,
 qualem habet recta ZBH ; aequales autem
 duae rectae sint EZ , EH . Dico ipsarum
 AB , BF rectarum medias proportionales
 esse AZ , ΓH ; atque quidem, si ipsarum

prima sit AB, erit secunda AZ, tertia GH, et quarta BG.

Quoniam enim aequalis est AE ipsi ED, et ducta est EZ, [cum enim, si in triangulo aequicruro AED ex puncto E dimittatur recta EO, in duas aequales partes secans angulum AED, ex prop. 10 lib. I, Eucl. AO aequalis sit ipsi OD; erit ex prop. 6 lib. II, Eucl. Rectang. $\triangle ZAO \equiv$ Quadr. $OA =$ Quadr. OZ ; ideoque, si utraque addatur Quadr. EO , fiet Rectang. $\triangle ZAO \equiv$ Quadr. $OA \equiv$ Quadr. $EO =$ Quadr. $OZ \equiv$ Quadr. EO ; unde, cum sit ex prop. 47 lib. I. Eucl. Quadr. $OA \equiv$ Quadr. $EO =$ Quadr. AE, et Quadr. $OZ \equiv$ Quadr. $EO =$ Quadr. EZ] erit Rectang. $\triangle ZAO \equiv$ Quadr. AE = Quadr. EZ; atque ex eadem ratione erit Rectang. $\triangle HGF \equiv$ Quadr. GE = Quadr. EH. Est autem AE = GE, et EZ = EH; quare et Rectang. $\triangle ZAO =$ Rectang. $\triangle HGF$. Est igitur [ex prop. 16. lib. VI, Eucl.] $HA : \triangle Z = AZ : GH$. Sed [ex prop. 2. lib. VI, Eucl.] $HA : \triangle Z = AB : AZ = HG : BG$. Itaque erit $AB : AZ = AZ : GH = GH : BG$. Duae igitur mediae proportionales inter AB, BG sunt AZ, GH.

Est haec illa, qualis in ipso *βελονομητικῶν* libro legitur, *Heronis* Alexandrini duarum mediarum proportionalium inueniendarum ratio; quam etiam descripserunt Pappus in coll. math. lib. III. prop. 5 (pag. 9 seq.), et Eutocius ad Archimed. de sph. et cyl. lib. II, prop. 2. (pag. 136); alter quidem quam accuratissime ad ipsa prorsus auctoris verba, alter vero paulo prolixius, nonnullis adhuc illustrandi causa, vel ab ipso interpositis, vel ex illo *Heronis μηχανικῶν εισαγωγῶν* libro, quem etiam ante oculos habuit, petitis. Inuenitur autem itidem exposita in quodam Philoponi commentarior. in Aristotelis analyt. post. codice, cuius lectiones variantes ad calcem editionis Aldinae, Venet. 1534 exhibentur (fol. 118), ubi vero testimonio Parmenionis Apollonio Pergaeo, de quo mox dicemus, vindicatur.

Ceterum quod ad huius solutionis indolem attinet, cum Heroni probe esset perspectum, hocce problema solidum esse, ideoque ad perfectam ipsius solutionem linearum curvarum circulo altiorum descriptionem requiri: nihil aliud ipsi propositum fuisse apparet, quam ut per instrumenta mediarum continue proportionalium constructionem satis facilem et commodam, Mechanicorum vñibus inferuentem, doceret. Patet

hoc ex Pappo pag. 7, et pag. 9, vbi ipsa Heronis verba citantur: *quoniam problema solidum est, exponemus demonstrationem ad manuum operationes maxime accommodatam.* Quare etiam, cum in ista solutione omnia redeant ad lineam rectam ZBH, quo minus per punctum B ita describatur, vt, quae faciat cum rectanguli lateribus productis intersectionum puncta Z, H, a centro E aequidistant: Hero, apud Eutocium quidem, clauum aliquem ligneum puncto B infigendum proponere legitur, circa quem regula vsque eo moueatur, donec rectas EZ, EH ex puncto E ductas absciderit aequales.

Haec igitur haecenus de illo, qui inter Geometras et Mechanicos Alexandrinos ingenio et meritis tantopere eminuit, *Herone Ctesibii*, ipsiusque studiis in problema nostrum collatis.

CAP. XV.

PHILO BYZANTINVS.

Laudatissimis illis Mechanicis Alexandrinis adnumerandus est quoque PHILO, qui, patria quidem *Byzantinus*, artis mechanicae excolendae studio diu in Aegypto peregrinatus, Mechanicorum, qui tum ibi florerent, institutione et disciplina prorsus est imbutus. Videtur autem discipulis Ctesibii, vel etiam Ctesibio ipsi auditor adfuisse; quemadmodum in nonnullis libri sui de telorum constructione locis, vbi de machinis bellieis solertia Ctesibii excogitatis agit (vid. vet. Math. collect. Theuenoti, pag. 68 et 72; conf. etiam pag. 77.), non obscure innuit. Quare ipsius aetatem perperam constituunt ii, qui ipsum Demetrii Phalerei aequalem fuisse volunt, (vid. eadem vet. Math. collect. pag. XI; et Fabricii Bibl. Graeca, edit. Harlesii, Vol. IV pag. 231) testimonio Vitruuii in libri VII praefatione, (pag. 125 edit. Ioa. de Laet) innitentes, Philonem quidem nostrum Byzantinum inter auctores, qui de machinationibus scripserint, ibi laudantis, a quo
vero

vero alter Philo, Architectus, cuius quoque ibidem (pag. 125 et 126) mentio fit, et qui de aedium sacrarum symmetriis et de armamentario in Piraei portu scripsisse, atque, cum Dêmetrius Phalereus Athenis rerum potiretur, templum Eleusinae Cereris et Proserpinae ab Ictino aedificatum, ante ipsum in fronte columnis constitutis, Prostylon fecisse legitur, sedulo est discernendus.

Perhibetur autem noster Philo, tum gravissima quaeque Mechanices rationalis capita (vid. Pappi coll. math. lib. VIII, prop. 10, pag. 461, et post prop. 24, pag. 482), tum et inprimis eius ad vitae communis res translatae singulas partes commentariis illustrasse; atque quidem ex quodam opere ipsius maiori, ad Aristonem quendam scripto, existant adhuc servati liber quartus atque quintus, vterque in collect. vet. Math. Thevenoti, Par. 1693, pag. 43 - 107 editus. Exponit autem Philo in libro quarto, quem *βελτοποιικὰ* sive *ὄργανοποιικὰ* inscripsit, de machinis bellicis, maxime catapultis balistisque, atque de ipsis ad maiorem perfectionem construendis praecepta dat, insignium sollertiusque excogitatarum machinarum aliquot descriptiones simul adiungens; in libro autem quinto de modo construendi turrea, muros, fossas et valla, et de reliquis
omni-

omnibus, quae ad obsidionem vtrique sint necessaria, praeparandis. Ceterum reliquorum huius operis librorum, qui temporis quidem iniuria prorsus interiere, singuli adhuc passim ab ipso Philone citati inveniuntur (vid. pag. 59, 61, 77, 102 et 103); atque nimirum statim in fronte libri quarti (pag. 52) mentio fit etiam libri primi, in quo exposita fuisse peculiaris aliqua cubi duplicandi ratio indicatur, quam ibi paucis repetitam exhibere non est adspernatus. Sed priusquam ad hanc Philonis rationem describendam accedamus, ut, quemadmodum etiam supra apud Heronem fecimus, de ipsius methodo in constituenda foraminis diametro, cum, quae hac de re apud Philonem legantur, ab omni fere idonea illustratione plurimis aliena visa sint, antea dispiciamus, necesse est.

Posteaquam autem huic libro nonnulla pulchre praefatus est, quae ad historiam illius de machinarum bellicarum dimensionibus doctrinae maxime pertinent: transit nunc ad exponendam, quam ab artificibus Alexandrinis nec non Rhodiensibus edoctus ut perfectissimam amplexus sit constituendae balistarum diametri methodum, quam vero ita enunciat: τὸ τοῦ λίθου βάρος, πρὸς δὲ δὲν τὸ ὄργανον σφαιρῆσθαι, εἰς μονάδας (δύ)

ἀγά-

ἀγάγῃ, καὶ τοῦ συναχθέντος πλήθους ἐκ τῶν μονάδων (γίνοιτο) ἡ πλευρά· τοσούτων δακτύλων τὴν τοῦ τρήματος διάμετρον (δεῖ) ποιεῖν, προσθέντας καὶ τὸ δέκατον μέρος τῆς εὐρηθείσης πλευρᾶς. *Pondus lapidis, ad quem construenda est machina, ad unitates reducere oportet, et multitudinis ex unitatibus collectae latus fiat: totidem digitorum facere oportet diametrum foraminis, addita adhuc decima parte lateris eius, quod fuerit inuentum.* Videre igitur licet hanc Philonis methodum cum illa Heronis, de qua supra vidimus, plane conspirare. Verbis enim τὸ τοῦ λίθου βάρος εἰς μονάδας ἀγάγῃ, *pondus lapidis ad unitates reducere*, nihil aliud significari potest, quam pondus lapidis ad drachmas constituere; quod, cum mina in centum drachmas fuerit diuisa, plane idem est, ac si Hero numerum minarum centuplicare praecipiat. Conueniunt etiam huic sententiae exempla, quae de diuersis singulorum lapidum emittendorum ponderibus ad illustrandam suam methodum apposuit Philo; quamuis inueniantur ipsorum plurima, ob eruendorum quidem numerorum radicalium et omnino tractandorum irrationalium difficultatem veteribus penitus inuictam, non quam accuratissime esse constituta, sed potius ita, vt tantum propemodum ad veras rationes accedant: quod etiam praemonere non neglexit, his quidem verbis:

bis: ἰὰν δὲ μὴ ἔχη ῥητὴν τὴν πλευρὰν τὸ βάρος, ὡς ἔγγιστα (δεῖ) λαμβάνειν καὶ ἰὰν μὲν ὑπεράγῃ, τὸ δίκαιον μέρος ἑλαττόν (δεῖ) πυρᾶσθαι, (ὥς τε εἶναι) τὸ (pro αὐτὸ) ὡς ἔγγιστα τῷ κατὰ λόγον ἰὰν δὲ προσλείπῃ, προστιθέντα τὸ δίκαιον (δεῖ) προσαναπληροῦν. Quorum verborum sensus est fere hic: Si qui ex lapidis pondere ad unitates reducto efficiatur numerus, non habuerit latus rationale, sumendum est id, quod proxime accedit; et, si, qui ita eliciatur numerus, latus quaesitum excefferit, quae ipsi adhuc addenda est decima pars, tentando diminui debet, ita ut ad numerum proportionalem quam proxime accedat; si vero, qui eruatur numerus, iusto latere minor sit, quae ipsi adhuc addenda est decima pars, adaugeri debet. Quibus praemissis, quae pro nonnullis lapidum ponderibus constituendae diametri adfert exempla, ita leguntur: τοῦ μὲν δικαμναίου (ὄντος τοῦ λίθου, ἡ διάμετρος τοῦ τρῆματος ἐστὶ) δακτύλων ια'. τοῦ δὲ πιντικαδικαμναίου, δακτύλων ιβ', ἡμίους καὶ τέταρτον τοῦ δὲ εἰκοταμναίου, δακτύλων δικάμισσάρων, ἡμίους καὶ τέταρτον τοῦ δὲ τριακονταμναίου, δακτύλων ιε', δ. τοῦ δὲ πιντηκονταμναίου, δακτύλων ιθ', καὶ τέταρτον ἡμίους τέταρτον τοῦ δὲ ταλαντιαίου, δακτύλων κα'. τοῦ δὲ πιντημιταλαντιαίου, δακτύλων κί'. τοῦ δὲ τριταλαντιαίου, δακτύλων κζ'. Si qui-

dem

dem fuerit lapis 10 minarum pondo, diameter foraminis fiat digitorum 11; si vero fuerit lapis minarum 15, diameter foraminis fiat digitorum $12\frac{3}{4}$; si minarum 20, diameter foraminis digitorum $14\frac{3}{4}$; si minarum 30, diameter foraminis digitorum $15\frac{3}{4}$; si minarum 50, diameter foraminis digitorum $19\frac{1}{2}$; si vero ponderis talentaris, diameter foraminis digitorum 21; si vero duorum talentorum et dimidii, diameter foraminis digitorum 25; si denique trium talentorum, diameter foraminis digitorum 27.

Quae quidem, vt a Philone exhibentur, diametri, si accuratiori calculo fuerint examinatae, maiores paulo vel minores fieri inuenientur; v. g. in lapide 15 minarum diameter foraminis fiet proprie digitorum 12, 56.... Est enim $15 \cdot 100 = 1500$; et $\sqrt{1500} = 118,42...$, cuius decima pars = 1, 14... si addatur, elicietur diameter foraminis digitorum 12, 56... quae est paulo minor, quam qualis a Philone proponitur. Similiter eueniet etiam in reliquis; e quibus tamen posteriores ab accuratiori computatione iam multo magis alienae apparent. Quare, cum, vt plurima nostri auctoris sint luxata et mutilata, sic in hoc loco a librariis inprimis quoad numeros, quos modo integris verbis exprimerent, modo rursus litterarum tantum figuris declararent, nonnulla

peccata

peccata esse, fere in comperto sit: admittendas esse forsan quasdam ipsorum emendationes opinamur, quas hic paucis indicare conati sumus. Concinnandum esset igitur statim (cum accuratiori computatione, quae eliciatur machinae lapidem 20 minarum eiaculantis diametrus foraminis, sit digitorum 13, 84...) τοῦ δὲ εἰκοσάμναίου, δακτύλων δικάτριων, ἡμίσεως καὶ τετάρτου pro δικάτισσάρον, ἡμίσεως καὶ τετάρτου, vel retinendum tantum δικάτισσάρον, ceteris transponendo additis sequenti potius machinae 30 minarum lapidem eiaculantis diametro, ita ut haec (cum proprie esse debeat digitorum 15, 86...) legatur δακτύλων ιε', ἡμίσεως καὶ τετάρτου, pro δακτύλον ιε' δ. Tum reponatur, (cum machina 50 minarum lapidem emittens proprie habeat diametrum foraminis digitorum 18, 79...) τοῦ δὲ πεντηκονταμαίου δακτύλων ιη', ἡμίσεως καὶ τετάρτου pro ιθ' καὶ τέταρτον ἡμίσεως τετάρτου. Potuit enim, cum forte aliquis quod praecedentis diametri numero ιε' adiectum est δ in margine per καὶ τέταρτον explicasset, hoc postea in textum esse receptum, atque huic quidem diametro adpositum. Reliqua denique ita erunt refingenda: τοῦ δὲ ταλαντιαίου, (cuius diametrus, cum talentum sit 60 minarum, accuratius constituitur digitorum 19, 98...) δακτύλων κ' (abiecto α) τοῦ

δι πεντημεταλαντιαίου, (cuius diameter inuenitur proprie digitorum 27, 12...) δακτύλων κζ'. τοῦ δι τριταλαντιαίου (cuius diameter est proprie digitorum 28, 82...), δακτύλων κθ'.

Sed omnes has emendationes, cum summae Arithmetices veterum imperfectioni (cuius tam insigne documentum exhibet totus hic locus), atque ipsius Philonis in computando forsan non admodum versati erroribus quid tribuendum sit, non certo definiri possit, non absolutam assequi fidem, sed ex probabilitate quadam tantum aestimari posse, ingenuè fatendum est.

Ceterum cum, ob imperfectam illam Arithmetices indolem, secundum istam methodum, nec satis facile, nec accurate constitui posse plurimarum diametrorum rationes, Philo ipse probe intelligeret: si vnus saltem machinae diameter, cum, qui ex lapidis pondere multiplicando efficeretur numerus, habuerit latus rationale, accurate fuerit constituta, reliquarum machinarum diametros geometricis potius constructionibus inueniendas esse commendauit. *Possunt autem, (sic enim pergit) ubi ab uno numero, qui minimus est supradictorum, id est, a decem minarum lapide, diametrum ratione praedicta construxeris, reliquae (i. e. reliquarum machinarum) diametri etiam organice construi, per cubi*

*cubi quidem duplicationem; - - - quando quidem lapidis decem minarum diametrus perfecta est numeris, qui sunt in latere cubico; decem enim (minae) faciunt (si centuplicentur) millia, quorum fiunt lateris decem digiti, et decima parte addita, undecim. Quare (quod ad supplendam Philonis sententiam adhuc est adiungendum) ob haec numeri quidem denarii commoda, ista ratio diametri foraminis ad pondus decem minarum lapidis emittendi inprimis idonea est, ad quam in reliquis machinis rationes diametrorum constituentur. Verba autem ipsa graeca Philonis, satis obscura, atque interpreti latino minime intellecta, (pag. 51 et 52. vet. Math. edit. Theuenoti) ita leguntur: ἔστι δὲ καὶ ἀφ' ἑνὸς ἀριθμοῦ τῶν εἰρημένων τοῦ ἐλαχίστου συστησάμενον τὴν διάμετρον τοῖς εἰρημένοις *), λέγω δὲ τοῦ δεκαμναίου, τὰς λοιπὰς συνίστασθαι διαμέτρους ὀργανικῶς, κατὰ τὸν τοῦ κύβου δι-*

H 2

πλα-

*) τοῖς εἰρημένοις, pro ἐν τοῖς εἰρημένοις τρόποις siue μεθόδοις. si accipiatur, vertendum est: ratione praedicta. Alias leui verborum transpositione admissa ad ea, quae sequuntur, videtur referendum esse. ἔστι δὲ - - - συστησάμενον τὴν διάμετρον, λέγω δὲ τοῦ δεκαμναίου, τοῖς εἰρημένοις τὰς λοιπὰς συνίστασθαι διαμέτρους etc. Possunt autem, ubi - - - construxeris, etiam ab reliquis supradictis (numeris) diametri construi etc.

πλασιασμέν, αἷς ἐν τῷ πρώτῳ βιβλίῳ δηλωσάμεν, καὶ νῦν δὲ οὐκ ὀκνήσομεν ὑπογράψαι. ἐπεὶ γὰρ ἡ τοῦ δεκαμναίου διάμετρος ἐστὶν ἀπαρτιζομένη τοῖς ἑριθμοῖς τοῖς κατὰ τὴν κυβικὴν πλευρὰν *)· τὰ γὰρ δεκάκις χίλια **), ὧν γίνονται τῆς πλευρᾶς δάκτυλοι δέκα, τοῦ δεκάτου προστεθέντος ια'.

Quae autem hic sequitur inueniendarum mediarum proportionalium ratio, cum, vt monet, iam in libro primo sit ostensa, inde repetita, atque, vt videtur, quasi in compendium redacta, pauloque obscurius exposita legitur, omni ipsius demonstratione etiam omissa; quare qualem hanc Philonis nostri solutionem accuratius et prolixius exhibet Eutocius ad Arch. de sph. et cyl. I. I. (pag. 136 sq.) exponere maluimus; qua praemissa illam ex libro quarto Philonis constructionem (ne,
 fi

*) διάμετρος ἀπαρτιζομένη τοῖς ἑριθμοῖς τοῖς κατὰ τὴν κυβικὴν πλευρὰν, *diameter, quatenus quidem constituitur inuento latere cubico, numerus par est, ideoque adhuc in integros numeros diuisibilis. Conf. Euclid. lib. VII. in deff.*

**) τὰ γὰρ δεκάκις χίλια. *Construendum est: τὰ γὰρ δεκάκις (scil. τῶν μῶν ποιοῦσι) χίλια, i. e. decem minae faciunt (si centuplicentur) millia; nisi forte potius refingendum videatur τὰ γὰρ δέκα (scil. τῶν μῶν) εἴσι (siue ἐστὶ) χίλια.*

si qui eam ex ipso Philone cognoscere velint; istius loci obscuritate et corruptelis amplius offendantur) restitam atque restituta, quae ad ipsam pertinet, figura illustratam adhuc subiiciemus.

* * *

Sint datae duae rectae AB , $B\Gamma$, quas in Fig. 8, ter duas proportionales medias inuenire oporteat. Ponantur ita, vt rectum angulum, qui sit ad punctum B , comprehendant; ac iuncta $A\Gamma$, describatur circa ipsam semicirculus $ABE\Gamma$, et ducatur ad angulos rectos, ipsi quidem BA , $A\Delta$, ipsi vero $B\Gamma$, ΓZ . Admoueatur autem ad punctum B regula, abscindens rectas $A\Delta$, ΓZ ; eademque moueatur circa punctum B vsque eo, donec, quae a puncto B ad Δ iungatur recta, aequalis fiat rectae a puncto E ad Z iungendae, h. e. illi, quae inter circumferentiam circuli et ΓZ interiiciatur. Intelligatur igitur regula obtinuisse situm, qualem habet ΔBEZ , vbi primum fuerit, vt dictum est, ΔB ipsi EZ aequalis. Dico, rectas $A\Delta$, ΓZ medias proportionales esse inter AB , $B\Gamma$.

Intelligentur enim productae esse rectae ΔA , $Z\Gamma$, et in puncto Θ concurrisse. Ma-

H 3

nife-

nifestum utique est, cum BA , $Z\Theta$ parallelæ sint, angulum, qui ad punctum Θ est, rectum esse: ideoque fore ut, si circulus AEE compleatur, per punctum Θ transeat [ex Eucl. elem. lib. III, prop. 31.]. Quoniam igitur $\Delta B = EZ$, etiam Rectang. $E\Delta B =$ Rectang. BZE . Est autem Rectang. $E\Delta B =$ Rectang. $\Theta\Delta A$. Vtrumque enim aequale est quadrato, quod fit ex recta, quæ a puncto Δ demissa circumulum contingit [ex Eucl. III, prop. 36.]. Est vero etiam Rectang. $BZE =$ Rectang. $\Theta Z\Gamma$; vtrumque enim pariter quadrato aequale est, quod fit ex recta, quæ a puncto Z demissa circumulum contingit. Itaque est quoque Rectang. $\Theta\Delta A =$ Rectang. $\Theta Z\Gamma$; et propterea $\Delta\Theta : \Theta Z = \Gamma Z : \Delta A$ [ex Eucl. lib. VI, prop. 14.]. Sed $\Theta\Delta : \Theta Z = B\Gamma : \Gamma Z = \Delta A : AB$ [ex Eucl. lib. VI, prop. 2.]. In triangulo $\Delta\Theta Z$ enim ducta est alteri quidem lateri $\Delta\Theta$ parallela $B\Gamma$, alteri vero ΘZ , BA . Est igitur [ex Eucl. lib. V, prop. 11.] $B\Gamma : Z\Gamma = \Gamma Z : \Delta A = \Delta A : AB$; quod demonstrandum proponebatur.

* * *

Haec igitur est illa qualis ab Eutocio descripta est *Philonis* solutio. Locus autem ipse libri

libri quarti Philonis, in quo eadem admodum breuiter exposita inuenitur, et qui locum illum Philonis supra illustratum statim excipit, (in edit. Theuenoti, pag. 52.) ita se habet:

Sit quaedam linea recta data diametri, A sci- Fig. 9.
licet *), cuius verbi gratia duplam potestate **)

H 4

inue-

*) Est in hoc Philonis loco illud insigne, quod vna eademque linea diuersimode denotetur, modo per vnā tantum litteram adpositam, modo per duas litteras lineae punctis extremis adscriptas. Sic per litteram A designatur linea EZ, per litteram B linea EH, et per litteram Γ linea HF. Littera autem K denotat et lineam EΘ, et punctum, in quo haec linea in duas partes aequales diuisa est. Praeterea angulo EZH superscripta est littera Z, eademque littera superscripta est adhuc alteri puncto, in quo quidem recta, quae a Γ ad Δ ducitur, circumferentiam primum secat; vbi tamen ipsam, ne error oriatur, asterisco distinximus. Cum autem vtrumque hoc punctum Z in vna eademque recta ΓΔ positum sit, et ipsa denique regula ΓΔ per litteram Z designata inuenitur.

**) *εὐραῖν διπλασίονα δύναμις*, inuenire duplam potestate, nihil aliud significare potest, quam inuenire lineam talem, ex qua qui construat cubus, sit duplum cubi eius, qui ex linea data A fuerit constructus. Memorabilis autem est, qui ex hoc loco comprobatur vocabuli *δύναμις* vsus, quo etiam poten-

inuenire oporteat. Illius igitur duplam posui *) illi ad angulos rectos, ipsam quidem B; et ab extremitate lineae B proiecici ad angulos rectos aliam Γ interminatam; et deduxi ab angulo, super quo est Θ , rectam K, et diuisi ipsam in duas partes aequales; et sit punctum diuidens in K. Centro igitur vsus K, interuallo autem $K\Theta$, descripsi semicirculum, qui transit etiam per angulum Z. Et sumpta regula coniungo [puncta quidem Δ , Γ] sectis ambabus lineis [ΔE scilicet et $\Theta\Gamma$] et ser-
uata simul vna regulae parte supra angulum, cui superscriptum est Z. Sit autem regula, cui superpositum est Z. Circumducatur igitur regula, ser-
uata ipsius vna parte angulum contingente, eo vsque, donec ea regulae pars, quae inde a con-
tactu, cui superscriptum est Γ , cadit in contactum
circum-

potentiam cubicam denotet, cum ex omnibus aliis locis, vbi occurrit, tantum quadratum significare creditum sit. Conf. quae monet Kaestnerus, Vir Summus, in libro (*Geschichte der Künste und Wissenschaften seit Wiederherstellung derselben u. s. w. Siebente Abtheilung. Geschichte der Mathematik u. s. w. S. 57. u. s.*)

*) ἰσομήνην, ἰξίβαλον, κατήγαγον, διςῆλον, περίεγραψα cett. Ita loquitur respiciens ad quam in libro primo iam exhibuerat huius problematis solutionem.

circumferentiae *), cui superscriptum est Z^* , **) fiat aequalis ei regulae parti, quae inde a contactu, cui superscriptum est Δ , in angulum cadit, cui superscriptum est Z . Et erit dupla potestate, linea quidem ΔE lineae EZ , linea vero ΘF lineae $E\Delta$, linea autem ΘZ lineae $\Gamma \Theta$ ***).

* . . . * . . . *

Posteaquam igitur haec auctoris Byzantini inueniendarum mediarum continue proportionalium ratio satis prolixè exposita est, si de ipsius indole disquiratur, facile vnique pro comperto erit, Philonem, cum problema nostrum solidum esse iudicaret, (vid. Pappus in coll. math. lib. III, prop. 4.) nihil aliud spectare potuisse, quam ut mechanicam ederet constructionem, quae se a fa-

H 5

cili-

*) $\alpha\pi\tau\epsilon\sigma\theta\alpha\iota$ et $\sigma\upsilon\nu\alpha\pi\tau\epsilon\sigma\theta\alpha\iota$ dici apud veteres omnino de lineis concurrentibus, etiam si, si producantur, se inuicem secant, satis notum est.

**) Falsa verborum interpunctione totus hic locus in editione Theuenoti adeo misere deprauatus legitur, ut sensus eliciatur plane nullus. Delendum est autem vtrumque colon, alterum quidem post $\delta\phi' \eta\epsilon \eta Z'$, alterum vero post $\iota\sigma\omicron\nu \tau\omicron \alpha\pi\omicron \tau\eta\epsilon \sigma\upsilon\nu\alpha\phi\eta\epsilon$.

***) Sic reponendum est pro ZE , quod habet editio Theuenoti.

cilitate et commoditate quam maxime commendar-
 ret. Quod quidem ita obtinuit, ut istam solutio-
 nem, quamvis sit fere eadem, quae Heronis, huic
 tamen quodammodo, ob maiorem quidem ipsius
 ad usum commoditatem, adhuc praeferendam esse
 censeret Eutocius. "Parallelogrammum $B\Theta$ (vid.
 „Fig. 8.), inquit hic Archimedis commentator l. l.,
 „idem est atque illud Heronis, eademque sunt
 „productae rectae ΘA , $\Theta \Gamma$; eademque regula,
 „quae circa punctum B mouetur. Hoc vno inter
 „se differunt, quod regula in illa quidem usque
 „eo circa punctum B mouebatur, donec rectas, a
 „puncto rectam $A\Gamma$ in duas partes aequales se-
 „cante, hoc est K , ad $\Theta \Delta$, ΘZ ductas, cuiusmodi
 „sunt $K\Delta$, KZ , aequales abscinderet; in hac vero
 „usque eo mouetur, donec ΔB ipsi EZ aequalis
 „fiat. Ceterum in vtraque res eodem recidit.
 „Sed altera, quam modo diximus, usui accommo-
 „datior est. Obtinetur enim, ut ΔB , EZ aequa-
 „les deprehendantur, si regula ΔZ in aequas par-
 „tes, easque continuas fuerit diuisa. Quod sane
 „longe facilius est, quam circino explorare, num,
 „quae a puncto K ad Δ , Z ducantur, aequa-
 „les sint."

Ceterum quod mirabilem illam, quam de-
 clarat Eutocius, harum solutionum attinet adfini-
 tatem:

tatem: iure suspicari licet, vnam eandemque perfectiorem, atque ad seueras Geometriae leges prorsus exactam solutionem, qua quidem forte hyperboles intra lineas Asymptotos $\Theta\Delta$, ΘZ datas et per punctum B datum describendae et semicirculi AEF intersectionibus in punctis quidem B, E, constitueretur rectae ΔZ situs, et Heroni et Philoni cognitam fuisse; quam igitur, cum Mechanicorum vsibus maxime inseruire studerent, sectionumque conicarum in plano descriptiones accuratas et satis commodas exhibere nequirent, adumbrando, atque in instrumentorum operationes traducendo exprimerent.

Herone; ita pergit: *Hi enim afferentes, problema solidum esse, ipsius constructionem instrumentis tantum perfecerunt, congruenter Apollonio Pergaeo, qui et resolutionem eius fecit per conic sectiones.*

Servata est autem ex hisce duabus Apollonii solutionibus apud Eutocium (in comment. in Arch. de sph. et cyl. l. l.) tantum *mechanica*, illis Heronis et Philonis fere prorsus consimilis; illius vero per *conicas sectiones* nusquam alibi (in ipsis etiam conicorum Apollonii libris nulla mediarum proportionalium inuentio proponitur), quam apud Pappum l. l. mentionem fieri inuenimus. Iure igitur mirum videri debet, *Montuclam*, V. Cel. (Histoire des Mathematiques, tom. I. pag. 197 sq.; Histoire des recherches sur la quadrature du cercle, Par. 1754. pag. 251 sqq.) non dubitare, singularem aliquam exponere, summa geometrica perfectione et elegantia insignem nostri problematis solutionem, quam Apollonio vindicet. Adfirmat quidem, quae ab Eutocio Heroni tribuatur solutio, et quae sit seuerè geometrica solis, hyperboles circulo coniunctae operationibus innitens, eam potius Apollonio esse vindicandam, perspicuum fieri tum ex Pappo, qui Heroni tribuat illam mechanicam ab Eutocio adscriptam Apollonio,

nio, tum ex ipsius Heronis de telis fabricandis libro, vbi eadem, quam Pappus Heroni tribuat, exposita legatur. Sed vt hosce libros ipse Montucla vel plane non, vel admodum negligenter inspexerit, alterius potius auctoritate haud idonea fretus, necesse est. Quae enim vt Heronis exhibetur ab Eutocio, est prorsus mechanica, planeque eadem, quae a Pappo Heroni tribuitur, quamque ex ipsius Heronis *βιλοπομπικῶν* libro iam supra descripsimus; omninoque praeter vtramque illam Menaechmi inter ceteras, quas recenset Eutocius; non amplius inuenitur vlla, quae conica sectione perficiatur: ita vt, vnde hanc solutionem per hyperbolen tanquam Apollonii desumferit Montucla, plane non pro comperto nobis fiat.

Ceterum, quod vir ille cel. plane neglexit, videtur potius ex Ioanne Philopono ad locum illum Aristotelis, lib. I. *Analyt. post.* cap. 7, supra (cap. XI) a nobis vberius explicatum, (vid. Ioannis Philoponi *Commentarius in Aristot. analyt. post.* Venet. ap. Aldum, 1534, folia 24) contra illius ab Eutocio Apollonio vindicatae solutionis genuinitatem aliqua suspicio moueri posse, cum ille Aristotelis commentator testimonio Parmenionis cuiusdam nostro Apollonio soluendi rationem longe aliam tribuat, eam videlicet, quae secun-

dum

dum Eutocium potius est Philonis Byzantini. Ut autem silentio praetermittamus, Eutocium, quem, admodum litterarum mathematicarum peritiorem, sic et hac in re multo diligentiores accuratiorumque Philopono concipiendum esse; quippe cum hic huius problematis solutionum tantum obiter aliquam mentionem fecerit, ille vero proprie id egerit, ut quotquot ipsi innotescerent a summis Geometris editae illius problematis solutiones, maxime ex ipsis auctorum libris sedulo colligendas accurateque describendas curaret: est in loco Philoponi ea lectionis varietas, ut inde nihil tuto sumi possit, ad Eutocii fidem ullo modo infrigendam. In alio enim Philoponi codice, cuius lectiones variantes ad calcem eiusdem editionis Aldinae, folia 117, b, sq. descriptae inveniuntur, totum illud Philoponi scholion ad Aristotelis 1.1. legitur admodum aliter et vberius expositum. Recensetur quidem ibi primum eadem, quae apud Eutocium Philoni Byzantio vindicatur solvendi ratio, sed de ipsius auctore penitus nihil monetur; tum vero adfertur adhuc altera, tanquam instrumentis magis accommodata, quae Apollonii nostri esse testimonio Parmenionis *) (de quo,

*) Graeca huius loci ita se habent: "Ἄλλως ὀργανικωτάραν ἐκδησόμεθα γραφὴν, κατὰ Φησιν Παρμενίωνος Ἀπολ-

quo, qualis fuerit scriptor, quæque ipsius hæc in re esse possit fides, prorsus nihil aliunde constat; nisi forte idem Parmenio Mechanicus, qui quoddam horologii genus πρὸς τὰ ἱστορούμενα appellatum inuenisse traditur apud Vitruuium lib. IX, cap. 9. fuisse sit concipiendus) adfirmatur, et quæ plane eadem est, quam ab Eutocio Heroni Ctesibii tribui supra vidimus.

Quæ cum ita sint, tota illa res reuocanda esse videtur ad meram potius hypothesin, quæ tamen a vero haud absimilis habenda est. Si enim illud concedatur, quas Heronis, Philonis et Apollonii habemus solutiones mechanicas, ob mirabilem inter ipsas similitudinem et adfinitatem, omnes

Ἀπολλωνίου τοῦ Περγαίου. Quæ quidem etiam sic verti possunt: Aliter: *ad instrumenta commodiorem exponemus rationem*, inquit Parmenio Apollonii Pergæi (discipulus). Ita vt has solutiones a Parmenione in quodam libro, quem hic exscripserit Philoponus, traditas fuisse appareat; cui tamen potius ipsas tribuamus, prorsus incertum relinquitur. Sed huic interpretationi quodammodo repugnare videtur, quod in priore illo Philoponi codice (quamuis ibi de altera solutione sermo sit) ad Parmenionem vt testem prouocatur. τοῦ μέντοι Ἀπολλωνίου τοῦ Περγαίου ἐστὶν εἰς τοῦτο ἀποδείξεις αἵς Παρμενίων φησὶν, ἧν καὶ ἀνέδησαν ἔχουσιν οὕτως.

omnes vni eidemque solutioni fere geometricae necessario superstructas fuisse; quae forsitan nulla alia fuit, quam quae hyperboles cum circulo intersectionibus innititur, atque a nobis iam supra est declarata: cum Apollonium aliquam per conicas sectiones exhibuisse nostri problematis solutionem Pappus adfirmet, magno illi Geometrae elegantissimam illam et simplicissimam vindicare solutionem, quam postea artis mechanicae in usum ad instrumentales operationes traducere docuerint Hero, Philoque, et ipse Apollonius, quisque sua ratione, non alienum haberi potest.

Qualem igitur ita concinnauit *Apollonius* solutionem mechanicam Eutocium (edita Oxon. pag. 137 sq.) sequuti iam exponemus.

* * *

Sint datae duae rectae, quas inter duas Fig. 10. medias proportionales inuenire oporteat, $BA\Gamma$, angulum rectum, qui est ad punctum A , comprehendentes. Describatur centro quidem B , intervallo vero $A\Gamma$, circuli circumferentia $K\Theta A$; rursusque centro Γ et intervallo AB circuli circumferentia $M\Theta N$, quae quidem illam $K\Theta A$ secet in puncto Θ ; et iungantur ΘA , ΘB , $\Theta \Gamma$. Parallelo-

I

gram-

grammum igitur est BF , ipsius autem diametrus ΘA . Secetur ΘA in puncto Ξ in duas partes aequales; et centro Ξ describatur circulus, qui secet rectas AB , AF productas ad puncta Δ , E ; ita quidem ut puncta Δ , E et Θ in directo iaceant. Hoc autem fiet, si regula secans rectas $A\Delta$, AE , usque eo moueatur circa punctum Θ , donec quae a puncto Ξ ad Δ , E ducantur rectae, aequales fiant. Quod quando contigerit, confectum erit, quod quaeritur, [et erunt scilicet FE , $B\Delta$ duae mediae proportionales inter datas BAF].

Demonstrationem autem plane omittere non dubitat Eutocius. Cum enim constructio sit plane eadem, quae Heronis et Philonis, quas paulo ante exposuisset: eandem quoque ipsi, monet, conuenire demonstrationem.

CAP. XVII.

ERATOSTHENE S.

Ex multis et grauissimis de omni fere litterarum elegantiorum genere meritis quae redundavit ad ERATOSTHENEM summa laus nominisque fama, aucta ea est non parum insigni successu, quo capacissimum et sollertissimum huius viri ingenium etiam seueriores Matheseos, omnesque et singulas, quae huic arctiore cognationis vinculo coniunctae habentur, disciplinas excoluit. Vt autem hic praetermittamus praeclarissima, quae ipsius laudantur industriae maxime in Geographia et Astronomia collocatae monumenta; quorum quidem ex tesauro quae pauca ad nos deuoluta sunt ramenta, amissorum desiderium adauxisse potius, quam vlllo modo expleuisse videntur: exhibet studii, quod Geometriae tribuit, specimen satis memorabile quae ab ipso soluendi problematis nostri edita fuit ratio, omnibus litterarum antiquarum cultoribus, ἀγεωμετρητοῖς pariter ac geometris, satis nobilitata atque celebrata. Cum enim in summa, qua gauderet istis temporibus

problema nostrum celebritate, maxime ob gravissimum ipsius usum in rebus mechanicis et architectonicis, qui etiam de hoc disciplinarum genere scriptis optime meruisse traditur Eratosthenes, (vid. Scholiast. Apollon. Rhod. ad lib. I, v. 567, et lib. III, v. 232.) in illam quaestionem incidisset: in ipsa soluenda eam gloriam inprimis adfectasse videtur, ut, cum, quas antiquorum Geometrarum cognosceret huius problematis solutiones, hae ob difficiles et instrumentis nimis incommodas constructiones ipsi minime probarentur, ipse peculiarem aliquam constitueret rationem, quae a geometrica simplicitate summaque ad manibus efficiendum commoditate et facilitate prae ceteris quam maxime se commendaret. Quod cum haberet propositum, in quam indagando delatus est mediarum continue proportionalium constructionem a reliquorum Geometrarum rationibus prorsus diversam, instrumento quodam satis ingeniose concinnato efficiendam, in hac adeo sibi placuit, ut instrumentum ipsum ex aere factum in templo quodam ex columna dedicata publice suspenderet, simulque inscriptione huic columnae incisa rationem istam paucis declarandam, seque eius inuentorem carmine adscripto posteritatis memoriae commendandum curaret. Quod cum tanquam publice actum rumore et fama

fama etiam apud illitteratos huius aevi homines diuulgaretur, virorum vero doctorum sermonibus et disputationibus imprimis agigaretur: non potuit non ad ipsius regis Aegypti, *Ptolemæi* (III) *Æuergetæ* aures peruenire, qui, quo omnino litterarum teneretur studio et amore, de hoc nouo auctoris Cyrenaici inuento, quemadmodum etiam de donario, inuenti illius interprete et nuntio, in templo deorum consecrato, accuratiora edoceri cupit. Cui regis desiderio vt satisfaceret, scripta est ab Eratosthene *epistola* de tota hac re satis docte et prolixè exponens, quæ (vt videtur, integre) descripta legitur apud Eutocium in comment. in Archimed. de sph. et cyl. lib. II, prop. 2. (pag. 144 sqq. edit. Oxon.) In hac igitur recensenda vt paulo diligentius versetur, necesse est.

Exorsus autem de iis, quæ ad cubi duplicandi spectant historiam, posteaquam pro insigni, qua floruit doctrinæ copia lectionisque varietate, quæ de prisca huius quæstionis origine ex veterum Tragicorum fabulis traderentur, exposuit, Hippocratemque Chium primum fuisse monuit, q̃bi cubi duplicationem ad duarum mediarum continue proportionalium inuentionem reuocandam esse, animaduerteteret: quæ post oraculum Apollinis de duplicanda ara Delijs editum a Geome-

tris in Academia Platonis, Archyta, Eudoxo, et Menaechmo ad hanc quaestionem soluendam prolata sint, breuiter indicat; quos quidem omnes rem propositam demonstrando euincere, non vero manu perficere vsuique accommodare potuisse adfirmat. Huiusmodi instrumentalem vitaeque communis vsibus magis accommodatam rationem ab ipso potius esse excogitatam; qua etiam non solum duae, sed quot aliquis imperauerit, proportionales mediae facillime constitui possint. Quales igitur huius problematis solutio cum fuerit inuenta, quae inde oriatur utilitas, tum omnino omni solidorum doctrinae, tum et inprimis singulis vitae communis rebus, veluti ad constituendas humidorum siccorumque mensuras, dimetiendaeque Deorum templa, maximeque arti tormentoriae ad constituendum catapultarum balistarumque effectum, paucis adhuc declarat; denique ad exponendam suam inueniendarum mediarum proportionalium rationem transit, quae est fere haec:

* * *

Fig.
11.

Sint datae duae rectae inaequales, AE , $\Delta\Theta$, quas inter duas medias continue proportionales inuenire oporteat. Ponatur AE ad angulos rectos super recta aliqua $E\Theta$;

et

et constituentur super $E\Theta$ tria parallelogramma deinceps posita AZ , ZI , $I\Theta$; ducanturque in iis diametri AZ , AH , $I\Theta$, quae quidem parallelae inuicem erant. Itaque manente, quod in medio est, parallelogrammo ZI immoto, agatur extremorum parallelogrammorum alterum quidem AZ supra medium, alterum vero $I\Theta$ infra medium; ut in secunda figura, donec puncta ^{Fig.} A , B , Γ , Δ in directo iaceant: et ducatur ^{12.} per haec puncta A , B , Γ , Δ recta, quae cum $E\Theta$ producta in puncto K concurrat.

Erit igitur [ex prop. 2. lib. VI; et prop. 18. lib. V. Euclid.], in parallelis quidem AE , ZB [in triangulo AEK] $AK : KB = EK : KZ$; in parallelis vero AZ , BH [in triangulo AZK] $AK : KB = ZK : KH$. Quare [ex prop. 11. lib. V. Eucl.] $AK : KB = EK : KZ = ZK : KH$.

Rursum quoniam, in parallelis quidem BZ , ΓH [in triangulo AEK] $BK : K\Gamma = ZK : KH$; in parallelis vero BH , $\Gamma\Theta$ [in triangulo AZK] $BK : K\Gamma = HK : K\Theta$; ideo $BK : K\Gamma = ZK : KH = HK : K\Theta$.

Sed [erat supra] $ZK : HK = EK : KZ$. Vnde etiam $EK : KZ = ZK : KH = HK : K\Theta$.

Est autem [ex prop. 4. lib. VI. Eucl.] $EK: KZ = AE:BZ$; et $ZK:KH = BZ:GH$; denique $HK:K\Theta = GH:\Delta\Theta$. Itaque erit etiam $AE:BZ = BZ:GH = GH:\Delta\Theta$. Inuentae sunt igitur inter AE , $\Delta\Theta$ duae mediae BZ , GH .

* * *

Quam igitur mediarum proportionalium inveniendarum rationem in libro de *geometricis Superficiebus* (τῶν γεωμετρούμενων ἐπιφανειῶν) ostensam esse, posteaquam monuit Eratosthenes: pergit iam ad explicandam *Instrumenti* sui, ad sumendas secundum illam rationem medias proportionales excogitati, indolem et fabricationem his quidem verbis:

“Vt autem etiam per instrumentum duae „mediae sumi possint, elaboretur tabula (πλινθιον) „ligna, vel eburnea, vel aerea, in qua sint „aequales tres tabellae (πινακίσκοι) quam maxime „exiles; quarum media fixa sit, duae vero aliae „in canalibus mobiles, ea magnitudine eaque „proportionem, qua cuique libuerit; demonstratio „enim similiter conficietur *). Vt autem lineae „quam

*) τοῖς δὲ μεγέθεσι καὶ ταῖς συμμετροίαις, ὡς ἑκάστοις ἑαυτοῖς πείθονται· τὰ μὲν γὰρ τῆς ἀποδείξεως ὡσαύτως συντε-

„quam accuratissime constituantur, illud diligenter
 „animaduertendum est, vt tabellis inuicem sub-
 „euntibus omnia parallela maneant, eademque
 „non hiantia, sed aequa lege inter se aptata et
 „connexa.”

Hac instrumenti sui fabricatione declarata, versatur adhuc paululum in describendo eo, quod in templo obtulerat *donario*; in quo quidem monet esse instrumentum ex aere factum, idque plumbo ferruminatum sub ipsa columnae corona adaptatum; infra ipsum autem insculptam legi demonstrationem breuiore sermone expositam vna cum figura, et post hanc epigramma. Haec igitur, vt tota res de donario penitus cognoscatur, sub finem epistolae accurate descripta adhuc adiiciuntur.

I 5

Quae

συγχεσται. Sens. Non necesse est, vt tabellae eandem habeant magnitudinem et dimensionem, quam habent quae sunt in figura nostra; possunt v. c. ipsarum bases EZ , ZH , $H\Theta$ etiam maiores esse, quam ipsarum altitudines AE , $Z\Lambda$, IH ; possunt porro tabellae (sint dummodo inter se aequales) rhombiformes constitui et triangulae. Talia omnia esse possunt, quemadmodum unicuique libuerit: et in demonstratione ipsa nihil mutant. — Interpretes latini, atque ex his etiam *Torellus* (in edit. Oxon.) huius loci sententiam perperam constituere.

Quae autem columnae incisa fuit demonstra-
tio est prorsus eadem, quae modo exposita est,
nisi quod forte videatur admodum in compen-
dium redacta, atque ut ipsius instrumenti ibidem
suspensi vsum doceat maxime comparata. Quare
in ipsa ostenditur etiam, si duarum datarum
maior non fuerit aequalis ipsi AE , ad quam con-
stituta est tabellarum in instrumento altitudo: quo-
modo tum nihilominus ope eiusdem instrumenti illa-
rum duae mediae proportionales constitui possint.
Ἐὰν δὲ αἱ δοθεῖσαι μὴ ἴσαι ὥσι ταῖς AE , $\Delta\Theta$,
ποιήσαντες αὐταῖς ἀνάλογον τὰς AE , $\Delta\Theta$, τούτων
ληψόμεθα τὰς μείσας, καὶ ἐπανόισομεν ἐπ' ἐκείνας,
καὶ ἰσόμεθα πιποικότες τὸ ἐπιταχθεῖν. Quod si
datae rectae non fuerint aequales ipsis AE , $\Delta\Theta$;
ubi illis proportionales fecerimus AE , $\Delta\Theta$, inter
has sumemus duas medias proportionales, et trans-
ferendo ad illas id quod propositum est perficiemus.

Sint igitur, ut quae hic praecipit Eratosthe-
nes exemplo illustremus, ipsis AE , $\Delta\Theta$ inaequa-
les duae datae $\alpha\epsilon$, $\delta\vartheta$, quas inter duae mediae
continue proportionales π , ρ sint inueniendae.
Constituantur AE , $\Delta\Theta$ in instrumento ita, ut sit
 $AE:\Delta\Theta = \alpha\epsilon:\delta\vartheta$. Tum inter ipsas AE , $\Delta\Theta$ ita
constitutas sumantur in instrumento methodo supra
exposita duae mediae continue proportionales, ita

vt

vt sit $AE : BZ = BZ : FH = FH : \Delta \Theta$, Quibus inuentis, cum sit $AE : BZ = \alpha : \pi$, et $AE : FH = \alpha : \varrho$; ex prop. 12. lib. VI. Euclid. facillime constituentur etiam duae mediae proportionales π, ϱ inter duas datas $\alpha, \delta \vartheta$.

Indicat denique paucis haec inscriptio, si plures adhuc mediae proportionales inueniendae proponantur, hoc quidem ita perfici, vt tabellae vna plures, quam quae inueniri debeant mediae proportionales, in instrumento disponantur.

* * *

Haec fere sunt, quae notanda habuimus de laudatissima illa Eratosthenis epistola; quae quantopere redoleat multae variaeque doctrinae ostentationem, orationisque copiam et ornatum, qualis ab hoc auctore sane potuerit expectari, non est, quod pluribus doceamus. In exponenda autem ipsa problematis solutione Eratosthenem semper eam sectatum esse perspicuitatem et subtilitatem, quae alias scriptis mathematicis propriae esse soleant, certe in ipsis iure exigantur; non omnino adfirmare ausim. Quae enim de parallelogrammis tradit quadam ratione inter se mouendis, (ad quae potissimum in constituendis mediis proportionalibus omnia redeunt) vt praetereamus, ea omnino

omnino satis obscure et breuiter esse enunciata; sunt ea inprimis necessario ita supplenda, si quidem ista solutio a geometrica indole non prorsus aliena videri debeat, vt illa parallelogramma ita moueri supponantur, vt semper in vno eodemque plano maneant. Quod cum ab Eratosthene non verbis expressis monitum sit, videtur ea re forsan eo magis adductus esse Nicómedes, qui in totam hanc Eratosthenis inuentionem teste Eutocio ad Archimedes (pag. 146 edit. Oxon.) acerbissime grassatus est, vt ipsam τῆς γεωμετρικῆς ἕξεως ἰσχυρομένην iudicaret. Quae reprehensio tamen in ipsam non aliter cadere posse videtur, quam quatenus, cum quomodo sola rectae et circuli ope rectangula AZ, IΘ ita moueantur, vt, ducta recta AΔ, rectae AZ, BH, ΓΘ inuicem sint parallelae, nequaquam animo concipi possit, nec alia demonstrata sit linea, qua illud idonee perfici posse intelligatur; iis quidem nostri problematis constructionibus, quae ad omnem Geometriae feueritatem et perfectionem exactae aestimantur, nullomodo aequiparanda, in numerum mechanicarum potius solutionum referenda est. Hac igitur ex parte cum sit proprie diiudicanda, quod et ipse Eratosthenes innuere videtur, qui ab instrumenti facilitate et promptitudine constructionem suam adeo enixe commendat: quamuis et hanc

hanc laudem ei eripere conetur. Nicomedes, cur tamen inferior habenda sit ceteris solutionibus mechanicis, plane non videmus. Minus iniquum autem de ipsa iudicium tulit Vitruvius, qui in libri IX. cap. 3. (pag. 178 sqq. edit. Ioa. de Laet) Eratosthenem ex iis, qui mathematicis inuentis de genere humano optime meruerint, laudans, hunc, quemadmodum ceteris inuentionibus hominum gratiam sibi conciliauerit, sic hac Mesolabi inuentione summam admirationem concitasse adfirmat.

Ceterum, quod monere est praetermissum, legitur eadem haec Eratosthenis ratio etiam descripta apud Pappum in libro III. collect. math. prop. 5; vbi quidem ita aliter exponitur, ut tum pro parallelogrammis triangula rectangula adhibeantur, tum primum triangulum immotum maneat, reliquaque moueantur: quo tamen nec in solutione ipsa, nec in eius demonstratione quidquam mutatur; quemadmodum simili modo etiam vltimum triangulum potuisset constituere immotum, reliquis se mouentibus.

* * *

Sed

Sed priusquam hanc de Eratosthene eiusque
 mediarum proportionalium inveniendarum ratione
 tam sagaciter excogitata expositionem iam penitus
 absoluamus: restat adhuc, ut de nobilissimo illo
 EPIGRAMMATE, quò inuentionem suam celebrare
 voluerit, dispiciamus; quod, quale ad calcem
 epistolae ad Ptolemaeum regem apud Eutocium
 legatur, si accuratius descriptum, versioneque et
 annotationibus illustratum hic subiiciamus, rem
 nec a nostri libelli argumento alienam, nec
 lectoribus plane ingratam atque iniucundam facturum
 esse nobis videmur. Est enim in hac ipsa, quam
 scribimus, problematis de cubo duplicando historia
 monumentum tam graue et excellens, quod huius
 historiae illustrationem adfundit, rursusque ex
 ipsa petit, ut non solum veniam nobis dandam
 esse, si ad illud prolixiori commentario explanan-
 dum paululum digrediamur, sed potius, si illud
 penitus inexplicatum praetermittamus, in meri-
 tissimas nos incurrere reprehensiones statuendum
 sit. Accedit quod hocce carmen, quamuis a viris
 doctis saepius fuerit agitatum, nunquam tamen
 idonea versione et commentario instructum prodit.
 Adfirmat hoc etiam *Petrus Ferroni* V. Cel. qui in
 epistola ad *A. M. Lorgna*, cel. societatis Vero-
 nensis praesidem, (vid. *Memorie di Matematica e*
Fisica della Societa Italiana, Tomo VII, Verona,

1794. pag. 319 sqq.) nonnulla, quae ad singulorum problematum historiam eorumque solutiones diiudicandas spectant, recensens, de hoc epigrammate (pag. 340.) ita loquitur, "Cade il Secolo XVIII, ed è ancora mistero l'interpretazione sincera dell' Epigramma al Re Tolomeo d' Eratostene di Cirene, conservatoci da Eutocio d' Ascalona, lasciato senza versione dai Traduttori, e comprendente il Voto (*'Αναθήμα*) sospeso su d'una Colonna in ringraziamento agli Dei per la soluzione del Problema Deliaco." Legitur autem hoc epigramma in iis Archimedis editionibus, quae simul adiunctos habent commentarios graecos Eutocii; in quibus autem omnibus, licet sint et graeco-latinae, immo et in nouissima et plenissima, quae ex recensione Torelli, Oxonii, 1792. euulgata est, versio ipsius reperitur plane nulla. Prostat quidem adhuc seorsum editum ad calcem *Arati cura Ioannis Felli* (Oxon. 1672.), ubi pag. 33 sqq. tota Eratosthenis epistola simul descripta est; quemadmodum etiam in *Francisci Vietae operibus mathematicis*, quae *Franciscus a Schooten* edidit, Lugd. Batav. 1646., pag. 349; atque denique recentissime retractatum et castigatum in *Analektis veterum poetarum graecorum Brunckii*, Argent. 1772, tom. I, pag. 478; nullibi autem ad ipsius illustrationem quaedam adlata esse vidi.

vidimus. Unica, quae nobis forte innotuit, huius *Herminis* versio latina est *Petri Rami*, (in eius *schola mathematica*, Francof. 1627, pag. 24 sq.) quamvis satis mendosa omnique commentario prorsus destituta; quae Petri Ferroni indaginem effugisse videtur. Narrat autem idem hic vir cel. in epistola illa ad A. M. Lorgna, *Antonium Mariam Salvini* et *Vicentium Viviani* coniunctis viribus, sed frustra ad illustrandum hoc epigramma esse annisos; quod quidem apparere ex quodam horum virorum autographo, inter ipsius Ferroni schedas adhuc existente. "*Anton Maria Salvini*, inquit l. l. „e *Vincenzo Viviani* mutuamente ajutandosi, non „furon vevoli a interpretarlo, come aparisce „da un MS. originale, che conservo tra le mie „schede." Et ibidem in Nota: "*Salvini* doveva „essere molto giovane, quando prese a tradurre „quell' Epigramma con avere al fianco il Viviani. „Imperocchè la versione incomincia: *Supplementum Epistolae Eutocii Ascalonitae Ammonio Philosopho inscriptae, ex interpretatione Cl. Adolefc. „Ant. Mariae Salvini*. È però vero che il Salvini „si fece assai presto distinguere per eccellente „Grecista avendo di soli 23 anni (e vale a dire nel „1669, perchè nacque del 1646) ottenuta nello „studio Fiorentino la Cattedra di lingua Greca."

Quid

Quid vero in illa versionis suae inscriptione satis aliena sequutus sit Salvini, ut quodammodo diuinari possit, in animum sanè reuocandum est, Eutocli Afcalonitae in vtrumque Archimedis de sphaera et cylindro librum commentarios, in quibus hoc Eratosthenis carmen vna cum tota epistola transcriptum exhibetur, Ammonio Philosopho fuisse inscriptos.

Sed iam vacat ipsum *Eratosthenis* hic subicere *carmen*, quod excipient *versio latina* et *annotationes*; quibus num adhuc ante ipsum seculi XVIII, decursum omnino apertum sit et exploratum hocce carmen interpretandi mysterium, docti et aequi iudicent lectores.

Ε Π Ι Γ Ρ Α Μ Μ Α.

Εἰ κύβον ἔξ ὀλίγου διπλάσιον, ὦ γὰρ θὲ, τυχὼ
 Φράζαι, τὴν στεινὴν πᾶσαν εἰς ἄλλο φύσῃ
 Εὖ μεταμορφῶσαι, τόδε τοι πάρεα, καὶ σύ γε μάνδρην.
 Ἦ στρόν, ἢ κοίλου φρεῖατος εὐρὺ κῦτος
 Τῆδ' ἀναμετρήσαιω, μέσας ὅτε τέρμασιν ἀκροῖς. 5
 Συνδρομάδας δισσῶν ἑντὸς ἑλῆς κατόνων.

Ex quatuor codicibus operum Archimedis Bibliothecae Parisiensis (quorum lectiones variantes una cum iis codicibus Florentini ad calcem editionis novissimae Oxoniensis operum Archimedis quam accuratissime descriptae exhibentur) habet codex 2359 hocce Epigramma inscriptum: *στίχοι ἥρω ἀλεγάλοι*. Plerumque autem citatur a viris doctis *Epigramma Eratosthenis de Cubi duplicatione*; quemadmodum tota epistola inscripta legitur: *Ἐρατοσθένους τοῦ κύβου διπλασιασμοῦ*.

Vers. I. *διπλάσιον* repugnat metro, cum antepenultima sit brevis. Vid. Theocrit. XII, 26. Cod. Florent. habet *διπλήσιον*, quod tamen alibi non occurrit. Alias reponendum esset *διπλάσιον*.

VERSIO LATINA.

Si cubum breui tempore duplum, o optime, con-
struere

Vis, ita ut omnis figura solida in aliam

Bene possit transformari: hoc tibi perficietur, et
si stabulum,

Aut granarium subterraneum, aut cauae cister-
nae altum spatium

Hoc (instrumento) metiri velis, quando medias
terminis extremis

Concurrentes intra duplices sumsetis regulas.

Verf. 2. *Φράζας* metro lubente legendam est
ut dissyllabum, vel scribendum *Φράζη*. Cod. Flo-
rent. et Parisiensis 2359 *Φράζας*.

Verf. 3. *ρόδς*. Edit. Oxon. perperam *ρόδς*.

Verf. 4. *οἶπον*. Edit. Basil. *οἶπον*.

Verf. 5. *ῥάπουδον*. Apud Vietam *ῥάπουδον*, nullo
sensu.

Μηδὲ σύ γ' Ἀρχύτειο δυσμήχανα ἔργα κυλῖπδρον,

Μηδὲ Μινεχμείους κατοτομεῖν τριάδας

Δίχῃαι μὲν' εἴ τι θεοῦδεος Εὐδόξοιο

Καμπύλον ἐν γραμμαῖς εἶδος ἀναγράφεται. 10

Τοῖςδε δὲ τ' ἐν πλάτεσι μεσόγρφα μυρία τεύχος

Ῥεῖα' κεν, ἐκ παύρου πυθμῆνος ἀρχόμενος.

Εὐαίαν Πτολεμαῖε πατὴρ, ὅτι παιδὶ συνηβῶν

Πάνθ' ὅσα καὶ Μούσαις καὶ βασιλεῦσι φίλα

22. The following information is for your information:

μ/χανκ.

Verf. 8. Μανχαλουε. Apud Proclum pag. 31, vbi adfertur hic versus, Μανχαλουε, de quo vid.

infra Commentar.

Verf. g. Ξουδέας. Edit. Basil. et Vieta Ξουῦ δέας.

Verf. 10. ἐν γραμμαῖς. Edit. Basil. Vieta et
Fellus ἐγγράμμαῖς.

Verf. 11. Τοῖς δὲ τ' ἐν, Fellus Τοῖς δὲ οὐ ἐν;
et Vieta Τῶς δὲ τὰ ἐν; sed male. Editt. Bas. et
Oxon. et Brunckius Τοῖς δὲ δὲ ἐν. Sed spectrum
necessario requirit Τοῖς δὲ τ' ἐν.

Ne tu Archytae difficillimis operationibus cylindrorum,

Ne Menaechmaeis in cono secandis ternariis
Operam impendas; neque si qua diuini Eudoxi
Curua in lineis species describitur.

Hisce autem in tabellis media infinita construas
Commode, inde a paruo fundo exorsus.

Felix Ptolemaee pater, quod filio vna pubescens,
Quaecunque et Musis et Regibus cara sunt,

Verf. 12. *κιν.* Cod. Paris. 2360 *μιν.*

παύρου. Apud Vietam *ταύρου*, nisi forte sit potius error Typographi.

Verf. 13. *Πτολεμαῖς.* Edit. Basil. *Πτολεμαῖς.*

συνηβῶν. Ita recte refingitur ex Cod. Florent. tribusque codd. Parisiens. 2359, 2361 et 2362. Olim legebatur *συνήων.* Cod. Paris. 2360 habet *συνήμων*; Fellus *συνήδων.*

Αὐτὸς ἰδωρῆσά· τὸ δ' ἐς ὕστερον, οὐράνι Ζεῦ, 15

Καὶ σκήπτρων ἐκ σῆς ἀντιάσκει χεὶρς.

Καὶ τὰ μὲν ὡς τελείετο. Λέγοι δὲ τις ἄνθεμα
λύσων

Τοῦ Κυρηναίου τοῦτ' Ἐρωτασθένος.

Verf. 17. Post τελείετο necessario interpungendum est.

ἄνθεμα λύσων. Cel. Brunckius λύων. Cod. Florent. ἄνθεμα λύσων, quod transposito apostropho ortum videtur ex ἄνθεμα λύων.

Ipse largitus es! Imposterum autem, o coelestis
Iupiter,

Et sceptrum ex tua accipiat manu!

Et haec quidem ita perficiantur! Dicat autem quis
donarium videns:

Cyrenaei hoc est Eratosthenis.

COMMENTARIUS.

Argumentum.

Docet in hoc carmine Eratosthenes, cubi duplicationem, aliaque, quae huic innitantur Stereometriae problemata, in vitae communis usus grauissima, hoc instrumento, secundum rationem istam perfici; vers. 1-6. Non igitur opus esse Archytae, Menaechmi et Eudoxi difficilioribus solutionibus; vers. 7-10. Hoc suo instrumento etiam insuper infinita media proportionalia facillime constitui posse; vers. 11 et 12. Sub finem autem carminis Ptolemaeo regi adhuc argutissime blanditur; atque denique se ipse huius anathematis auctorem profitetur.

Vers. 1-6.

(ὥστε) εἶ μεταμορφῶσαι πᾶσαν τὴν φύσιν στερεὴν εἰς ἄλλο.] φύσις στερεὰ i. q. σχῆμα στερεόν, figura solida. εἰς ἄλλο pro εἰς ἄλλην φύσιν στερεάν. Duplex autem verborum constitui potest sensus. Si enim μεταμορφοῦν accipiatur, h. l. significare omnino *mutare*, et post εἰς ἄλλο fere subaudiatur στερεόν μείζον ἢ ἑλάσσον κατὰ πάντα δοθέντα λόγον: sensus erit: *ut possis commodè mutare quamvis figuram solidam in aliam data quauis ratione minorem aut maiorem, manente tamen eius forma externa,*

externa, v. c. conum in conum data ratione minorem aut maiorem. Notum enim esse debet ex ipsa huius libri introductione, cum veteres Mathematici delati essent ad inuestigandum de duplicandis, aut ad quamvis datam rationem constituendis figuris solidis: eos mox omnem hanc quaestionem incubum, quippe figuram solidam maxime regularem, transtulisse, qui si commode duplicari, aut ad quamvis datam rationem constitui posse ostenderetur, inde optime elici posse intelligentes ad quamcunque aliam figuram solidam data ratione mutandam. *Altera ratio haec est, ut ἐκ ἄλλο dictum sit pro, in figuram solidam alius format externae, eiusdem vero magnitudinis;* veluti, si postuletur conum vel cylindrum in sphaeram aequalem mutare, quod problema apud *Archimedem in lib. II. de sph. et cyl. prop. 2.* nostro problemati de inueniendis duabus mediis proportionalibus penitus superstructum est. Quae cum ita sint, cum quidem ex rationibus mathematicis vterque sensus aequè sit admittendus, verba vero ipsa graeca nihil ad decernendum suggerant (nisi forte propria significatio vocis μεταμορφοῦν, qua est *transformare, formam externam mutare*, posteriorem sensum magis commendare videatur): habendus est Eratosthenes hic tantum omnino summam problematis de cubi duplicatione in Stereometria

viri et utilitatem indicare; quam iam supra in ipsa epistola prolixius et accuratius declaravit. Τούτου δὲ εὐρισκομένου, inquit ibi de cubo duplicando, δυνησόμεθα καθύλου τὸ δοθὲν στεριὸν παραλληλογράμμου περιχόμενον εἰς κύβον καθιστᾶναι, ἢ ἐξ ἑτέρου εἰς ἕτερον σχηματίζειν, καὶ ὁμοιον ποιῶν, καὶ ἐπαύξειν διατηροῦντας τὴν ὁμοιότητα.

Καὶν σύ γε μάνδρην, Ἡ σιρὸν, ἢ κοίλου φρεΐατος εὐρὺ κύτος Τῇδ' ἀναμετρήσαιο.] Celebrant hi versus insignem illum duplicationis cubi usum ad dimetiendas multas vitae communis res, e quibus quae hic nominantur, fere in genus aedificiorum domesticorum referri possunt. Μάνδρα, stabulum; σιρὸς, aedificii subterranei genus, in quo condita frumenta asseruari solebant; et φρεΐαρ, puteus (pro quo ornatus κοίλου φρεΐατος εὐρὺ κύτος). Conf. ubi in epistola eundem hunc cubi duplicationis usum exposuit: ὥστε καὶ βομῶν, καὶ ναῶν, δυνησόμεθα δὲ καὶ τὰ τῶν ὑγρῶν μέτρα, καὶ ξηρῶν, λέγω δὲ οἶον μετρητὴν μέδιμνον, εἰς κύβον καθιστᾶναι, καὶ διὰ τῆς τούτου πλευρᾶς ἀναμετρεῖν τὰ τούτων δεκτικὰ ἀγγεῖα, πόσον χωρεῖ.

Τῇδ' ἀναμετρήσαιο. Subintelligendum est ὀργανικῇ (εὐρεσι); hoc instrumento mesolabio, superne sub ipsa columnae corona suspenso; ita ut Eratosthenes accipiatur, ut fere ubique in hoc epigram-

grammate, loquutus esse διεικτικῶς. Aliter post τῆδ' subaudiatur μεθόδῳ, vt vel ad sequentia trahatur: *hac ratione*, quae quidem declaratur simul verbis illis, μίσας ὅτι τέρμασιν etc.; vel ad praecedentia: *hac ratione*, qua quidem cubo duplicando quævis figura solida in aliam potest mutari. Ceterum adhuc etiam constitui potest: τῆδ' scil. φύτι στερᾶ (κυβικῇ), vt totus locus ita accipiatur: *etiam si hac figura solida (cubica) s. hoc cubo* (i. e. reducendo in cubum) *stabulum, aut gran. subt. aut put. dimetiri velis*. Ex omnibus hisce rationibus, quarum nulla penitus incommoda est, praeferatur, quae unicuique magis arriserit.

Τόδε τοι πάρα (pro παρέσται), ὅτι ἔλης — grammatica constructione sunt iungenda; omninoque sententiarum nexus in toto loco ita fere est constituendus: Si vis cubum duplicare, vt quamlibet figuram solidam in aliam transformare possis, et si (quod cubo duplicando prorsus innititur) stabulum, aut granarium subterraneum, aut puteum dimetiri vis: hoc tibi perficietur, si sumferis etc.

Μίσας ὅτι τέρμασιν ἄχρους συνδρομαῖδας διασῶν ἐντὸς ἔλης κανόνων.] Locus est paulo obscurior. Eratosthenem hic declarare velle rationem suam

suam nostri problematis soluendi, facile perspicitur. Summa autem huius rationis, ut rem paulo altius repetamus, in eo versatur, ut efficiatur triangulum ΔEK (in figura secunda), in quo basis AE , et quae basi parallelae ductae sint rectae BZ , ΓH , $\Delta \Theta$, eo intervallo inter se inuicem distent, ut rectae AZ , BH , $\Gamma \Theta$, (quarum unaquaeque binarum ex AE , BZ , ΓH , $\Delta \Theta$ puncta coniungit extrema) sibi inuicem quoque sint parallelae. Sic enim et AE , BZ , ΓH , $\Delta \Theta$ inter se inuicem sunt in proportionem continua, et AZ , BH , $\Gamma \Theta$ inter se; ut igitur sit illarum proportio, $AE : BZ = BZ : \Gamma H = \Gamma H : \Delta \Theta$; harum, $AZ : BH = BH : \Gamma \Theta$. Quibus praemissis totum locum iam recte explicari posse opinamur. Ὅτι ἐλθὲς ἐντὸς δισσωὶν κατόνων μίσας συνδρομάδας (ἐν) τέρμασιν ἀκροῖς, si sumseris intra duas regulas (AM et $E\Theta$, vel si malis $\Lambda\Delta$ et $E\Theta$) medias (videlicet BZ , ΓH et BH ; e quibus BZ et ΓH sunt mediae continue proportionales in priore proportionem, BH vero media continue proportionalis in posteriore proportionem) concurrentes in extremis terminis i. e. punctis. (Concurrunt enim hae tres mediae BZ et ΓH prioris proportionis et BH posterioris in punctis ipsarum extremis B et H .) — — Sic ex indole quam maxime propria suam solutionem satis ingeniose designasse intelligitur Eratosthenes.

Vers.

Vers. 7 - 10.

*Μηδὲ σὺ γ' Αρχύτῳ δυσμήχανα ἔργα κολί-
δρον.] De ratione Archytæ, qua constituit me-
dias proportionales motu quodam semicirculi, cui
in superficie semicylindri latus coni occurrit, ex-
positum est supra cap. VIII; vbi, opera cylindro-
rum Archytæ ab Eratosthene iure appellari δυσ-
μήχανα, quippe quæ manibus aegre efficiantur,
iam est animaduersum.*

*Μηδὲ Μενεχμείους κωνοτομείν τριάδας Δίζηαι,
neque tribus lineis curuis Menaechmi in cono secan-
dis (ad perficiendam cubi duplicationem) operam
impendas. Μενεχμείου τριάδες designant nobilissi-
mas illas tres coni sectiones, parabolam, hyper-
bolam et ellipsin, quarum naturam et constitu-
tionem cum tanta sagacitate et sollertia primus
indagasset Menaechmus, iis adhibitis perfectiores
et ad omnem legum geometricarum seueritatem
exactas nostri problematis solutiones primus quo-
que edidisse habendus est; quarum vero, ob diffi-
cillimam harum sectionum conicarum in plano
descriptionem, fere nullus in vita communi potuit
esse usus. Vid. supra cap. X, vbi illas Menaechmi
solutiones recensuimus. Conf. etiam quæ cap. VI.
de vindicanda Menaechmo sectionum conicarum
inventionem prolixius a nobis sunt disputata. Ci-
tatur hic Eratosthenis versus apud Proclum p. 31,
vbi*

vbi vero legitur Μιναιχμίους, quemadmodum vbi-
que in Proclo scribitur Μιναιχμος, quod sane
videtur esse praeferendum. Sed cum in lectioni-
bus variantibus ad calcem editionis Oxoniensis
operum Archimedis nihil de illo notatum repe-
riatur, in epigrammate graeco mentare nolimus,

Μηδ' εἴ τι Διουδέος Εὐδόξιο Καμπύλον ἐν
γραμμαῖς εἶδος ἀναγράφεται.] De Eudoxi Cnidii,
quem Eratosthenes hic cognomine *divini* ornat,
linearum curvarum singulari genere, cuius inven-
tor existit, et de ratione, qua ad solvendum
problema nostrum illas curvas adhibuerit, Eutocio
eam respuente, prorsus nihil certi tenemus. Vid.
supra cap. IX.

Vers. 11 et 12.

Ἐκ παύρου πυθμένος ἀρχόμενος, ἰνδὲ ἀ
paruo fundo, a parua radice exorsus. Sens. Datis
tantum duabus rectis, nostro instrumento viuis,
infinitas medias proportionales adinuenire potes.
Ceterum hoc quidem ita perfici, vt in instru-
mento tabellae adhiberentur vna plures, quam
quae exigenter mediae proportionales, iam supra
ex Eratosthenis epistola notauimus.

Vers. 13-18.

Εὐαίων Πτολεμαῖε πατὴρ, ὅτι παῖδὶ ἀντιβῶν
Πάνθ' ὅσα καὶ Μούσαις καὶ βασιλεῦσι φίλα. Ἀν-
τὸς

τὸς ἰδωμένος] Beatūm praedicat Ptolemaeum, quoniam huic regi contigerit, ut ipse iuuenili vigore adhuc florens (quasi filio vna pubescens), filii iuuenis animum bonis artibus imbuendū curaret, eumque omnibus ornamentis et deliciis regalis luxus et magnificentiae accumularet. Fuit autem, quem hic patrem vocat, et cui tota epistola inscripta est, sine dubio *Ptolemaeus* (III.) *Evergetes*, ultimus ille e bonis Aegypti regibus, qui nostrum Eratosthenem Athenis Alexandriam arcessiuit, ibique summo honore adfectam bibliothecae praefecit (Vidd. *Suidas*, voce *Ερατοσθένης*, edit. *Colson*. *Allobrog.* 1619. tom. I, pag. 1032; et *Strabo*, pag. 1195. edit. *Theodori ab Almelooven*); filius vero *Philopator*, qui, quantis euaserit luxuriae omniue corruptelae deditissimus (vnde cognominatus fuit *Tryphon*), litterarum tamen studium ex paterna disciplina retinuit.

Τὸ δ' ἐς ὑπερβολὴν, οὐράνιον Ζεὺς etc.] Ad summam Ptolemaei patris felicitatem penitus consummandam, ut imposterum etiam dilectissimum filium successorem in regno nanciscatur, a Jove precatur Eratosthenes; atque sub finem carminis se ipse huius donarii auctorem iis, qui illud forte sint inspecturi, profitetur.

CAP. XVIII.

N I C O M E D E S.

Post nobilissima et grauissima conamina, quae a schola Mathematicorum Platonica et Alexandrina ad cubi duplicationem perficiendam edita esse vidimus, hanc quaestionem retractare atque denique soluendam experiri non adspernati sunt Geometrae nonnulli eximii; quorum vero laboribus hac in re collocatis, factum est, ut et ipsa Mathesis adhuc nouis et praeclarissimis incrementis augeretur et amplificaretur. Cum enim sentirent, quae ad istius problematis constructionem tanta sollertia et assiduitate antea essent excultae sectiones conicae, eas ob summam difficultatem, qua in plano describerentur, penitus nullam hac in re vitae communi praestare utilitatem; instrumentales vero illae solutiones, ex Geometriae dignitate nullomodo habendae, ipsorum desiderium minime opplerent, nedum vltioribus inquisitionibus causam tollere possent: ad reliquas lineas curuas, quibus ex veterum sententia *loci lineares* constituuntur, et quae haecenus (si Archimedis

pauco-

paucoꝝque alioꝝ Geomeꝛarũ Induſtꝛiam iſiſ impenſam excipias) fere penitus fuerant neglecta, conſiderandas, num forſan harum ope una cum ſumma Geometriae perfectione facilioꝛes in plano ederentur conſtructiones, delati ſunt **NICOMEDIS** et **DIOCLES**, quorum alter *Conchoidis*, alter *Ciſſoidis* inter haec ſtudia exſtitit inuentor.

Quod autem ad **NICOMEDEM** attinet, de eius quidem aetate nihil certi conſtat, niſi quod non multo poſt **ERATOSTHENEM** vixiſſe videatur. Cum enim in huius Geometriae inueniendarum mediarum proportionaliũ rationem graſſari perhibeatur (apud **Eutocium** ad **Archimedis** de ſph. et cyl. lib. II, p. 2; pag. 146. edit. Oxon.); de lineis autem conchoidibus ab ipſo excogitatis vberior expoſitio iam a **Gemino** fuerit conſcripta (quod tradit **Proclus** in I **Euclid.** pag. 31); ſequitur, ut hic noſter **Nicomedes** **Eratosthene** quidem iunior, antiquior autem **Gemino** circiter, in ſecundum ante C. N. ſaeculum ſit referendus. Similiter de ipſius patria, unde fuerit natus, vel terrae, vbi poſſimum vixerit; ſi forte coniecturis locus ſit admit- tendus, hanc **Myſiam** fuiſſe vel **Bithyniam** con- tenderem. Videatur enim hoc ſuadere vel ipſum noſtri Geometriae nomen in iſiſ terris ex ipſoꝝ regum exemplo ſatis celebre et nobilitatum,

et illae aduersus Eratosthenem acerbissimae disceptationes, quales tum omnino viris doctis in regum Attalicorum aula uiuentibus cum Alexandrinis Ptolemaeorum gratiam captantibus intercessere.

Sed quamuis de omnibus hisce rebus, quemadmodum de ceteris eius vitae conditionibus nihil certi videatur esse eruendum: de praeclarissima tamen lineae conchoidis inuentione et constitutione nostro Nicomedi omni iure attribuenda, quemadmodum de summa, qua excelluit Geometriae cognitione, inprimisque methodi illius analyticae peritia, nullo modo dubitari potest. Hanc enim in ipsa sua, quam mox exponemus, mediarum proportionalium inueniendarum ratione, reuocando quidem hoc problemate ad illud, quo, quomodo inter crura dati anguli ponatur recta magnitudine data, quae producta transeat per datum punctum, exigitur, maxima cum solertiae sagacitatisque laude monstrauit; de illa autem conchoidis inuentione Nicomedi vindicanda idonea praebent testimonia Pappus et Proclus: quorum quidem alter in collect. math. lib. IV, prop. 22. huius lineae naturam usumque docens, Nicomedem eam, ut quidem cubi duplicationem perficeret, excogitasse adfirmat, simulque illam opem huius lineae a Nicomede concinnatam cubi duplicandi

plicandi rationem, quam iam supra in lib. III, prop. 4. exposuerat, rursus describere non adspersatur; alter vero in lib. I. Euclid. prop. 9. (pag. 73), qua datum angulum rectilineum bifariam secare proponitur, de anguli trisectione, huiusque problematis difficultatibus dum etiam nonnulla monet, Nicomedem ope linearum conchoidum, quarum propriam et peculiarem naturam primus indagasset (*εὐριπής ὢν τῆς ιδιότητος αὐτῶν*), omnem angulum rectilineum trifariam secuisse, harumque linearum ortum, constitutionem et proprietates singulari libro explicasse tradit. Hunc librum citat quoque Eutocius in Commentar. in Archimed. de sph. et cyl. lib. II. prop. 2. (pag. 146. ed. Oxon. *γράφει δὲ καὶ Νικομήδης ἐν τῷ ἐπιγγραμμένῳ πρὸς αὐτοῦ περὶ κογχοειδῶν συγγραμμάτων*), qui inde Nicomedis solutionem nostri problematis, dum quae ad ipsam intelligendam de lineae conchoidis constitutione et proprietatibus necessario tenenda sunt, simul ex isto libro petita praemittit, vberius, quam Pappus, descriptam exhibet; quemque, cum insuper Graeca Pappi adhuc usque inedita sint, expositione nostra sequemur.

* * *

Intelligendae sunt duae regulae ad angulos rectos ita inter se compactae, ut in vno

eodemque iaceant plano *), cuiusmodi sunt AB, ΓΔ; atque quidem in AB [intelligendus est esse] canalis securiculatus **), in quo clauus ***) moueri possit; in ΓΔ vero ab

*) επιφάνεια pro επίπεδον, quod saepius apud veteres Mathematicos occurrit.

**) σωλήνα πελακινοειδῆ scil. χρη νοῦν. πελακινοειδής i. q. πελακοειδής, (quod etiam habet Cod. Paris. 2359) *securim referens, securiculae figuram imitans*. Latine diximus vno verbo vñ *securiculatus*, ita quidem vt h. l. significare debeat *securiculae formae edolatus*, non vero, vt alius, *securicula compactus*. Intelligendus est igitur canalis infra quidem in regula paululum dilatatus, supra autem magis coarctatus.

***) ἐχελώνιον s. χελώνιον, pro quo etiam dicitur χελωνάριον, in rebus architectonicis saepius occurrit, videturque omnino de eiusmodi instrumentis adhibitum esse, quae vllam similitudinem cum tegumento testudinis animalis habere existimata sunt. Vidd. Heronis Belopoeica, in collect. vet. Math. Theoren. pag. 124, 130 et 132, ibique Notae Bernardini Baldi; Aristotelis mechan. quaeest. XXVIII; Vitruuii de Architect. lib. X, capp. 2, 5 et 15, ibique Lexic. Vitruu. Hoc loco nihil aliud significare potest, quam quoddam clauis vel paxilli genus, quod canali, in quo moueri debet, ad securiculae figuram constituto congruenter factum,

infra

ab eâ parte, in qua est Δ , atque quidem
 in recta, quae media ipsius [regulae] lati-
 tudinem diuidit, [intelligendus est] pugillus
 cylindrus regulae infixus, atque e superfi-
 cie eiusdem regulae paululum extans. In-
 telligenda est item alia regula, qualis EZ,
 paruo quodam intervallo ab ipsius termino
 Z rimam habens $H\Theta$, quae circa cylindrum
 Δ circumagi possit; et in puncto E foramen
 rotundum, cui inferi debet axiculus clauo,
 qui in canale securiculato, qui in AB est,
 mouetur, infixus. Accommodata igitur re-
 gula EZ, qua quidem rima $H\Theta$ est, ad
 cylindrum Δ ; qua vero foramen E, ad
 axiculum clauo infixum: si quis, sumto re-
 gulae huius extremo K, eam moueat ver-
 sus partes A, deinde versus partes B; pun-
 ctum quidem E continuo agetur in regula
 AB; rima vero $H\Theta$ circa cylindrum Δ mo-
 uebitur, cum utique recta, quae media di-
 uidit regulam EZ, in isto motu semper per
 axem cylindri Δ transire intelligatur, reli-
 qua vero regulae pars EK continuo eadem
 L; maneat.

infra quidem in crassiolem fere orbiculum, testu-
 dinis quandam imaginem referentem, extenditur,
 supra vero paululum extenuatur, donec in axiculum
 abit, foramini rotundo E regulae EZ insertum.

maneat. Si igitur in puncto K intelligamus graphium aliquod parimentum contingere: describetur quaedam linea, cuiusmodi est AMN, quam Nicomedes *primam conchoidem lineam* vocat, atque quidem magnitudinem regulae EK vocat *intervalum lineae*, punctum vero Δ *polum*.

Huic igitur lineae duo haec potissimum contingere demonstrat:

I. *Vt ad regulam AB continuo magis magisque accedat;*

II. *et si qua recta inter regulam AB et ipsam ducatur, ab hac omnino secetur.*

Fig.
14.

Horum autem *primum* facile deprehendi potest in altera figura, in qua AB regula esse intelligitur; Γ polus; ΔE intervalum; denique ZEH linea conchoides. Cadant a puncto Γ duae rectae $\Gamma\Theta$, ΓZ , aequalibus, videlicet $K\Theta$, ΔZ . Dico normalem ZM normali ΘN minorem esse. Cum enim sit $\text{angulus } MAT > \text{angulo } NKT$ [ex prop. 16. lib. I, Eucl.], qui reliquus est ad duos rectos MAZ est $<$ reliquo $NK\Theta$ [ex prop. 13. lib. I, Eucl.]. Atque propterea cum recti sint anguli ad puncta M, N; [cum in qua-
vis

in quibus triangulo omnes anguli duobus rectis
 et aequales esse debent, ex prop. 32. lib. I,
 [Euclid.] angulus ad punctum Z > angulo
 ad punctum Θ . Quodsi angulo ad Θ aequa-
 lis constitutur angulus $M\Theta E$, erit $K\Theta$,
 hoc est $AZ : \Theta N = EZ : ZM$ [ex prop. 4.
 lib. VI, Eucl.] Quare, [cuius sit $Z\Lambda > ZE$;
 quod sequitur ex prop. 19. lib. I, Euclid.
 quoniam angulus $ZE\Lambda$, qui ex prop. 6. lib.
 I, Eucl. est obtusus, > angulo $E\Lambda Z$] erit
 $ZA : \Theta N < ZA : ZM$; ideoque [ex prop. 10.
 lib. V, Eucl.] $\Theta N > ZM$.

Alterum erat: rectam, quae inter AB et
lineam ducatur, lineam ipsam secare, quod
quidem hoc pacto manifestum sit. Quae
enim ducitur recta, aut parallela est ipsi AB,
et aut non. Sit primo parallela, qualis ZHΘ. Fig.
 Fiat autem $\Delta H : HF = \Delta E$ ad aliam quandam, ^{15.}
 veluti K [ex prop. 12. lib. VI, Eucl.]; et
 centro quidem Γ , intervallo vero K quae
 descripta sit circumferentia, secet ZH in
 puncto Z ; et iungatur ΓZ . [Secare autem
 debet circumferentia rectam ZH , cum sit
 $\Delta H : HF = \Delta E : K$, h. e. ΓZ , atque permu-
 tando $\Delta H : \Delta E = H\Gamma : \Gamma Z$, et sic fiat $H\Gamma <$
 ΓZ] Est igitur [ex prop. 1. lib. VI, Eucl.]

$\Delta H:HT=\Delta Z:Z\Gamma$. Sed erat $\Delta H:HT=\Delta E:K$, h. e. EZ . Itaque [ex prop. 9. lib. V, Euclid.] $\Delta E=\Delta Z$; quod fieri non potest. Oportet enim punctum Z ad lineam esse.

At vero quae ducatur recta, parallela non sit, aequalis est MHN , et ducatur per punctum H , ZH ipsi AB parallela. Occurreret igitur ZH ipsi lineae, atque adeo multo magis MN .

Quae igitur cum ex instrumenti constructione consequantur, quod in rem nostram facit, hoc pacto demonstratur.

Fig. 16. Dato rursus angulo A , punctoque Γ extra ipsam ducere rectam EH , atque in ea KH datae aequalem efficere.

Ducatur a puncto Γ ad AB normalis HT , eaque producarum. Sit autem datae aequalis $\Delta\Theta$: et polo quidem Γ , intervallo autem data $\Delta\Theta$, denique regula AB describatur prima conchoides linea $E\Delta Z$. Concurret igitur cum ipsa AH , quemadmodum iam demonstratum est. Concurrat in puncto H , et iungatur TH . Aequalis est igitur KH datae.

Hocce problema quomodo ope lineae conchoidis apud Nicomedem perficeretur, posteaquam

quam ita ostensum est: ad ipsi: quæ ad hoc problema penitus reuocata est, Nicomedis mediarum proportionalium inueniendarum rationem describendam iussit petiti Eutocius, his quidam verbis.

Quæ cum sit demonstrata, dentur duæ Fig. rectæ $\Gamma\Lambda$, $\Lambda\Lambda$ ad angulos inter se inuicem rectos, quas inter duas medias continue proportionales inuenire oporteat. Compleatur parallelogrammum $AB\Gamma\Lambda$; et secetur vtræque AB , $B\Gamma$ in duas aequas partes punctis Δ , E ; et iuncta $\Delta\Lambda$ producat, atque concurrat cum ΓB producta in puncto H . Ipsi autem $B\Gamma$ ad angulos rectos fiat EZ ; et ducatur ΓZ aequalis ipsi $A\Delta$; et iungatur ZH , eidemque parallela $\Gamma\Theta$. Dato autem angulo $K\Gamma\Theta$, punctoque Z , ducatur recta $Z\Theta K$, quæ efficiat ΘK aequalem ipsi $A\Delta$ vel ΓZ . Hoc enim per lineam conchoidem fieri posse demonstratum est. Denique iuncta $K\Lambda$ producat, et concurrat in puncto M cum AB producta. Dico se habere $\Gamma\Lambda : K\Gamma = K\Gamma : MA = MA : \Lambda\Lambda$.

Cum $B\Gamma$ secta sit in puncto E in duas partes aequales, eique addita $K\Gamma$; est Rectang. $BK\Gamma + \text{Quadr. } \Gamma E = \text{Quadr. } EK$ [ex prop. 6.

lib. II. Eucl.]. Commune addatur Quadr. EZ.
 Tum erit Rectang. BKF \pm Quadr. FE \pm
 Quadr. EZ = Quadr. KE \pm Quadr. EZ, h. e.
 Rectang. BKF \pm Quadr. FZ = Quadr. KZ
 [ex prop. 47. lib. I. Eucl.]. Et cum sit [in
 triangulo quidem BMK, ex prop. 2. lib. VI.
 Eucl.] $MA : AB = MA : AK$, et $MA : AK$
 $= BG : GK$; erit etiam [ex prop. 11. lib. V.
 Eucl.] $MA : AB = BG : GK$. Est autem ipse
 quidem AB dimidia AΔ; ipse vero BG
 dupla ΓH, quoniam etiam AG ipse AΔ
 est dupla. [Est scilicet in triangulo HAG ex
 prop. 4. lib. VI. Eucl. $GA : GH = AB : BH$,
 et permutando ex prop. 16. lib. V. Eucl.
 $GA : AB = GH : BH$]. Erit igitur etiam
 $MA : AΔ = HG : GK$ *). Sed $HG : GK$
 $= ZO : OK$, propter parallelas HZ, ΓΘ
 [ex prop. 2. lib. VI. Eucl.]. Ideoque [ex
 prop. 11. lib. V. Eucl. $MA : AΔ = ZO : OK$,
 atque]

*) Quod si cui non satis manifestum sit, ita pro-
 lixius poterit demonstrari: Erat supra $MA : AB$
 $= BG : GK$. Vnde etiam $\frac{1}{2}MA : \frac{1}{2}AB = BG : GK$;
 et permutando $\frac{1}{2}MA : BG = \frac{1}{2}AB : GK$. Atque
 etiam $MA : 2BG = \frac{1}{2}AB : GK$. Vnde permutando
 $MA : \frac{1}{2}AB = 2BG : GK$. Est autem $\frac{1}{2}AB$
 $= AΔ$, et $2BG = ΓH$. Quare etiam $MA : AΔ$
 $= HG : GK$.

atque] componendo [ex prop. 18. lib. V. Eucl.] $MA : \Delta A = ZK : K\Theta$. Ponitur autem $\Delta A = \Theta K$, cum sit $\Delta A = \Gamma Z$. Est igitur [ex prop. 9. lib. V. Eucl.] etiam $MA = ZK$; ideoque Quadr. $MA =$ Quadr. ZK . Est autem Quadr. $MA =$ Rectang. $BMA \mp$ Quadr. ΔA [ex prop. 6. lib. II. Eucl.]. Ostensum autem est Quadr. $ZK =$ Rectang. $BK\Gamma \mp$ Quadr. ΓZ . Quare est Rectang. $BMA \mp$ Quadr. $\Delta A =$ Rectang. $BK\Gamma \mp$ Quadr. ΓZ . Est autem, sum posita sit $\Delta A = \Gamma Z$, etiam Quadr. $\Delta A =$ Quadr. ΓZ . Est igitur Rectang. $BMA =$ Rectang. $BK\Gamma$; ideoque $MB : BK = K\Gamma : \Delta M$ [ex prop. 14. lib. VI. Eucl.]. Est autem $BM : BK = \Gamma A : \Gamma K$ [ex prop. 4. lib. VI. Eucl.]. Vnde etiam $\Gamma A : \Gamma K = \Gamma K : \Delta M$ [ex prop. 11. lib. V. Eucl.]. At est etiam $\Delta F : \Gamma K = MA : \Delta A$ [ex prop. 4. lib. VI. Eucl.] Itaque erit $\Delta F : \Gamma K = \Gamma K : \Delta M = \Delta M : \Delta A$.

* * *

In hac, quam iam exposuimus, mediarum proportionalium inveniendarum ratione idem resumisse intelligitur *Nicomedes* diagramma, quod iam antea adhibuere Hero, Philo atque Apollonius;

nus; ipsarum autem linearum mediarum IK , AM constitutionem non quidem, quemadmodum hi, incertis tentaminibus, vel mechanico quodam artificio, sed idonea potius et constanti lineae suae conchoidis descriptione, eximie apud plerosque Geometrarum perfectionis et simplicitatis cum laude, est adsequutus.

Ceterum etiam hac sua conchoide usus esse perhibetur ad soluendum aliud non minus celebre problema, quod de anguli trisectione dicitur. Huius rei testis est (praeter Proclum in lib. I. Eucl. prop. 9, quem iam supra laudauimus) Pappus in collect. math. lib. III. prop. 4. (pag. 7); qui in alio libro non seruat etiam hanc Nicomedis demonstrationem descripsit forsitan vel potius adumbravit; quod certe conicere licet ex coll. math. lib. IV, post prop. 22, ubi dicit: *nos in Analemma Diotiori, cum vellemus angulum tripartito secare, praedicta linea usi sumus.* Quamuis igitur ipsa ratio, quam in adhibenda conchoide ad anguli trisectionem sequutus sit Nicomedes, non accuratius cognosci possit: tamen eam omnino ita comparatam fuisse, ut pariter ac supra in cubo duplicando ad hanc reuocaretur, qua inter crura dati anguli recta magnitudine data, quae producta transiret per datum punctum, ponenda ostenderetur, satis certo diuinari potest; adeo ut uni-
eidem.

eidemque difficultati subiectam vtriusque huius nobilissimi et in Geometria grauiissimi problematis, de cubi quidem duplicatione et de anguli trisectione, solutionem docuisse non immerito in laudem nostro Nicomedi vertatur. Confirmatus est etiam recentioribus temporibus hic lineae conchoidis ad constructionem problematum solidorum vsus grauiissimo summi Newtoni adsensu: qui, cum sola descriptionis facilitate, non vero aequationum, quae singulis curuis conuenirent, simplicitate aestimandum esse contenderet, quae curuae ad problematum constructiones prius essent admittendae, lineamque conchoidem nulli curuae praeter circulum hac descriptionis simplicitate et facilitate cedere censeret; ipse simili ratione, qua Nicomedes, praemissa quidem etiam eiusdem problematis lemmatici, quo inter datas duas lineas angulum comprehendentes recta datae longitudinis, quae producta transeat per datum punctum, ponenda exigitur, solutione per conchoidis et consectionum (quibus tamen conchoidem multo praefereendam ducit) descriptiones confecta, omnes tertii et quarti gradus aequationes summa perfectione et elegancia construere docuit. Conf. Newtoni Arithmetica vniuersalis, in appendice de aequationum constructione lineari, pag. 237 seqq. edit. Castillioni, Amsl. 1761. :.

CAP. XIX.

D I O C L E S.

Ex iis, qui nostri problematis perficiendi studio ad excogitandum et constituendum singulare linearum curvarum genus delati esse dicuntur, restat adhuc **DIOCLES**; de cuius aetate quae tradunt historiae mathematicae scriptores, quemadmodum reliqua, quae de ipso perhibent, (quae quidem, cum veterum auctorum testimonia fere penitus desint, satis pauca sunt eaque minus certa) ut ad paulo accuratius examen reuocentur, videtur necesse esse. Si enim, quod faciunt eorum plerique, ipsum quinto demum post Christum natum seculo vixisse adsumunt; (Conf. *G. I. Vossii* liber de scientiis mathematicis, Amst. 1660, pag. 331; *Heilbronneri* historia Matheseos vniuersae, Lips. 1742, pag. 381; *Montucla* Histoire des Mathematiques, Tom. I. p. 192 et 328; *eiusdemque* Histoire de la quadrature du cercle, pag. 258.) inde quod apud Pappum nulla Dioclis mentio fiat, hunc certe Pappo juniorem fuisse, argumentantes: hoc quam lubricum sit et vagum, iam per se satis apparet.

apparet. Aduersatur etiam illorum sententiae penitus, quod Pappo iam cognitam fuisse illam lineam Cissoïdem a Diocle inuentam ex nonnullis Collect. math. locis abunde perspicitur. Conferantur quae de nobilissimo problematum discrimine, quo in plana, solida et linearia dispescuntur, agunt lib. IV, prop. 30 (pag. 95) atque lib. III, prop. 4. (pag. 7), vbi, quod inter reliquos, quos laudet, nostri problematis soluendi auctores Dioclem penitus silentio praeterierit Pappus, non est profecto, quod mireris; quippe qui sine dubio suspensionem, ac si suam mediarum proportionalium inueniendarum rationem ex illa Dioclis adumbraverit, dum istam Dioclis ignorare simularet, quam maxime amouere cuperet. Sed vnde Dioclis aetas adhuc multo antiquior constituitur, est locus ille Procli laudatissimus (pag. 31), vbi in illis, quae ex Gemino transcribuntur, linearum diuisionibus non solum lineae Cissoïdis mentio fit, sed etiam huius lineae, quemadmodum quoque linearum conchoidum et spiricarum, ortum à Gemino in ipsius libris Geometricis iam explicatam fuisse indicatur *); ita ut qui ad hanc lineam constituentem indagando primus sit delatus, ipsius aetas vel

*) *ἐπεὶ*, dicit ibi Proclus de Gemino, καὶ τὰς γενέσεις τῶν σπειρικών γραμμῶν, καὶ τῶν κογχοειδῶν καὶ τῶν κισσοειδῶν παραδίδωσι.

vel in primum, quo ineunte floruerit Geminus, vel potius in secundum ante Christum natum referenda sit seculum. Ad quod igitur iam omnia redeunt, nostrum Dioclem etiam iure haberi Cissoïdis inuentorem; hoc nemo sane in controuersiam vocabit, qui paulo integrius inspexerit Dioclis, quae apud Eutocium descripta est, mediarum proportionalium inueniendarum rationem, cui quidem Cissoïdis, tanquam curuae recens inuentae nec Geometris adhuc cognitae, originem et constructionem explicatam praemittit; eandemque hanc sententiam amplexi sunt fere omnes recentioris aevi scriptores mathematici, paucis tantum exceptis, qui cissoïdis, ut conchoidis, inuentionem Geminio sine ulla auctoritate antiqua, adscripserunt. Vid. G. W. Krafftii Institutiones Geometriae sublimioris, Tubingae, 1753, pag. 38.

Sed ne quae contra totam hanc nostram argumentationem forte non sine aliqua veri specie moueri possint, cum a nemine adhuc usque prolata esse videantur, consulto a nobis occultari habeantur: ad illum Procli locum (pag. 31) ut denuo attentos faciamus lectores eruditos, necesse est, num quae ibi de Cissoïde tradantur, etiam lineae hodie hoc nomine celebratae conuenire intelligantur. Si enim paulo accuratius perijstra-

verimus

verimus totum istum locum (in cuius vberiore
 crisin, cum tot ac tantis fere penitus scateat
 mendis et corruptelis librariorum socordia admissis,
 hic descendere nimis longum foret): illud a nobis
 mox erit animaduersum, a Gemino, cuius varias
 de linearum diuisionibus sententias ibi adfert
 Proclus, Cissoidem appellari lineam *compositam*
 (σύνθετον) i. e. *refractam angulumque efficientem*
 (κεκλασμένην καὶ γωνίαν ποιοῦσαν), atque quae
 (quemadmodum etiam circulus et ellipsis) *figuram*
describat *); moxque rursus (secundum aliam diui-
 sionem) lineam *missam*, (cuius quidem definitionem
 Geminus ipse pag. 29 ita constituit, vt sit linea,
 quae ex dissimilibus oriatur motibus, ἐξ ἀνομοίων
 κινή-

*) In editione Procli cum haec nimis vitiose expressa
 legantur, immo etiam post verba illa: καὶ γωνίαν
 ποιοῦσαν, multa penitus omissa sint, quo totius
 loci sensus admodum turbatur: graeca ipsa resti-
 tuta et emendatius descripta hic subiungimus.
 Διαίρει δὲ αὐτὴν γραμμὴν ὁ Γεμίνος, πρῶτον μὲν
 εἰς τὴν ἀσυνθέτον καὶ τὴν σύνθετον. καλεῖ δὲ σύν-
 θετον τὴν κεκλασμένην καὶ γωνίαν ποιοῦσαν· τὰς δὲ
 λοιπὰς αὐτῶν πᾶσας, ἀσυνθέτους· ἔπειτα δὲ τὴν
 σύνθετον (scil. διαίρει) εἰς τὴν σχῆμα ποιοῦσαν, καὶ
 τὴν ἐπ' ἑαυτὸν ἐμβαλλομένην, σχῆμα λέγων ποιεῖν
 κυκλικὴν, τὴν τοῦ θύρακος, τὴν κίττισιδῃ· μὴ ποιεῖν
 δὲ cett.

κινήσεων; ad quam igitur, praeter rectam et circula-
rem, quas lineas *simplices* appellarunt veteres, omnes reliquae lineae huc referendae) *quae in plano descripta in sese concurrat.* (τῆς δὲ μικτῆς, τὴν μὲν ἐν τοῖς ἐπιπέδοις εἶναι, τὴν δὲ ἐν τοῖς στερεοῖς καὶ τῆς ἐν ἐπιπέδοις, τὴν μὲν ἐν αὐτῇ συμπίπτειν, ὡς τὴν κισσοειδῆ, τὴν δὲ ἐπ' ἀπειρον ἐκβάλλεσθαι cett.)

Quae quidem omnia quomodo in nostram Cissoidem cadere possint, paulo accuratiori disquisitione sane indigere videtur. Est autem illius ante omnia ratio habenda, ne, in quo saepissime peccatur, istam perfectam et absolutam huius lineae cognitionem, qualis recentiorum Geometrarum studiis eruta est, atque nimirum faciliorem et perfectiorem, quae a Newtono primum constituta est, huius lineae constructionem, qua lineam asymptoton nata in infinitum producit, atque quidem lineis tertii gradus adnumeratur, (vid. Newtoni Arithmetica vniversalis, edit. Castellionei, Amst. 1761. tom. I, pag. 256 sqq.) antiquis illis temporibus iam attribuamus. Fuit potius apud antiquos linea Cissoides ab ea recentiorum ita fere diuersa, vt ipsam tantum tanquam lineam in circulo descriptam contemplantur, quam vero extra circulum producere nescirent; quod etiam per-
spici.

spectatur ex ipsa Dioclia huius lineae construendae
 ratione, quae alias cum illa Newtoni plane ad
 unum idemque redit. Praeterea etiam linea illa
 $\Delta\Theta Z$ (vide fig. 19.) non constituit integram Cif-
 foidem, sed tantum unum ipsius crus, quod cum
 altero crure $Z\Gamma$ in altero circuli quadrante de-
 scribendo unam demum effecit lineam Cissoidem;
 ita ut haec linea ad unum solens signum Z re-
 fracta esset, angulumque $\Gamma Z \Delta$ efficeret, atque sic
 etiam figuram constitueret, quae vel altera linea
 Cissoide in opposito semicirculo $\Gamma E \Delta$ descripta,
 vel tantum hoc ipso semicirculo aut eius diame-
 tro $\Gamma \Delta$ concludi habita est. Idonea de hisce omni-
 bus testimonia suggerunt loca nonnulla Procli
 pag. 35, ubi in Euclidis definitione de angulo
 plano deprehendit, quod haec definitio non con-
 cedat, ab una linea angulum constitui, atque
 pro exemplo Cissoidem laudat, quae, quamvis
 una sit linea, angulum tamen efficiat, (*καὶ τοίγῃ
 ἡ κισσοειδὴς μία αὖσα ποιεῖ γωνίαν*) addens simul:
 "totam enim Cissoidem vocamus, non autem
 eius particulas (ne aliquis dicat, has coeuntes
 angulum facere) cett." (*ἐπεὶ γὰρ ἁλὼν κισσοειδῆ
 παροῦμεν, ἀλλ' οὐ τὰ μέρη αὐτῶν, ἵνα (μὴ)
 λέγουσι, ὅτι ταῦτα ποιεῖ τὴν γωνίαν συνιόντα*);
 atque ibidem (pag. 35.) paulo ante (ubi etiam
 causa, unde haec linea nomen duxerit, explica-

tur) de angulorum planorum diuisione loquutus, qua vel a lineis simplicibus, vel a mistis, vel ab utrisque comprehendantur, exemplis illustraturus ita pergit: "Si vero lineae Cissoïdes ad vñum conuēntes signum, sicut hasderas folia (illinc enim denominationem habuere) angulum fecerint, a mistis utique lineis talis comprehenditur angulus." (ὅταν δὲ αἱ κισσοειδῆς γραμμαὶ συνήκουσιν πρὸς τὸ σημεῖον, ὁσπερ τὰ τοῦ κισσοῦ φύλλα (καὶ γὰρ τὴν ἐπιωνυμίαν ἔχουσιν) ποιῶσι γωνίαν, ὑπὸ μικτῶν ἢ τοιαύτη δῆπου περιέχεται γραμμῶν.

Quae cum ita sint, nulla amplius dubitandi ratio superesse videtur, quin, cuius Cissoïdis proprietates in loco illo Procli (pag. 31.) ex Geminō cognoscantur, haec eadem sit, quae Dioclis, ideoque hic noster Geometra Geminō saltem antiquior sit accipiendus.

Primus autem et vnus auctor antiquus, apud quem nostri Dioclis mentio fit, est Eutocius Ascalenita, qui in commentario in Archimedis de sph. et cyl. libros duorum grauissimorum problematum soluendorum exponit Dioclis rationes: quarum quidem prior est problematis nostri ad Archim. de sph. et cyl. lib. II, prop. 2. (pag. 138 sq. edit. Oxon.); altera vero illius, quo sphaera ad datam

datam rationem interfecanda proponitur, ad lib. H, de sph. et cyl. prop. 5. (pag. 171. edit. Oxon.), vbi quam Archimedes huius problematis solutionem alio loco exhibere pollicitus sit, cum non inueniretur, illam, quam concinnarit Diocles vna cum alia Dionysiodori descriptam adiunxit doctus ille commentator.

Ceterum utriusque problematis illae Dioclis solutiones ex libro ipsius *περὶ Πύρρων* inscripto petita laudantur; qua quidem voce videtur nihil aliud significari, quam quoddam proprium machinarum tormentoriarum genus; quo inprimis sagittae incendiariae (*οἷσται πύρφοροι*) vel lapides rebus ardentibus aut ignem facillime concipientibus instructi (*λίθοι πυροβόλοι*) emitterentur (vnde tales machinae etiam omnino *πυροβόλα*, quemadmodum balistae *λιθοβόλα*, videntur esse appellatae) ad incendendas hostium vrbes, naues, muros, fossas cett. Conf. Vet. Mathemat. edit. Thevenoti, Paris. 1693. pag. 17, 142 et 329.

Harum igitur machinarum doctrina, cum quoad ipsarum constructionem et fabricam fere eadem esset, quae catapultarum balistarumque: eadem forsah, quae ceteris Architectis, etiam nostro Diocli existit in isto libro causa et occasio (ad harum quidem machinarum effectum consti-

tuendum) in cubi duplicationem disquirendi. Let-
gitur autem Diochlis solutio huius problematis
apud Eutocium fere ita:

* * *

Fig.
18.

Ducantur in circulo duae diametri AB ,
 $\Gamma\Delta$, ad angulos inter se inuicem rectos;
et abscindantur ab utraque parte puncti B
aequales duae circuli circumferentiae EB ,
 BZ ; et per punctum Z parallela ipsi AB
ducatur ZH , et iungatur ΔE . Dico rectas
 ZH , $H\Delta$ duas proportionales medias esse
inter ΓH , $H\Theta$.

Ducatur enim per punctum E ipsi AB
parallela EK . Est igitur tum $EK = ZH$,
tum $K\Gamma = H\Delta$. Quod quidem manifestum
erit ductis lineis rectis a puncto A ad E et
 Z . Est enim [in triangulis EKA , ZHA]
 $\text{Ang. } \Gamma AE = \text{Ang. } Z\Lambda\Delta$ [ex prop. 27. lib.
III. Eucl. quoniam $BE = BZ$, ideoque $E\Gamma$
 $= Z\Delta$], et $\text{Ang. } K = \text{Ang. } H = \text{Recto}$.
Quare, cum sit $\Lambda E = \Lambda Z$, omnia etiam
omnibus aequalia sunt [ex prop. 26. lib. I,
Eucl.; atque quidem $KE = HZ$, et $K\Lambda =$
 ΛH]; ideoque etiam [cum sit $\Lambda\Gamma = \Lambda\Delta$] re-
liqua $K\Gamma =$ reliquae $H\Delta$. Quoniam igitur

ΔK

$\Delta K : KE = \Delta H : H\Theta$ [ex prop. 4. lib. VI, Eucl.]; et $\Delta K : KE = EK : K\Gamma$ [ex prop. 8. lib. VI, Eucl.]; ideo erit $\Delta K : KE = EK : K\Gamma = \Delta H : H\Theta$ [ex prop. 11. lib. V, Eucl.]. Est autem tum $K\Delta = H\Gamma$ [quod quidem elicitur, cum inuentum sit supra $K\Gamma = H\Delta$, si vtrinque addatur HK], tum $KE = ZH$, tum $K\Gamma = H\Delta$. Vnde fiet $\Gamma H : HZ = ZH : H\Delta = \Delta H : H\Theta$.

Itaque si ab vtraque parte puncti B sumantur circumferentiae aequales MB, BN; et per punctum N ipsi AB parallela ducatur NE, iungaturque ΔM ; erunt rursus inter ΓE , $E\Theta$ mediae proportionales NE, $E\Delta$.

Si autem hoc pacto ducantur inter puncta B, Δ plures parallelae, eaeque continuae; et ponantur circumferentiis, quae ab his [parallelis] abscindantur, ad punctum B aequales aliae a puncto B ad Γ circumferentiae; atque ad [quae ita inter puncta B, Γ sint] constituta puncta iungantur a puncto Δ rectae, veluti ΔE , ΔM : secabuntur parallelae, quae inter puncta B, Δ interiiciuntur, in quibusdam punctis, cuiusmodi sunt in apposita figura O, Θ . Quae puncta si admota regula rectis lineis iuncta fuerint,

habebimus descriptam in circulo quandam lineam, in qua sumto quolibet puncto, ductaque per ipsum recta ipsi AB parallela; erunt quae ducta est, et quae per ipsam abscinditur a diametro versus punctum Δ mediae proportionales inter eam, quae item per ipsam abscinditur a diametro versus punctum Γ , eamque ipsius partem, quae puncto in linea sumto et diametro $\Gamma\Delta$ concluditur.

Fig.
19.

His ita confectis, sint datae duae rectae A, B , quas inter duas medias proportionales inuenire oporteat. Sit autem circulus, in quo duae diametri $\Gamma\Delta$, EZ ad rectos angulos se inuicem secant; et describatur in eo, quae per continua puncta, vt supra dictum est, constituitur linea $\Delta\Theta Z$; et fiat [ex prop. 12. lib. VI, Eucl.] $A:B = \Gamma H:HK$; iunctaque ΓK eademque producta lineam ipsam secet in puncto Θ ; et per punctum Θ ducatur ipsi EZ parallela ΛM . Itaque ex his, quae supra dicta sunt, inter $\Gamma\Lambda$, $\Lambda\Theta$ mediae proportionales sunt $M\Lambda$, $\Lambda\Delta$. Et quoniam est $\Gamma\Lambda:\Lambda\Theta = \Gamma H:HK$ [ex prop. 4. lib. VI, Eucl.]; et $\Gamma H:HK = A:B$; [ideoque etiam $\Gamma\Lambda:\Lambda\Theta = A:B$] si mediae inter
 A, B

A, B interficiantur N, E pro eadem illa
 ratione, quam inuicem habent $\Gamma A, \Delta M$,
 $\Delta \Delta, \Lambda \Theta$ [i. e. si constituatur ex prop. 12.
 lib. VI, Eucl. $\Gamma A : \Delta M = A : N$, et $M \Delta : \Delta \Delta = N : E$, ideoque $\Delta \Delta : \Lambda \Theta = E : B$]; sumitae
 utique fuerint inter A, B mediae proportio-
 nales N, E. Quod facere oportebat.

CAP. XX.

P A P P V S.

Tertius liber *collectionum mathematicarum*, (συ-
ναγωγῶν μαθηματικῶν; quo quidem opere colli-
gendis multis celebriorum Mathematicorum in-
ventis nimis dispersis nec satis notis, atque illu-
strandis vel supplendis singulis ipsorum scripto-
rum locis idoneam atque illis temporibus, quibus
vixit, sane insolitam Geometriae cognitionem,
necnon saepius insigne ingenii acumen et soller-
tiam ostendisse, atque sic de vniuersa Mathesi,
inprimis autem de eius historia antiqua optime
meruisse habendus est *Pappus*, qui exeunte seculo
quarto Theodosio Magno imperante inclauit, vt
testatur Suidas in voce Πάππος, pag. 424, tom. 2.
edit. Colon. Allobrog. 1619; necnon in voce Θέων,
pag. 1307, tom. 1.) quemadmodum omnino de
mediarum proportionalium doctrina disquisitiones
continet multas et varias, exhibet etiam vberio-
rem problematis de cubi duplicatione, siue de
inueniendis duabus mediis continue proportiona-
libus tractationem, quae quidem statim huius libri

prae-

praefationem excipit. Posteaquam autem in hac praefatione quaedam praemisit Pappus, quae in proponendo theoremate vel problemate (quorum differentiam explicat contra Geometras antiquos, quorum alii problemata omnia, alii theoremata esse dixerint; conf. Proclus in I. Eucl. pag. 22) Geometrae omnino essent observanda: a quibusdam eorum, qui mathematicas scientias profiterentur, nonnullas adfirmat propositiones, de quibus et similibus ipse in hoc coll. math. libro demonstrationes adferre deberet, imperite esse determinatas; atque igitur primum huius libri problema (quod est problema nostrum) aliquem, qui magnus Geometra videretur, dum illud per planorum contemplationem solvere se dixisset, in-scite determinasse. Huius igitur auctoris *anonymi* constructionem, quamvis satis inconcinnam et prorsus vanam, ne quid tamen ad pleniorum huius problematis historiam a nobis praetermissum videatur, hic subiicere non pigebit.

* * *

Sint duae rectae lineae AB, AC ad rectos Fig.
inter se angulos: et a puncto B ducatur BD ^{20.}
ipsi AC parallela: ponaturque $AB = BD$,
et iungatur DC, quae ipsi BA in E occurrat.

A

A puncto E autem ducatur EH parallela ipsi AC; producaturque BD; et a puncto D ducatur DG parallela ipse BE, et ponatur $BD = DN = NL = LX = XK$. Deinde per puncta N, L, X, K ducantur NO, LM, XP, KH ipsi BE parallelæ; et ponatur $KR = BA$, seceturque bifariam in puncto S; et fiat $KH : HS = SH : HT$; atque $SH : HT = TH : H\Phi$; et a recta linea XP auferatur $QX = AB$, iunganturque QK, Q Φ ; atque a puncto S ipsi Q Φ parallela ducatur S Ψ . A puncto Ψ autem ducatur $\Psi\Omega$ parallela ipsi KX, et sit $LM : M\Omega = \Omega M : M\alpha$, atque $\Omega M : M\alpha = \alpha M : M\beta$; et ab ipsa ON auferatur $N\gamma = AB$; iunganturque γL , $\gamma\beta$. Deinde a puncto Ω ipsi $\beta\gamma$ parallela ducatur $\Omega\delta$, et a δ ipsi LN parallela $\delta\epsilon$, atque sit $DG : G\epsilon = \epsilon G : G\zeta$; et $\epsilon G : G\zeta = \zeta G : G\vartheta$, iungaturque ϑC , et ipsi ϑC parallelæ ducantur $\zeta\kappa$, $\epsilon\lambda$. Postremo ducantur a punctis κ , λ ipsis AC, BD parallelæ $\kappa\mu$, $\lambda\nu$. Ostendendum est ipsarum AC, BD medias proportionales esse $\mu\kappa$, $\nu\lambda$.

Haec

Haec igitur ab illo virbo fuere conscripta, sed sine demonstratione, quam quidem postea exhibere promissit, Pappoque nostro tradita; qui, ut interim de proposita constructione responderet, iudicisque partes susciperet, et ab ipso auctore et ab Hieronymo Philosopho eiusque amicis rogatus ipsam accuratiori et prolixiori examine expendendam aggreditur.

Ostendit autem primum, illum non recte sed perperam constructione usus esse. Bisariam enim secta linea recta RK in S , ubi constitueretur $KH : HS :: SH : HT :: TH : HO$, punctum sectionis in recta proportionem, velut Φ non inveniri posse, nisi prius (quod neglexerit) posita fuerit ratio $KH : HR$ h. e. $BE : EA$. Quae autem si posita concederetur, datum esse punctum Φ , quod tamen vel inter HR vel inter RT manifesto cadere deberet. Hoc igitur numeris adhibitis ita elicit, ut omnis proportio ipsius $BE : EA$ vel ipsius $KH : HR$, quae sit quadrupla vel minor, efficiat hoc sectionis punctum Φ inter RH ; quae vero sit quintupla, vel maior efficiat sectionis punctum inter RT ; ideoque sectionis punctum in R cadere non adsumi possit: quod et ille vit dicere non ausus sit, qui alias ipse per sese redargueretur sumens quaesitum ut concessum.

Demon-

Demonstrat hoc adhuc paulo fufius, recta linea nimirum existente HK et puncto in ipfo R, et inter RK duo puncta veluti T, S non sumi poffe per contemplationem eam, quae in plano fiat, ita ut fit $KH : HS = SH : HT = TH : HR$, sed hoc problema potius solidum effer. Quod igitur quamvis perfexerit vir ille, ideoque fomferit fectionis punctum inter HR ad Φ , eum tamen nihilominus in reliqua constructione in eandem hanc difficultatem imprudenter delapfum effer, quod quidem in fequentibus confirmat Pappus, in viderem ficut et magis idoneam huius constructionis expofitionem et calligationem digreffus. Quoniam igitur, inquit, data eft proportio KH:HR, atque eft data KH (hoc enim ponere oportet) data erit et HR et reliqua RK, unde et SR, quae dimidia eft ipfius RK. Erat autem et RH data: erit igitur et tota HS data. Quare et data proportio KH:HS, atque eft [ex prop. 11. lib. VI. Eucl.] $KH : HS = SH : HT$. Et data eft SH, ut oftensum fuit. Ergo et HT erit data. Eadem ratione data erit et H Φ ; quare et data differentia rectarum linearum HR, H Φ : et inuentum eft Φ inter HR, ficut et per numeros demonstratum iam fuit. Et quoniam data eft differentia ΦR , et recta linea coniungens RQ, quae eft aequalis ipfi XK, datum erit fpecie et magnitudine

dñe triangulum rectangulum ΦQR . Datus est
 igitur angulus $R\Phi Q$, qui est aequalis angulo
 exteriori $KS\Upsilon$ [ex prop. 29. lib. I. Eucl.]. Ergo
 et producta $\Omega\Upsilon$ ad F , datum erit $SF\Upsilon$ trian-
 gulum rectangulum et specie et magnitudine.
 Quoniam enim data est utraque ipsarum RK ,
 RQ ; data erit et QK ; et proportio $QK:K\Upsilon$
 est data, quod eadem sit datæ proportioni
 $\Phi K:KS$. Quare et data ΥK . Sed et ΥS est
 data, liquidem et $\Phi K:KS = \Phi Q:\Upsilon S$. Et
 ostensa est data ΦQ . Data igitur et ΥS . Erat
 autem et angulus ΥSK datus. Ergo et trian-
 gulum rectangulum ΥSF specie et magnitudine
 dabitur. Quare et ΥF parallela ipsi XK et in
 directum ipsi $\Upsilon\Omega$. Data igitur et $\Omega L = FK$.
 Et quoniam est $HK = ML$; ΩL autem $< SK$,
 est enim $\Omega L = FK$; atque est $KH:HS =$
 $SH:HT = TH:H\Phi$; at $LM:M\Omega = \Omega M:Ma$
 $= aM:M\beta$; erit $M\beta > H\Phi$, etenim et hoc
 deinceps demonstrabitur. [Vid. infra prop. 2.
 huius libri III. coll. math.] Ergo et reliqua
 $\beta L < \Phi K$. Rursum quoniam data est ΩL , cum
 ostensa sit aequalis ipsi FK datæ; data autem
 et $LM = HK$; erit proportio $LM:M\Omega$ data.
 Atque est $LM:M\Omega = \Omega M:Ma$; et data est
 ΩM , ergo et Ma dabitur. Eadem ratione da-
 bitur quoque $M\beta$; quare et punctum β est datum;
 quod

quod positum sit, vbi vult, vel inter VM , vt nunc est, vel inter $V\alpha$, nempe posita recta $VL = KR = AB = QX = \gamma N$. Si enim dicit β cadere in V , quaesitum nihilominus vt concessum sumit. Apparet namque rursus in recta linea ML positione data, et puncto aliquo in ipsa dato V , sumere inter LV duo puncta Ω, α , et facere $LM : M\Omega : \Omega M : M\alpha = \alpha M : MV$, quod nullus ipsorum concedit.

Quibus adhuc antiquorum Geometrarum auctoritate confirmatis, simili denique ratione etiam constituit $DG : G\epsilon = \epsilon G : G\zeta = \zeta G : G\vartheta$, vbi punctum ϑ (posita $D\tau = VL = RK = AB$) vel inter $G\tau$, vel inter $\tau\zeta$ caderet, ideoque angulus CDG esset vel obtusus vel acutus, atque sic rectae $C\vartheta, \alpha\zeta, \lambda\epsilon$ ipsi GE non fierent parallelae, quippe non ad angulos rectos constitutae, secundum quos duntaxat problema efficeretur.

* * *

Quae cum ita ad refellendam illam Geometrae anonymi constructionem satis prolixè sint expòsita, posteaquam adhuc nonnulla theoremata, quae supra posuerat, demonstrauit, ad ipsum problema nostrum atque antiquorum Geometrarum de ipso soluendo sententias se conuertit.

Decla-

Declarato autem illo problematum geometricorum discrimine, quo in plana, solida et linearia dispescuntur, antiquis tradit Geometras nostrum problema solidum esse afferentes, eorum quidem alios ipsum instrumentis in operationem manua-lem et commodam aptamque constructionem tra-duxisse, alios vero per con- sectiones vel per lineam conchoidem: neminem autem per ea, quae proprie plana appellarentur. Quae ut melius in- telligantur, trium Geometrarum antiquorum, Era- tosthenis, Nicomedi et Heronis huius proble- matis solvendi rationes descriptas exhibet, quibus adhuc aliquam ab ipso inventam adjungit. Legi- tur autem haec Pappi solutio repetita in harum collectionum math. lib. VIII. prop. 11. (p. 463 sq.) nec omissa est ab Eutocio ad Archimed. de sph. et cyl. lib. II. prop. 2. (pag. 139 sq. edit. Oxon.), qui vero ipsam, cum Pappi citet *ἡτοιμασμένην*, ex hoc VIII. coll. math. libro, qui *ἡτοιμασμένη* fuit inscriptus, petiisse videtur. Ceterum cum Eutocius in describenda hac Pappi solutione quam maxime diligens et fidus fuisse perspiciatur, ita ut prorsus nihil mutarit: in ipsa exponenda hunc Eutocium graece editum sequi maluimus, quam mendosam Pappi versionem latinam.

Fig.
21.

Describatur semicirculus $AB\Gamma$, et a centro Δ ad rectos angulos ducatur ΔB ; et moueatur regula circa punctum A , ita ut vnus quidem eius terminus clauo cuidam ligneo ad punctum A infixus sit, reliqua vero pars circa hunc clauum tanquam centrum inter puncta B et Γ circumagatur. His hoc modo constructis, propositum sit duos cubos inuenire, qui datam inter se inuicem rationem habeant. Fiar ratio, quam habet $B\Delta$ ad ΔE , eadem, quae data; et interiecta ΓE producat ad punctum Z . Moueatur autem regula inter puncta B , Γ , vsque eo, donec pars eius interiecta inter rectas $Z E$, $E B$ aequalis sit parti illi, quae inter rectam $B E$ et circumferentiam $B\Gamma$ interiicitur. Hoc enim tentando transferendoque regulam facile assequemur. Itaque factum sit, et regula eo, quo AK , situ iaceat, ita ut sit $H\Theta = \Theta K$. Dico cubum constructum ex recta $B\Delta$ ad cubum ex recta $\Delta\Theta$ datam habere proportionem, hoc est eandem, quam $B\Delta$ ad ΔE .

Intelligatur enim circulus completus effe-
iunctaque $K\Delta$, eademque ad punctum A pro-
ducta, iungatur AH . Parallela est igitur
 $B\Delta$ ipsi AH , eo quod et $K\Theta = H\Theta$, et

$$K\Delta =$$

Q

$KA = AA$. [in triangulo quidem HKA , ex
 prop. 2. lib. VI. Eucl.] Iungantur AA et
 AT . Quoniam igitur angulus rectus est $AA\Gamma$,
 utpote qui semicirculo insistit, [ex prop. 31.
 lib. III. Eucl.] et normalis AM [cum sit
 parallela ipsi BA normali]; erit Quadr. AM ;
 Quadr. MA ; hoc est. [ex cor. 2. prop. 20.
 lib. VI. Eucl.] $\Gamma M : MA = \text{Quadr. } AM :$
 $\text{Quadr. } MH$. Etenim est [cum angulus AAH
 semicirculo insistens sit rectus, et AM nor-
 malis, ex cor. prop. 8. lib. VI. Euclid.]
 $AM : MA = AM : MH$; ergo etiam [ex
 prop. 22. lib. VI. Eucl.] Quadr. $AM : \text{Quadr.}$
 $MA = \text{Quadr. } AM : \text{Quadr. } MH$; ideoque
 [ex prop. 11. lib. V. Eucl.] Quadr. $AM :$
 $\text{Quadr. } MH = \Gamma M : MA$. Communis adda-
 tur $AM : MH$. Erit igitur $\Gamma M : MA \mp$
 $AM : MH$; hoc est [ex def. 7. lib. VI. Eucl.]
 $\Gamma M : MH = \text{Quadr. } AM : \text{Quadr. } MH \mp$
 $AM : MH$. Sed Quadr. $AM : \text{Quadr. } MH$
 $\mp AM : MH = \text{Cub. } AM : \text{Cub. } MH$ *).
 Ergo
 *) Cubi enim omnes (quemadmodum omnino prismata
 et pyramides) sunt inter se in proportionem compo-
 sitam ex proportionibus tum basium tum altitudinum.
 Conf. Kestneri V. S. Elementa Geometriae, prop.
 370 cor. 2. Huius theorematism demonstrationem in

Ergo etiam $\Gamma M : MH = \text{Cub. } AM : \text{Cub. } MH$ [ex prop. 11. lib. V. Eucl.] Sed [ex prop. 4. lib. VI. Eucl.] $\Gamma M : MH = \Gamma \Delta : \Delta E$, et $AM : MH = A\Delta : \Delta \Theta$. Igitur etiam [cum sit $B\Delta = A\Delta = \Gamma\Delta$] $B\Delta : \Delta E = \text{Cub. } B\Delta : \text{Cub. } \Delta \Theta$. Est autem $B\Delta : \Delta E$ ratio data. Cum igitur inter rectas $B\Delta$, ΔE duae proportionales mediae inueniendae sint, restarum secunda est $\Delta \Theta$ [ex cor. prop. 33. lib. XI. Eucl.]. Quodsi [ex prop. 11. lib. VI. Eucl.] fiat $B\Delta : \Delta \Theta = \Theta \Delta : \text{aliam quandam}$, haec erit tertia.

* * *

Cete-

elementis Euclidis non inuenimus, quamuis ea facillime elici possit ex iis, quae in duodecimo libro traduntur. Monet Commandinus in nota ad hunc Pappi locum, se hoc theorema demonstrasse in libro de centro grauitatis solidorum, prop. XXI. Legitur haec Commandini demonstratio etiam in ipsius commentario ad librum Archimedis de conoid. et sphaeroid. prop. XI, ubi Archimedes hoc theorema tanquam iam ab antiquioribus Geometris demonstratum praemissit. Vid. Archimedis opera nonnulla a Fed. Commandino nuper in latinum conuersa et commentariis illustrata, Venet. 1558, commentariorum fol. 35.

Ceterum monet adhuc Eutocius, hanc constructionem eandem esse atque illam Dioclis, et hoc vno eas inter se differre, quod ibi quidem Diocles, descripta linea quadam inter A et B per continua puncta, sumat in ea punctum H producta ΓE eademque lineam praedictam secante; hic vero Pappus id punctum exhibeat circumacta circa punctum A regula AK. Quod enim (pergit) punctum H idem sit, utcumque sumatur, siue ut Diocles praecipit, siue ut Pappus regulae ope, ita facile colligitur. Producta MH ad punctum N, iungatur KN. Quoniam igitur est $K\Theta = \Theta H$, et HN ipsi ΘB parallela; ideo etiam est $K\Xi = \Xi N$ [ex prop. 2. lib. VI. Eucl.]. Communis est autem ΞB , eademque ad rectos angulos: nam KN ab ea, quae per centrum ducitur, in duas aequas partes et ad rectos angulos secatur [vid. prop. 3. lib. III. Eucl.]. Aequalis est etiam basi basis [in triangulis quidem ΞBK , ΞBN , ex prop. 4. lib. I. Eucl.], et propterea circumferentiae BN circumferentia KB [ex prop. 24. lib. III. Eucl.]. Punctum igitur H idem est, quod in linea Dioclis: quin etiam demonstratio eadem fuerit. Dicebat enim Diocles esse $\Gamma M : MN = NM : MA = AM : MH$. Est autem $MN = MA$; diameter enim eam ad rectos angulos secat [ex prop. 3. lib. III. Eucl.]. Quare $\Gamma M : M\Gamma = \Gamma M : MA = AM : MH$. Pro-

portiones igitur mediae inter ΓM , MH sunt
 ΓM , MA . Sed [ex prop. 4. lib. VI. Eucl.] est et
 $\Gamma M : MH = \Gamma \Delta : \Delta E$; et $\Gamma M : MA = \Lambda M : MH$,
 [cum in triangulis $\Lambda M \Gamma$, $\Lambda M H$ anguli ad punctum
 M sint recti, anguli vero $M \Gamma \Lambda$, $M \Lambda H$ aequales,
 quippe aequalibus circumferentiis ΓK , $\Lambda \Lambda$ insisten-
 tes, ex prop. 27. lib. III. Eucl.] hoc est $\Gamma \Delta : \Delta \Theta$
 [cum sit $\Gamma \Delta = \Lambda \Delta$]. Cum igitur inter rectas
 $\Gamma \Delta$, ΔE duae mediae inueniendae sint, rectarum
 secunda est $\Delta \Theta$; quam quidem et Pappus exhibuit:

CAP. XXI.

S P O R V S.

Ingeniosam illam et solertem Dioclis et Pappi duarum mediarum continue proportionalium inter duas datas constructionem adumbrando sequutus est SPORVS, siue vt in alijs Eutocii codd. scribitur PORVS NICAENVVS, qui adhuc solus nobis restat ex antiquis Geometris, quorum de illo problemate disquisitiones recenset Eutocius. Videtur autem paulo seriori aetate, quam Pappus, vixisse; citaturque ab Eutocio sub finem commentarii in Archimedes de circuli dimensione (pag. 216. edit. Oxon.) ipsius *απορίων* liber, in quo reprehendisse dicitur Archimedes, quod non accurate inuenerit, cui rectae lineae circuli circumferentia esset aequalis; laudans simul praeceptorem suum, Philonem Gadarensem, rem ad accuratiores numeros perduxisse, quam si essent, quos Archimedes proposuerit.

Ceterum antiqua de *Spora* testimonia exstant adhuc apud Scholiasten Arati et Leontium de sphaera Arati ad vers. 541 et 1091, (vid. Arati editio no-

vissima cur. Ioan. Theoph. Buhle, V. Cel. Lips. 1793, pag. 125, 244 et 258.) vbi commentator (ὁπομνηματιστής) Arati appellatur.

Ratio autem eius inueniendarum duarum mediarum continue proportionalium apud Eutocium (pag. 141. edit. Oxon.) ita explicatur.

* * *

Fig.
22.

Sint datae duae rectae inaequales AB, BG. Oportet autem inter AB, BG duas proportionales medias proportionem continuam inuenire. Ducatur a puncto B ipsi AB ad angulos rectos $\triangle BE$; et describatur centro quidem B, intervallo vero BA semicirculus $\triangle AE$. Deinde recta a puncto E ad Γ iuncta producat ad punctum Z; et a puncto Δ ducatur recta quaedam eiusmodi, ut sit $H\Theta = \Theta K$. Hoc enim fieri potest. Ducantur denique a punctis H, K ad ΔE normales HA, KNM.

Quoniam igitur est $K\Theta : \Theta H = MB : BA$ [in triangulo quidem $K\Delta M$, ex prop. 2. lib. VI. Euclid.], et $K\Theta = \Theta H$; ideo etiam $MB = BA$, et reliqua $ME =$ reliquae $\Delta\Delta$. Igitur etiam nota $\Delta M =$ toti ΔB ; et propterea $M\Delta : \Delta\Delta = \Delta E : EM$. Sed [ex prop. 4. lib. VI. Eucl.]

Eucl.] $M\Delta : \Delta\Lambda = KM : H\Lambda$; et $\Lambda E : EM = H\Lambda : NM$. Rursus quoniam [ex cor. prop. 8. lib. VI. Eucl.] $\Delta M : MK = KM : ME$; ideo [ex cor. 2. prop. 20. lib. VI. Eucl.] $\Delta M : ME = \text{Quadr. } \Delta M : \text{Quadr. } MK$, hoc est [ex prop. 4 et 22. lib. VI. Eucl.] $\text{Quadr. } \Delta B$, siue $\text{Quadr. } AB : \text{Quadr. } B\Theta$; est enim $\Delta B = BA$. Rursus quoniam $M\Delta : \Delta B = \Lambda E : EB$, et $M\Delta : \Delta B = KM : \Theta B$, et $\Lambda E : EB = H\Lambda : \Gamma B$; ideo etiam [ex prop. 11. lib. V. Eucl.] $KM : \Theta B = H\Lambda : \Gamma B$, et permutando $KM : H\Lambda = \Theta B : \Gamma B$. Sed [ex prop. 4. lib. VI. Eucl.] $KM : H\Lambda = M\Delta : \Delta\Lambda$, hoc est, $\Delta M : ME$, hoc est $\text{Quadr. } AB : \text{Quadr. } B\Theta$. Igitur etiam [ex prop. 11. lib. V. Euclid.] $\text{Quadr. } AB : \text{Quadr. } \Theta B = B\Theta : B\Gamma$. Sumatur [ex prop. 13. lib. VI. Euclid.] inter ΘB , $B\Gamma$ media proportionalis Ξ . Quoniam igitur $\text{Quadr. } AB : \text{Quadr. } B\Theta = B\Theta : B\Gamma$; et quidem $\text{Quadr. } AB : \text{Quadr. } B\Theta = (AB : B\Theta)^2$ [vid. cor. 1. prop. 20. lib. VI. Eucl.]; at $B\Theta : B\Gamma = (B\Theta : \Xi)^2$ [ex def. 10. lib. V. Eucl.]; ideo etiam [ex prop. 11. lib. V. Eucl.] $AB : B\Theta = B\Theta : \Xi$. Sed $\Theta B : \Xi = \Xi : B\Gamma$. Itaque etiam $AB : B\Theta = \Theta B : \Xi = \Xi : B\Gamma$. Il-
autem manifestum est, constructionem hanc eandem esse atque illam: quam Diocles et Pappus tradidere.

CAP. XXII.

RECENTIORVM ENARRANTVR IN
NOSTRVM PROBLEMA CONATVS.

Exposita igitur hactenus a nobis sunt, quæ ex idoneis antiquitatis fontibus et monumentis petita, ad paulo accuratiorem vberioreque problematis de cubi duplicatione, sive de inueniendis duabus mediis continuè proportionalibus historiam pertinere visa sunt; neque, quod saltem attinet ad ea, quæ huius problematis soluendi edita adhuc leguntur varia antiquorum Geometrarum conamina, quidquam ex his a nobis prætermisum esse opinamur. Occurrunt quidem apud nonnullos recentiores de Mathesi eiusque historia scriptores in censum antiquorum nostri problematis perficiendi auctorum adhuc relati JOANNES PHILOPONVS et DIONYSIODORVS. Conf. Wolffii elementa Matheseos vniuersæ, tom. I, Genæ, 1743, pag. 409; Dictionaire universel de Mathématique et Physique, par Mons. Saverien, Paris. 1753, tom. I, pag. 252; atque Philander in not. ad Vitruv. de Architect. lib. IX, cap. 3, edit. Joa.

de

de Laet, Amst. 1649, pag. 178. Sed de illo Aristotelis commentatore iam supra (cap. XVI.) vidimus, esse in ipsius commentario ad Aristot. *Analyt. post. lib. I, cap. 7*, miram lectionis varietatem; atque quidem in altero codice, qui exscriptus est in editione Aldina 1534, (vid. fol. 24) exponi ab ipso Philonis Byzantini solutionem, adscribi autem Apollonio Pergaeo; in altero vero codice, cuius lectiones variantes huic editioni Aldinae ad calcem adiectae leguntur, (vid. fol. 117) exhiberi quidem, praeter illam Heronis Apollonio Pergaeo vindicatam, eandem illam Philonis Byzantini, sed neque hunc Philonem, neque Apollonium, neque alium quemquam tanquam eius auctorem nominari: unde forsitan euenit, ut, qui hoc codice vterentur, eam ab ipso Philopono esse excogitatam statuerent. Quod verò ad hunc Dionysiodorum, Geometram Theodosii M. temporibus clarum, attinet, cum Georgius Valla Placentinus, qui expetendorum et fugiendorum libris XXXXI, Venet. ap. Aldum 1507, 2 voll. editis etiam de disciplinis mathematicis bene meruit, in huius operis libro XIII, (Geometriae libro IV), cap. 2, de duobus cubis ad vnum redactis expositurus, duodecim illas huius problematis ex Eutocio descripsisset solutiones, et praeter has adhuc illas, quas tradit Philoponus, cuius posteriore

riore codice vsus est; cumque huic problematis nostri solutionum farragini alius adhuc problematis adfinis, quo quidem data sphaera plano facienda proponitur, ita ut ipsius segmenta ad se inuicem rationem habeant datam, solutiones a Dionysiodoro et Diocele prolatas ex Eutocio ad Archimed. de sph. et cyl. lib. II, prop. 5, (pag. 171 sqq. edit. Oxon.) adiungendas duxisset: factum est, ut miro sane errore etiam ille Dionysiodorus antiquis nostri problematis soluendi autoribus adnumeraretur.

Ceterum antiquorum Geometrarum adhuc plures in indagandis nostri problematis difficultatibus fuisse occupatos, variasque ipsius soluendi edidisse rationes, temporum iniuria deperditas, satis verosimile est, confirmaturque (ut praetermittamus irritos illos et infelices conatus, quales sine dubio saepius proferri vidit etiam antiquitas; maxime in primis huius problematis originibus, cum sublimior illa Geometria nondum esset ex-culta; ideoque de singulari huius problematis natura et indole rectiora adhuc non constarent; vel etiam postea a viris Geometriam non bene edoctis, cum ea, quae ab aliis ad huius quaestionis inuestigationem non infelicititer essent propo-sita, prorsus negligerentur: quod quidem in inep-tum

zum illum nostri problematis soluendi auctorem a Pappo in praefat. lib. III, collectae math. castigatum inprimis cadere supra (cap. XX,) vidimus) exlaudatissimo illo Pappi loco pag. 7, ubi nonnullos hunc problema per locos solidos Aristaei perfectissae memoratur.

Sed ut denique sub finem huius libri ad REGENTIORA iam conuertamus TEMPORA, quae in his ad nostri problematis investigationem adhuc prolata esse cognouerimus, breuiter recensituri; renatis quidem ex illa fere communi mediae (ut dicitur) aetatis barbarie in Occidente literis, cum, ut ceterarum disciplinarum, ita etiam Mathematicarum studium euoluendis et retractandis veterum scriptis maiorem, id modum refloresceret et alteraretur: non fieri potuit, quin plures in haec, quae apud veteres Mathematicos inter grauissimas habita esset, de cubo duplicando siue de inueniendis duabus mediis continue proportionalibus quaestionem incidere, seque in excogitandis nouis ipsius solutionibus denuo exercerent. Commemorandi sunt ex his inprimis, qui ineunte saeculo decimo quinto floruit NICOLAUS DE CUSA Cardinalis, et de mathematicis complementis scripti, in quibus cum inprimis in circuli quadraturam conatus suos protulisset, a Joanne Regiomontano

montano et Joanne Buteone postea confutatos, de transformatione figurarum, atque de mensura recti et curvi omnino egit, nequaquam quaedam etiam de nostro problemate perficiendo tentavit, Platonis rationem maxime sequutus (vid. operum clariss. P. Nicolai Cusae Card. Paris. ap. Ascensum, 1514, tribus voluminibus euulgorum, vol. II, in libello de transmutationibus geometricis, fol. 42); et qui paulo post inclaruit ille de sectionum conicarum doctrina auctor demerentissimus, JOANNES VERNERVS, Norimbergensis, qui in commentario s. paraphrastica enarratione in undecim modos conficiendi eius problematis, quod cubi duplicatio dicitur (ad calcem Libelli super viginti duobus elementis conicis, Norimbergae, 1522), posteaquam omnes veterum Geometrarum rationes recensuit dilucidiusque exposuit, etiam aliam quam solutionem mechanicam ipse est auspicatus.

Seculo decimo sexto ORONTIUS FINAEVS DELPHINVS libro singulari nonnulla difficultiorum problematum geometricorum soluisse professus est, (vid. Orontii Finaei Delphinatis, Regis Mathematicarum Lutetiae Professoris, Quadratura circuli tandem inuenta et clarissime demonstrata. De circuli mensura et ratione circumferentiae ad diametrum, Demonstrationes duae. De multangula-

rum

rum omnium et regularium figurarum descriptione, Liber hactenus desideratus. De inveniendi longitudinis locorum differentia, aliter quam per Lunares eclipses, etiam dato quouis tempore, Liber admodum singularis. Planisphaerium geographicum, quo tum longitudinis, tum latitudinis differentiae, tum directae locorum deprehenduntur elongationes. Lut. Paris. 1544.) atque ibi statim in limine libri de circuli quadratura, prima propositione, datis duorum quadratorum lateribus, quorum alterum circa, alterum vero intra circulum describitur: binas medias lineas rectas sub eadem ratione continue proportionales inveniendas, tradit; quod quidem problema (quippe cum harum mediarum rectarum inveniendarum minorem circumferentiae circuli, circa et intra quem quadrata illa sint descripta, aequalem constituere conetur) ad construendam et confirmandam circuli quadraturam necesse esse dicit; deinde pag. 24. etiam ipsam cubi duplicationem inde eliciendam docet. Hunc librum excepit anno 1556 prolixior tractatus eiusdem Orontii de rebus mathematicis hactenus desideratis, Parisiis editus, qui etiam fere penitus repletus est vberioribus de mediarum continue proportionalium inuentione disquisitionibus.

Nactus est autem mox idoneos aduersarios, qui ingentia eius sophismata acutissime detexerunt, sebereque vindicarunt, *Petrum Nonium* et *Idannem Buteonem*; quorum quidem alter singulari libello de erratis Orontii Finaei (vid. Petri Nonii Salaciensis opera, Basil. 1592; ubi ad calcem: De erratis Orontii Finaei, qui putauit inter duas datas lineas, binas medias proportionales sub continua proportionem inuenisse, circulum quadrasse, cubum duplicasse, multangulum quodcumque rectilineum in circulo describendi artem tradidisse, et longitudinis locorum differentias aliter quam per eclipses lunares, etiam dato quolibet tempore manifestas fecisse, Petri Nonii Salaciensis Liber vnus) euidenti et necessaria ratione ostendit, eas duas rectas lineas, quas Orontius medias proportionales constituerit, veras non esse, sed alteram superare iustam magnitudinem, alteram non implere; alter vero, ipsius Orontii discipulus, confutationem quadraturae circuli ab Orontio Finaeo factae operibus suis geometricis inferuit, (vid. Joa. Buteonis Opera Geometrica, quorum tituli sequuntur. De arca Noe, cuius formae capacitatisque fuerit. De subleuio ponte Caesaris. Confutatio quadraturae circuli ab Orontio Finaeo factae. Ad locum Quintilianii geometricum explanatio. Ad problema cubi duplicandi.

De fluentis aquae mensura. Emendatio figurationis organi a Columella descripti. De libra et statera. De precio margaritarum. Lugduni, 1554, pag. 42 sqq. et 59 sqq.) ubi etiam errores STIFELII in cubo duplicando aperuit, qui in Arithmetica integra (vid. Arithmetica integra, authore Michaelae Stifelio, Norib. ap. Joh. Petreium, 1544; ubi fol. 119 de duplatione cubi) etiam hoc problema soluere aggressus erat. Ipse quoque BVTIO ibidem peculiarem aliquam cubi duplicandi rationem admodum ingeniosam proposuit, atque quidem per approximationes, sola ope Geometriae elementaris, quam explicat *Kaestnerus* V. S. in libro (*Geschichte der Künste und Wissenschaften seit Wiederherstellung derselben* u. s. v. 7te Abtheil. *Geschichte der Mathematik* u. s. w. S. 470. u. s.)

Infelicibus illis cubi duplicandi auctoribus adhuc adnumerandi sunt, qui hoc et ineunte seculo sequente vixerunt, BERNARDVS SALIGNACVS, (vid. Bern. Salignaci Mesolabium, Geneuae, 1574 editum) JOSEPHVS IYSTVS SCALIGERVS, (vid. Jos. Scaligeri Jul. Caes. filii Mesolabium, ad nobiles Acad. Lugdunens. Batavor. curatores, et magnificos eiusdem ciuitatis consules. Lugd. Bat. 1594.) JOANNES ALFONSVS DE MOLINA, (vid. Descubrimientos Geometricos de Joan. Al-

fonso de Molina. En Anveres, 1598. Qui liber latine versus prodiit Arnhemii, 1620: *Noua reperta Geometrica Joh. Alfonſi Molinenſis Cani.* In quibus subtiliores geometricae quaestiones, de duplicatione cubi, quadratura circuli, rectitudine angulorum, aequalitate linearum curvarum cum recta discutiuntur: Demonstr. firmissimis deducuntur, Euclidean Elementa nonnulla corriguntur, nonnulla ut falsa reiciuntur. Hispanice edita, iam vero latinitate donata a Nicolao Jonſonio Arnh. Geldro.) ADRIANVS METIVS, (vid. Arithmeticae et Geometriae Practicae Adriani Metii, Almar. Matheseos Profess. in Acad. Frisiae Franekeranae ordin. Franekeræ, 1611, pag. 24.) alique plures, quorum omnium rationes, si eas per numeros examinare non grauatſ fueris, ut penitus falsae et satis insulsae protinus deprehenduntur.

Qui de perficienda atque praestantissimis inventis amplificanda Mathesi inter omnes horum temporum Geometras optime meruit, inprimisque transferenda primum Arithmetice ad Geometriae quaestiones ad nostri problematis naturam investigandam viam quasi praemunivit, acutissimus ille VIETA; hic cum in nostri problematis disquisitionem quoque esset delatus, aliquas tamen mechanicas

nicae eius soluendi rationes proponere maluit. Vid. Francisci Vietae opera mathematica, edita studio Francisci a Schooten, Lugd. Bat. 1646, Suppl. Geometriae prop. 5, pag. 242 sq. necnon variorum de rebus mathematicis responsor. lib. VIII, cap. 5. pag. 353 sqq. Cui adhuc adiungendi sunt, qui hoc aeuo etiam mechanicis solutionibus concinnandis operam dederunt, JOANNES BAPTISTA VILLALPANDVS, qui in operis sui explanationum in Ezechielem tomo tertio (Vidd. Hieronymi Pradi et Joannis Baptistae Villalpandi e Soc. Jesu in Ezechielem Explanationes et Apparatus vrbis ac templi Hierosolymitani commentariis et imaginibus illustratus. Romae, Superiorum permisso, 1606.) (pag. 289 sqq.) singulares quasdam lineas curuas ab ipso inuentas, quas proportionatrices appellauit, ad inueniendas medias continue proportionales adhibuit, atque (pag. 317 sqq.) earundem ope etiam augendorum minuendorumue data ratione corporum instrumentum constituit *); CLAVDIVS RICHARDVS, (vid.

O 2

Eucli-

*) Istas omnes de nostro problemate disquisitiones (vt omnino Geometrica omnia circa pondera et centrum grauitatis, quae in suis de templo Salomonico commentariis congefferit Villalpandus) attribuendas esse potius *Christophoro Gruenbergerio*, monuit

Euclidis elementorum geometricorum libros tredecim, Isidorum et Hypsiclem etc. illustravit Claudius Richardus, Antverpiae, 1645; cui adiectus est pag. 545 sqq. Liber de inuentione duarum rectarum linearum continue proportionalium inter duas rectas datas, ex antiquis Geometris et recentioribus, vbi pag. 562 sq. modus decimus quartus est ipsius Claudii Richardi) et qui de nostri problematis historia etiam nonnulla exposuit JOHANNES MOLTHERVS (vid. Problema Deliacum de cubi duplicatione nunc tandem post infinitos praestantissimorum Mathematicorum conatus expedite et Geometrice solutum, auctore Joh. Molthero, Francof. 1619.).

Recentiori demum Analyfi a Cartesio primum perfectae in acceptis referendum esse, quod veram et propriam nostri problematis naturam penitus iam perspiciamus, atque quidem ipsum ita esse comparatum, vt ad ipsius solutionem sola Geometria plana non sufficiat, sed lineae curuae circulo altiores necessario requirantur, firmissima demonstratione euincere possumus: iam supra in

Intro-

monuit Claud. Richardus in Argumento Libri de inuentione duarum rectarum linearum continue proportionalium cett.

Introductione expositum est. Fuere quidem ex antiquis Geometris iam plures, qui de hac nostri problematis indole rectius sentirent, ipsumque, quod esset solidum, per plana solui posse negarent; quemadmodum de Herone, Philone aliisque monet Pappus (pag. 7 et 9), qui et ipse ita iudicauit. Sed ut idonea demonstratione illud confirmare possent, nunquam sunt adsequeuti. Quibus enim proprie elici deberet talis demonstratio disquisitionibus, pertinebant eae maxime ad doctrinam illam de locis geometricis; quae, quamuis de summa humani ingenii vi et acumine insigne exhiberet documentum, tamen, cum calculo recentiorum eiusque in geometricis quaestionibus usu destitueretur, semper quodammodo imperfecta mansit, plurimisque grauioribus quaestionibus idonee soluendis nequaquam satisfacere potuit. Pertinet huc etiam quae inter antiquos Geometras minime conuenit quaestio, et cui agitandae inprimis quoque nostri problematis soluendi difficultates occasionem praebuerè, quaenam nempe lineae curuae in Geometriam omnino essent recipiendae? cum, secundum illam linearum diuisionem in locos planos, solidos, et lineares, initio quidem tantum loci plani, i. e. recta et circulus pro vere geometricis haberentur, hisque postea demum etiam loci solidi, i. e. conicae sectiones a

multis adnumerarentur; reliquae autem lineae curvae, quarum cognitionem adhuc admodum imperfectam tenuere veteres, a Geometria plane alienae fere ab omnibus iudicarentur: quemadmodum etiam Pappus quae nostri problematis et illius de anguli trisectione ope circuli et conicitionum perficiantur solutiones, eas tantum geometricas esse declarat, ab his illas per locos lineares sedulo discernens. Vid post prop. 4. lib. III, (pag. 7); post prop. 30. lib. IV, (pag. 95); necnon post prop. 25. lib. IV, (pag. 88 sq.), atque adhuc passim alibi. Ad hanc igitur, quae adhucusque obtinuiſſet apud Geometras linearum curvarum diuisio et consideratio, cum respiceret CARTESIVS, in Geometria sua (1537 primum gallice edita) nouam rationem tractandarum curvarum ope Analyseos auspicatus, ex ea etiam, quatenus curvae in Geometriam essent recipiendae, denuo constituere aggressus est. Cum enim relatione ductarum linearum coordinatarum per aequationem algebraicam definienda naturam cuiusvis curvae constituendam primus docuisset: in quibuscunque curuis hoc fieri posset, eas omnes in Geometriam recipiendas duxit; quarum vero naturas calculo suo atque huic inuentae ab ipso methodo subilicere non potuit, quippe quae supponerent aequationes, quas vocant transcendentes, postea demum a

Leib-

Leibnitio inuentas, eas appellauit mechanicas et ex Geometria excludendas habuit. In illis igitur curuis (algebraicis) solis tractandis cum versaretur, distinxit eas insuper in genera iuxta quantitates dimensionum in aequatione occurrentium; et quemadmodum a veteribus iam constitutum erat vt magnum peccatum, si problema planum per conica vel linearia inueniretur, atque, quemadmodum summatim dixerunt, si ex improprio solueretur genere (vid. Pappus in libro IV, post prop. 30. pag. 95): sic etiam ille legem tulit, non licere problema per lineam altioris generis construere, quod constitui posset per lineam inferioris generis. (Vid. Geometria a Renato Des Cartes, lat. versa et comment. illustrata, opera et studio Francisci a Schooten, Amst. 1683, pag. 67.) Hanc igitur legem ipse exemplo confirmaturus edidit simplicissimam et praestantissimam nostri problematis, quemadmodum etiam illius de anguli trisectione ope parabolae cum circulo coniunctae solutionem, quae in tertio Geometriae libro (pag. 91) explicata legitur; vbi simul docuit, ad hasce duorum illorum problematum constructiones omnia problemata solida reduci posse: atque denique sub finem huius libri nostrum problema et illud de anguli trisectione, ideoque omnino omnia problemata solida absque sectioni-

+ bus conicis construi non posse, primus idonea demonstratione manifestum reddidit.

Ex iis Geometris, qui Cartesium sequuti de augendis et perficiendis hisce inuentionibus bene meruerunt, nominandus est prae aliis SLVSVS, qui veras rationes construendarum aequationum per locos geometricos primus eruit, atque ipsas (cum Cartesius in circulo et parabola substitisset) adhibita qualibet curua alteri cuius curuae coniuncta innumeris modis exhibendas docuit. Vid. Renati Francisci Slusii Mesolabium s. duae mediae proportionales inter extremas datas per circulum et per infinitas hyperbolas et ellipses et per quamlibet exhibitae, ac problematum omnium solidorum effectio per easdem curuas, Leodii Eburonum, 1654; in quo libro pag. 36 omne problema solidum duarum mediarum inter datas inuentione, et anguli trisectione solui posse monet, atque pag. 44, data qualibet ellipse, inter extremas datas ope circuli duas medias proportionales inuenire ingeniose tradit. Sequutus est autem in his omnibus methodum veterum Geometrarum synthetice demonstrandi, occultata analysi, qua in istas inuentiones erat delatus, quam tamen postea in altera libri sui editione singulari tractatu subiunxit. (Leodii Eburonum, 1668, vna cum adiunctis Miscellaneis).

Senten-

Sententiae illius Cartesianae de problemate, quod construi posset per lineas inferioris generis, per lineam altioris generis non construendo, contrarium amplexus NEVTONVS in Arithmetices vniuersalis appendice de aequationum constructione lineari (pag. 250) elegantissimam simul et simplicissimam ope conchoidis nostri problematis, vt etiam illius de anguli trisectione, exhibuit solutionem, ad Archimedem et Pappum prouocans, qui per istam curuam angulum tripartito secundum declarauerint; atque simul generaliter docuit, qua ratione per istam curuam omnes aequationes cubicæ, ideoque etiam biquadraticae construi possent quam facillime. Monuit insuper ibidem, Geometriam excogitatam esse et excultam praecipue eum in finem, vt expedito linearum ductu effugeremus computandi taedium, ideoque arithmeticas et geometricas disciplinas non esse confundendas; atque igitur cum arithmetice quidem esset simplicius, quod per simpliciores determinaretur aequationes, geometricæ vero simplicius, quod per simpliciores ductum linearum colligeretur: in Geometria prius et praestantius esse debere, quod esset ratione geometrica simplicius; quare non aequationis, qua curua definiretur simplicitate, sed sola descriptionis, qua in plano exarari posset, facilitate, curuam reddi geometricam.

Quamuis igitur conchoidis aequatio ascenderet ad quatuor dimensiones, nostrum autem problema per sectiones conicas, quae ad duas modo dimensiones ascenderent, solui posset: praeferebam tamen esse suam constructionem per conchoidem, quam descriptionis simplicitate nulli curvae praeter circulum cedere adfirmabat; illam per conicas sectiones solutionem, qualem etiam ibidem exposuit, cum esset magis composita, quam ut visibus ullis inferuire posset, nudam potius speculationem esse, speculationes autem geometricas tantum habere elegantiae, quantum simplicitatis, tantumque laudis mereri, quantum utilitatis secum afferrent, simul declarans.

Quae cum ita sint exposita, adfirmare sane licet, quod in antiqua historiae mathematicae tempora cadere supra satis superque confirmatum vidimus, in quibus quidem nostri problematis solvendi studia tantopere profuerint ad mathematicas disciplinas ipsas magis excolendas, quousque et praestantissimis accessionibus et incrementis amplificandas: hoc non prorsus alienum esse habendum etiam a recentiori aeuo, cum quidem accuratior et absolutior de ipsius natura et solvendi ratione inuestigatio satis coniuncta fuisse appareat cum gravissimis illis inuentionibus, quibus

bus noua penitus et perfectior Geometriae auspiciata est tractatio et constitutio; adeo ut, qui praeter Newtonum seculi decimi septimi extiterint Geometrae primarii Cartesianas amplexi inventiones, ex eorum choro fere nullus sit excipiendus, qui non aliquas meditationes de inveniendis mediis continue proportionalibus doctrinae impenderit. Laudandi ex his adhuc supersunt: CHRISTIANVS HUGENIVS, (vid. Christ. Hugenii, Const. F. de Circuli Magnitudine inventa. Accedunt eiusdem Problematum quorundam illustrium constructiones, Lugd. Bat. 1654; pag. 49 sqq.) CAROLVS RENALDINVS, qui in Geometra promotus, Patavii, 1670 edito, nostrum problema per lineas quasdam curuas, quas Mediceas vocauit, soluendum expertus est; ISAACVS BARROVIVS (vid. Isaaci Barrouii Lectiones opticae et geometricae, Lond. 1674); atque denique VINCENTIVS VIVIANI, qui in secunda Diuinatione geometrica de Locis solidis, in quinque Libros iniuria temporum amissos Aristaei Senioris Geometrae, Florentiae, 1707 euulgata, etiam nostrum problema attigit.

Ceterum quae adhuc recentissimis temporibus protulit nonnullorum Geometrarum, palmam ex nostro problemate soluendo aliquam adhucdum in

in medio positam esse opinantium, pertinax studium et inuestigandi diligentia, ex his nonnulla, quae inspicere nobis contigit, sub finem huius libri laudasse sufficiet.

La duplication du cube, la trisection de l'angle et l'inscription de l'heptagone regulier dans le cercle par Mr. COMIERS PREVOST, à Paris, 1677.

La duplication du cube par le cercle et la ligne droite, ou resolution geometrique en cinq manières du problème proposé par le Sr. Comiers; le tout démontré par une methode aussi particulière que facile à concevoir, et par des raisons si fortes, qu'elles ne laissent aucun lieu de douter de la certitude de la resolution, qui est fondée sur les mêmes principes qu' Euclide donne dans ses elemens, par Mr. BRUNET, Avocat au Parlement de Provence, à Paris, 1682.

Nuovo Metodo Geometrico per trovare fra due linee rette date infinite medie continue proporzionali (di *Paolo-Mattia Doria*), in Venezia, 1715.

Dimostrazione de Luogo ove terminano le linee cubiche ricercate nel Libro intitolato *Nuovo Metodo Geometrico per trovare fra due linee rette date*

date infinite medie continue proporzionali, in Napoli, 1715.

Lettera de Signor D. *Paolo-Mattia Doria* indirizata al Signor *Giacinto di Cristoforo*, nella quale si dimostra, che la Parabola Apolloniana in qualunque modo che si descriva, non è linea geometrica; e che in conseguenza di ciò sono false tutte le altre curve. Di nuovo dall' Autore reviduta ed ampliata, in Amst. 1718.

Delle Opere Matematiche di PAOLO-MATTIA DORIA, Tomo primo, nel quale si contengono la Duplicazione del Cubo, ed altre Opere a cagione di quella dall' Autore fatte, e in varii tempi pubblicate, e in quest' ultima edizione di nuove considerazioni ornate, con l'aggiunta nel fine d'una Lettera, colla quale si risponde a due articoli, che si leggono nel Libro intitolato *Acta erudit. quae Lipsiae publicantur, supplementa, tomus VII.* In Venezia, 1722; Tomo secondo, nel quale vi si contengono varie Considerazioni ed Esercitazioni geometriche, e la Duplicazione del Cubo dimostrata per la via generale d'Euclide etc. In Venezia, 1726.

Duplicationis Cubi Demonstratio a PAULO-MATTIA DORIA inuentore, celeberrimae Regiae Societatis

cietatis Angliæ censuræ exposita. Hac latina editione maximopere aucta, Venetiis, 1730.

De Circuli Quadratura et de Cubi Duplicatione, cum similium aliarum rerum accessione, Demonstrationes Geometricæ, D. D. D. Maiestati sanctissimæ Reginae Matris Virginis ab PHILIPPO DE CARMAGNINIS, in Philosophia et Medicina Doctore, Florentiæ, 1751; Della Quadratura del Circolo e del Doppiaimento del Cubo, con la giunta di altre simili Cose Dimostrazioni Geometriche D. D. D. alla Maestà della SS^{ma} Regina Madre Vergine da FILIPPO CARMAGNINI, Dottore in Filosofia e Medicina. In Firenze, 1751.

Solution du Probleme Deliaque démontrée par JACQUES GASSANOVA DE SEINGALT, Bibliothecaire de Mr. le Comte de Waldstein, Seigneur de Dux en Bohême; à Dresde, 1791.

